

ბუზები

დრამა სამ მოქმედებად

შარლ დიულენს
მადლიერებისა და მეგობრობის ნიშნად

მანქანა

ფრანგულიდან თარგმნა მზია ბაქრაძემ
პიესა რედაქტირებულია თინა კოპლატაძის მიერ
მხატვარი თენგიზ მირზაშვილი

მოქმედი პირნი

იუპიტერი
 ორესტე
 ეგისტე
 პედაგოგი
 პირველი მცველი
 მეორე მცველი
 უზენაესი ქურუმი

ელექტრა
 კლიტემნესტრა
 ერინია
 ახალგაზრდა ქალი
 ბებერი ქალი

ხალხი – კაცები და ქალები
 ერინიები, მსახურნი
 სასახლის მცველნი

პიესა პირველად დაიდგა „სიტეს“ თეატრში, დამდგმელი რეჟისორი შარლ დიულენი.

პირველი მოქმედება

მოედანი არგოსში. ბუზებისა და სიკვდილის ღმერთის იუპიტერის სახესისხლიანი და თეთრთვალეა ქანდაკება.

სურათი პირველი

შავოსანი დედაბრები მწკრივად შემოდიან და ქანდაკების წინ ზედაშეს ასხამენ. სცენის სიღრმეში, ძირს, ზის იდიოტი. შემოდიან ორესტე და პედაგოგი, შემდეგ იუპიტერი.

ორესტე - ჰეი, კეთილო ქალებო!

ქალები წივილ-კივილით შემოტრიალდებიან.

პედაგოგი - ხომ არ გვეტყოდით...

ქალები მიწას აფურთხებენ და ნელინელ უკან იწევენ

პედაგოგი - მოითმინეთ, ჩვენ გზააბნეული მგზავრები გახლავართ. ერთი რამ გაგვაგებინეთ მხოლოდ...

ქალები გარბიან, ხელიდან ლარნაკები უცვივათ.

პედაგოგი - დამპალო ბებრუსუნებო. რას გარბიხართ, თქვენი სილამაზით მოვიხიბლები თუ რა? ო, ჩემო ბატონო, მოგზაურობაც ამას ჰქვია. რომელმაც ეშმაკმა ჩაგაგონათ აქეთ წამოსვლა, ვინ მოთვლის რამდენი მშვენიერი ქალაქია საბერძნეთსა და იტალიაში, ქალაქები, განთქმულნი საუცხოო ღვინოებით, სტუმართმოყვარე ფუნდუკებითა და ხალხმრავალი ქუჩებით. ამ ყვეყჩებს კი თავი ისე უჭირავთ, თითქოს პირველად ხედავენო ტურისტს. ამ გადახრუკულ ქვეყანაში ათასჯერ ვიკითხე გზა და ათასჯერვე მხოლოდ შიშით და ძრწოლვით მოცული შეყვირება თუ მძიმე თქარათქური მომესმა. ოჰ, ეს გავარვარებული უკაცრიელი ქუჩები, მთრთოლვარე ჰაერი და მზე... რა არის მზეზე უფრო შესაზარი?

ორესტე - მე აქ დავიბადე...

პედაგოგი - ასე ამბობენ. მე რომ მკითხოთ ამაში საამაყო არაფერია.

ორესტე - აქ დავიბადე; გზა კი უცხო გამვლელივით უნდა ეკეთოსო, აბა ერთი იმ კარზე დააკაკუნე.

პედაგოგი - ნეტა რისი იმედი გაქვთ? ვითომ გამოგეპასუხებინა? ერთი შეხედეთ ამ სახლებს და მითხარით რასა ჰგვანან. ფანჯრები სადღაა? ეტყობა ფანჯრები ბნელი და ჩახურული ეზოებისაკენ მიუქცევიათ, ხოლო ქუჩებს კი თავიანთ უკანალებს უშეიშვან (ორესტეს შესტი). კარგი, დავაკაკუნებ, თუმცა რისი იმედი უნდა გქონდეს.

აკაკუნებს. სიჩუმე. კვლავ აკაკუნებს. კარი ოდნავ იღება.

ხმა - რა გნებავთ?

პედაგოგი - ბევრი არაფერი; ვერ მიგვასწავლით სად ცხოვრობს...

კარი უმალ იხურება.

პედაგოგი - ეშმაკსაც ნაულიხართ! კმაყოფილი ბრძანდებით, ბატონო ორესტე? იქნებ გვეყო. ისე კი, თუ ძალიან გსურთ, ყველა კარზე შემიძლია დავაკაკუნო.

ორესტე - არა, თავი დაანებე.

პედაგოგი - შეხედეთ, აქ ვილაც ყოფილა (უახლოვდება იდიოტს). ბატონო ჩემო!

იდიოტი - ჰმ...

პედაგოგი - (თავს უკრავს). ბატონო ჩემო!

იდიოტი - ჰმ...

პედაგოგი - ვერ მიგვასწავლით ეგისტეს სახლს?

იდიოტი - ჰმ...

პედაგოგი - არგოსის მეფის, ეგისტეს სახლს გეკითხებით.

იდიოტი - ჰმ...

სცენის სიღრმეში იუპიტერი ჩაივლის.

პედაგოგი - ბედი არ გვწყალობს. როგორც იქნა კაცი არ გავვირბის, მაგრამ რად გინდა, იდიოტია (იუპიტერი ისევ ჩაივლის). უყურე ერთი, სადამდე მოგვეყვა.

ორესტე - ვინ?

პედაგოგი - ეგ ნვეროსანი.

ორესტე - რა არ გელანდება.

პედაგოგი - გეუბნებით, ეს-ეს არის ჩავგიარა.

ორესტე - გეშლება.

პედაგოგი – შეუძლებელია! ჩემ სიცოცხლეში ასეთი წვერი მხოლოდ ერთხელ მინახავს. იგი იუპიტერის ბრინჯაოს ქანდაკებას ამშვენებს პალერმოში. შეხედეთ, აი, მიდის, ნეტა რას აგვეკიდა?

ორესტე – ალბათ ჩვენსავით მოგზაურობს.

პედაგოგი – მაგას პირველად დელფოსის გზაზე შეეხვდით. როცა იტეამი გემზე ავედით, მისი წვერი გემბანს გადაჰფარებოდა უკვე. ნოპლიში ერთთავად ფეხებში გვედებოდა და ნახე, ერთი, აქაც როგორ გვიტრიალებს? თქვენ რა, უბრალო დამთხვევა გგონიათ? (ხელით იგერიებს ბუზებს). ეს კია, არგოსის ბუზები არგოსელებზე უფრო სტუმართმოყვარენი ყოფილან. დახედეთ ერთი ამას (იდიოტის თვალზე მიუთითებს). ისე დახვევიან ბუზები, თითქოს ტკბილი ნამცხვარიყო, ის კი ანგელოსებს უღიმის, ალბათ სიამოვნებს თვალს რომ უწუნნიან; მართლაც თვალიდან აჭრილი რძის მსგავსი რალაც თეთრი სითხე სდის; კმარა, ბუზებო, გეყოთ. (ბუზებს იგერიებს.) გიხაროდეთ, ახლა თქვენ დაგასხდნენ; აკი ჩიოდით, საკუთარ ქვეყანაში უცხო ვარო; ეს ბუზები კი დღესასწაულს გიმართავენ, თითქოს გიცნესო (ბუზებს იგერიებს.) კმარა, დანყნარდით, დანყნარდით, გვეყო ამდენი ალტკინება. ნეტა საიდან მოაწყდა ამდენი? ეს ოხრები ჭრიალებზე უფრო ხმამაღლა ზეჟიან, ტანით კი ლამის ჭრიჭინები დაჯაბზონ.

იუპიტერი – (მათკენ მიდის.) ოდნავ შესუქებული ხორცის ბუზები არიან და მეტი არაფერი. 15 წელია, რაც ამ ქალაქისაკენ ლემის მყრალი სუნი იზიდავთ. მას აქეთ სუქდებიან. კიდევ 15 წელი და ალბათ ბაყაყებს დაემსგავსებიან.

სიჩუმე.

პედაგოგი – ვისთან გვაქვს პატივი საუბრისა?

იუპიტერი – დემეტრიოსი მქვია, ათენიდან მოვდივარ.

ორესტე – მგონი, ხომალდზე შეგნიშნეთ ამ თხუთმეტიოდე დღის წინათ.

იუპიტერი – მეც დაგინახეთ.

სასახლიდან საშინელი ღრიალი მოისმის.

პედაგოგი – ოჰო, ეს ამბავი კარგს არაფერს მოასწავებს. ბატონო ჩემო, მგონი უმჯობესია აქაურობას გავეცალოთ.

ორესტე – გაჩუმდი.

იუპიტერი – ნურაფრისა შეგემინდებათ. დღეს მიცვალებულთა დღეა. ეს ღრიალი ცერემონიალის დაწყებას გვაუწყებს.

ორესტე – თქვენ ეტყობა, არგოსს კარგად იცნობთ.

იუპიტერი – ხშირად ჩამოვდივარ ხოლმე. რომ იცოდეთ, აქ ვიყავი მეფე აგამემნონის დაბრუნებისას, როცა ბერძნების გამარ-

ჯეიტულმა ფლოტმა ნოპლისთან ჩაუშვა ღუბა. გალავნის კედლებიდან თეთრი აფრები ჩანდა. (ბუბებს იგერიებს.) მაშინ აქ ერთ ბუხსაც ვერ ნახავდით. არგოსი პროვინციის ერთი პატარა ქალაქი იყო, მზიქე მოწყენილად მთელემარე. მეორე დღეს სხვებთან ერთად სათვალთვალ კომპზე ავედი და დიდხანს ვადევნებდი თვალს სამეფო კორტეჟს, რომელიც ველზე მოემართებოდა. საღამო ზანს კი გალავანზე დედოფალი კლიტემნესტრა გამოჩნდა ეგისფის თანხლებით. არგოსის მკვიდრთა დაინახეს ჩამავალი მზით განთილებული მათი სახეები. მათ ისიც შენიშნეს, როგორ დაიხარხარეს ისინი ქონგურებზე და დიდხანს გასცქეროდნენ ზღვას. არც ისე დიდხანს გაიფიქრეს „უბედურება მოხდებაო“, მაგრამ არაფერი უთქვამთ. თქვენ, ალბათ, მოგეხსენებათ, რომ ეგისთე კლიტემნესტრას საყვარელი იყო. მაგ არამზადას იმდროიდანვე შავნალვლიანობა სჭირდა. მგონი, დავგალოთ?

ორესტე – ბევრი ვიარე ამ პაპანაქება სიცხეში. განაგრძეთ.

იუპიტერი – ავამემნონი გვარიანი კაცი იყო, მაგრამ ერთი შეცდომა მოუვიდა: საჯაროდ სიკვდილით დასჯა აკრძალა. ვაგლას! ერთი ღამათიანი ჩამოხრჩობა პროვინციაში ხალხს ართობს და სიკვდილის გრძნობას უჩლუნგებს. აქაურები გაყურდნენ, რადგან მონყენილები იყვნენ და სიკვდილით დასჯის ნახვა უნდოდათ. არც მაშინ დაუძრავთ ხმა, მეფე ქალაქის კარიბჭეს რომ მოადგა. როცა კლიტემნესტრამ თავისი მშვენიერი, სუნამოპყურებული მკლავები გაუწოდა, მაშინაც დუმდნენ. არადა ერთი სიტყვაც საკმარისი იქნებოდა, მხოლოდ ერთი სიტყვა, მაგრამ ისინი დუმდნენ და თითოეულ მათგანს თავგაჩეხილი გვამი ედგა თვალწინ.

ორესტე – თქვენ, თქვენც არაფერი ვითქვამთ?

იუპიტერი – მერედა ეს გამფოთებთ, ჭაბუკო? ფრიად მოხარული ვარ. ეტყობა, კეთილი ყმანვილი ბრძანდებით. არა, მეც არაფერი მითქვამს. აქაური არა ვარ და რატომ ჩავერეოდი. რაც შეეხება არგოსელებს, როცა მეორე დღეს განგმირული მეფის ღრიალი ჩაესმათ, ისევ გაჩუმდნენ, წამნამებით დაიბურეს ვნებით აღვისილი თვალეები და მთელი ქალაქი ალურსით მოთენთილი ქალივით გაინაბა.

ორესტე – ქვეყანას კი მკვლელი განაგებს. 15 წელია ბედნიერად გრძნობს თავს. მე მეგონა, ღმერთები უფრო სამართლიანი იყვნენ.

იუპიტერი – აბა, აბა, აგრე აუგად ნუ ახსენებთ ღმერთებს. განა ყოველთვის დასჯაა საჭირო? განა არ აჯობებდა ამ არეულობის მეოხებით ზნეობრივი წესრიგი დაემყარებინათ?

ორესტე — მერედა რა ქნეს?

იუპიტერი — რა და ბუზები დაახვიეს ქალაქს.

პედაგოგი — ვითომ რაო?

იუპიტერი — ბუზი სიმბოლოა. რაც ბუზებმა გააკეთეს, ახლავე თვალნათლივ დავანახებთ. ხედავთ იქ, ბებერ ცხრაფეხას კედელს რომ აკვრია და პატარა შავი თათებით დაცოცავს? კედლის ხვრელებში მოფუსფუსე შავი და ბრტყელი ფაუნის კარგი ნიმუშია. დავახტები ქვეწარმავალს, ხელს დავტაცებ და მოგიყვანთ. (ხელს ავლებს ბებერ ქალს და ავანსცენაზე გამოჰყავს). აი, ჩემი ნადავლი. შეხედეთ რა საზიზღარია, რას ახამხამებ თვალებს, განა მიჩვეული არა ხარ მზისგან გავარვარებულ მახვილებს? ანკესზე წამოგებულ თევზივით არ ფართხალებს? მითხარი, ბებრუხუნავ, შენ ალბათ 12 ვაჟიშვილი გეყოლება მკვდარი. თავიდან ფეხებამდე ჩაშავებულხარ. მიდი, ამოიღე ხმა და შეიძლება გაგიშვა კიდეც. რატომ ატარებ ძაძას?

ბებერი ქალი — ეს ხომ არგოსული სამოსია.

იუპიტერი — არგოსული? ჰო, გასაგებია. მეფის გამო ატარებ ძაძას, მოკლული მეფის გამო, არა?

ბებერი ქალი — გაჩუმდი, ღვთის გულისათვის, გაჩუმდი.

იუპიტერი — ხანი არ უნდა გაკლდეს და უთუოდ გაიგონებდი იმ საშინელ ღრიალს, ქალაქის ქუჩებში მთელი დღე რომ გაისმოდა. შენ რა ჰქენი?

დედაბერი — ჩემი კაცი ყანაში იყო, აბა რა უნდა მექნა. კარი გადავრახე.

იუპიტერი — ოღონდაც და არაფერი გამომრჩესო, ფანჯარა გამოალე და სუნთქვაშეკრული ფარდას ამოეფარე. მუცელში კი რალაც უცნაურმა ლიტინმა შეგანუნა.

დედაბერი — გაჩუმდი!

იუპიტერი — იმ ღამეს ალბათ ბოლომდე შესვი სიყვარულის ფიალა. დიდი დღესასწაული იყო, არა?

დედაბერი — ოჰ, ბატონო, ეს... საშინელი დღესასწაული იყო.

იუპიტერი — წითელი დღესასწაული, მისი მოგონება ჯერაც არ წამლილა თქვენი მესხიერებიდან.

დედაბერი — ბატონო, თქვენ მიცვალებული ხართ?

იუპიტერი — მიცვალებულიო? გაიარე, გაიარე სულელო, რა შენი საქმეა ვინა ვარ. თავს მიხედე, ცოდვები მოინანიე და იქნებ ზეცამ პატიება მოგაგოს.

დედაბერი — ო, ცოდვებს ვინანიებ, ბატონო, რომ იცოდეთ, როგორ ვინანიებ. ჩემი ქალიშვილი სინანულის გზას ადგას და სი-

ძე ხომ ყოველ წელს თითო შესანიშნავ ზვარაკს კლავს. შეილოძვილი შეიდი წლისა მყავს და ისიც სინანულში გავზარდეთ. ძალიან დამჯერია და კარგად ესმის პირველი ცოდვის სიმძიმე.

იუპიტერი - კარგი, გამეცალე ბებურო მძორო, და ეცადე სინანულში ჩაძალდე. ეს თუ ვიხსნის. (დედაბერი ვარბის.) ან მაგრად ეცადები, ბატონებო, ანდა სწორედ ეს გახლავთ ძველებური ყოფის სამდივილი ღვთისმოსაობა, რომელსაც შიში ასაზრდოებს.

ორესტე - თქვენ ვინა ხართ?

იუპიტერი - ჩემი ამბავი რა საკითხავია. ჩვენ ღმერთებზე ვლაპარაკობდი. მამ ეგისტეს მეხი უნდა დასცემოდა?

ორესტე - უნდა დასცემოდა... დასწყევლოს ღმერთმა, აბა რა გიცი, რა უნდა დამართოდა; ანდა რაში მეკითხება. მე აქაური არა ვარ. ეგისტეც სინანულის გზას დაადგა?

იუპიტერი - ეგისტე? ძალიან გამივირდებოდა. ანდა რა მნიშვნელობა აქვს ამას. მის სინანულს მთელი ქალაქი ინანიებს. სინანული ხომ წონით იზომება (სასახლიდან შემზარავი ყვირილი მოისმის.) გეხმით, აქაოდა, მეფე აგამემნონის სასიკვდილო ღრიალი არ დაგვაგინყდესო, მჭახეხმიანი მეხრე შეარჩიეს, რათა ყოველ წლისთავე სასახლის დიდი დარბაზი გააყრუოს ისეთივე ღრიალით (ორესტეს ზიზნარევი შესტი). თუმცა ეს არაფერია; ვნახოთ რას იტყვით ცოტა ხნის შემდეგ, როცა მიცვალებულებს გამოუშვებენ. 15 წლის წინათ, სწორედ დღევანდელ დღეს მოკლეს აგამემნონი. ეჰ, არგოსის უდარდელი ხალხი კაი მაგრა შეიცვალა იმ დროიდან და რომ იცოდეთ, რა ახლოს მივიტანე გულთან მათი სატყვიარი.

ორესტე - თქვენს გულთან?

იუპიტერი - მოიცა, მოიცა, ჭაბუკო, მე ჩემთვის ვლაპარაკობდი. უნდა მეთქვა: ღმერთის გულთან-მეთქი.

ორესტე - რას ბრძანებთ, განა იუპიტერს მოსწონს სისხლით მოთხვრილი კედლები, აუარება ბუზი, სასაკლავოს სუნი, პაპანაქება სიცხე, უკაცრიელი ქუჩები, ღმერთის ქანდაკება, რომელსაც მკვლელის გამომეტყველება აქვს, დაშინებული ლარვები თავიანთ სახლებში რომ გამოკეტილან და მკერდში ხელებს იბაგუნებენ - ეს ყვირილიც მოსწონს, ეს აუტანელი ყვირილი?

იუპიტერი - ასე ადვილად ნუ განსჯით ღმერთებს, ჭაბუკო, მათ თავიანთი მძიმე საიდუმლოებაც ეყოფათ.

სიჩუმე.

ორესტე - აგამემნონს ქალი ჰყავდა, მგონი ელექტრა ერქვა.

იუპიტერი - დიახ, იგი არგოსში ცხოვრობს, ეგისტეს სასახ-

ლემი, აი იქ.

ორესტე - ოჰ, ეგ ეგისტეს სასახლეა? - რას ფიქრობს ელექტრა...

იუპიტერი - ეჰ, იგი ბავშვია. აგამემნონს ვაჟიც ჰყავდა, ორესტე ერქვა. ამბობენ მოკვდაო.

ორესტე - მოკვდაო! დალახვროს ღმერთმა...

პედაგოგი - ცხადია, ბატონო ჩემო, თქვენც კარგად იცით, რომ მოკვდა. ნოპლის მცხოვრებლებმა გვიამბეს, დიდი ხანი არ იყო გასული აგამემნონის მოკვლის დღიდან, რომ ეგისტემ ისიც მოაკვლევინაო.

იუპიტერი - ზოგს კი ეგონა, ცოცხალიაო. მკვლევებს შესცოდებიათ და ტყეში დაუტოვებიათო. ამბობენ, ათენის მდიდარმა ბურჟუეზმა აიყვანეს და გაზარდესო. მე, ჩემდათავად, ვისურვებდი, რომ მკვდარი იყოს.

ორესტე - თუ შეიძლება გვიბრძანეთ, რად ფიქრობთ ეგრე?

იუპიტერი - წარმოიდგინეთ, რომ ერთ მშვენიერ დღეს იგი ქალაქის კარიბჭეს მოადგეს.

ორესტე - მერე?

იუპიტერი - ჰოდა, რომ შემხვედროდა, ვეტყოდი: ჭაბუკო... ჭაბუკს დავუძახებდი, რადგან თუ ცოცხალია, თქვენი ხნისა უნდა იყოს; სიტყვას მოჰყვა და ვინ ბრძანდებით, ჩემო ბატონო?

ორესტე - ფილები მქვია და კორინთოდან გახლავართ. გონების სავარჯიშოდ ემოგზაურობ მონასთან ერთად, რომელიც ჩემი მასწავლებელი იყო.

იუპიტერი - კეთილი და პატიოსანი, ჰოდა მე ვეტყოდი: ჭაბუკო, წადით აქედან. რა დაგრჩენიათ აქ? თქვენი უფლებები გინდათ დაიბრუნოთ? ეტყობა ფიცხი და გულმაგარი ხართ, ბრძოლაში კარგი მეთაური იქნებოდით; ეგ არ სჯობია? რად გინდათ ცოცხალ-მკვდარი ქალაქის გამგებლობა, ბუზები რომ დასევიან და ტანჯავენ. მართალია, აქაურები დიდი ცოდვილები არიან, მაგრამ ახლა სინანულს მისცემიან. დაანებეთ თავი, გაეცალეთ აქაურობას, ჭაბუკო, პატივი ეცით მათ მიძიმე წამოწყებას. თქვენ ვერ გაიზიარებთ მათ სინანულს, რადგან მათ დანაშაულში წილი არ გიდევეთ, ხოლო თქვენს ქედმაღლურ სინმიდესა და არგოსელებს შორის ღრმა უფსკრულია; თუ ცოტათი მაინც გიყვართ ამ ქალაქის მკვიდრნი, წადით, თუ არა იცოდეთ, დაკარგავთ მათ: შუა გზაზე რომ გააჩეროთ, ერთი წამითაც რომ დაავინყოთ სინანული, ყველა მათი დანაშაული ისე მიეყინებათ ტანზე, როგორც ვაცეხული ქონი. სინდისი სუფთა არა აქვთ და

06.5.2005

2722



ემინიით - ხოლო შიშსა და ბინძურ სინდისს ღმერთების ნესტო-
ებისათვის სასიამოვნო ოხშივარი ასდის. დიას, ღმერთისათვის
სასურველი არიან ცოდვილნი სულნი; თქვენ კი გსურთ უზუნაე-
სი ნყალობა ააცილოთ ხალხს, სამაგიეროს რას მისცემთ: მშვიდ
დავიწყებას, პროვინციების საშინელ სიმეუდროვეს და მოწყენი-
ლობას, ბედნიერების მოწყენილობას. ბედნიერი მგზავრობა, ჭა-
ბუკო, ბედნიერ მგზავრობას გისურვებთ. ქალაქისა და სულების
ნესტი იგი მყარი არაა: როგორც კი შეეხებით, უბედურებას გამო-
იწვევთ (თვალს უსწორებს). საშინელი უბედურება დაგატყდებათ
თავს.

ორესტე - მართლა? ამის მეტს ვერას მეტყვიით? მე კი, მე
რომ ეყოფილიყავი იმ ჭაბუკის ადგილზე, იცით რას გიპასუხებ-
დით (თვალს თვალში უყრის, პედაგოგი ახველებს). აბა, რა ვიცი,
რას გიპასუხებდით. იქნებ მართალიც ბრძანდებოდეთ. აბა, რა მე-
საქმება ამ ქალაქში.

იუპიტერი - სწორი ბრძანებაა. ნეტავი ორესტეც ასეთი გო-
ნიერი იყოს. გზა მშვიდობისა. საქმეს უნდა მივხედო.

ორესტე - მშვიდობა თქვენდა.

იუპიტერი - ხო მართლა, იცით აბუნარი ბუბები თავიდან რო-
გორ უნდა მოიცილოთ? შეხედეთ ამ გუნდს, თავს რომ დაგტრი-
ალებთ. მე მაჯვას ავამოძრავებ, მერე მკლავს ავიქნევ და ვიტყვი:
„აბრახას გალა გალა, ცე-ცე“ და ნახავთ როგორ დაცვივდებიან
მინაზე და მუხლუხობივით დაიწყებენ ცოცვას.

ორესტე - იუპიტერის მზემ! საკვირველია სწორედ!

იუპიტერი - დიდი არაფერი, ცოტა ადამიანური ნიჭი. თა-
ვისუფალ დროს ბუბებს ვწერთნი ხოლმე. მშვიდობით ბრძანდე-
ბოდეთ.

ს უ რ ა თ ი მ ე ო რ ე

პედაგოგი - ფრთხილად იყავით. ამ კაცმა იცის, ვინცა ხართ.

ორესტე - ნამდვილად კაცი კია?

პედაგოგი - ეჰ, ბატონო ჩემო, გული მომიკალით და ეგაა!
რა ფუჭად ჩაუვლია თქვენს წვრთნას და იმ ხალისიან სკეპტი-
ციზმს, მე რომ ვიქადაგებდით. „ნამდვილი კაციაო“, ეშმაკმა და-
ლახვროს! არსებობენ მხოლოდ კაცები და თავის სატეხად ეგაც
გვეყოფა. ეგ წვეროსანი ეგისთეს რომელიმე ჯაშუში იქნება ალ-

ბათ.

ორესტე – მოეშვი შენს ფილოსოფიას, მაგან არაერთხელ გადამყარა ბოროტებას.

პედაგოგი – ბოროტებას? ნუთუ გონების თავისუფლებას კაცთათვის ზიანი მოაქვს? როგორ შეიცვალებოდა! ოდესღაც ჩემგან დაფარული არაფერი გქონდათ. ბოლოს და ბოლოს არ მეტყვეობოდა ფიქრები გიტრიალებოდა თავში? რატომ მომიყვანეთ აქ, რას აპირებოდა?

ორესტე – განა გითხარი, რამეს ვაპირებ-მეთქი? ნავიდეთ. გაჩუმდი. (სასახლეს უახლოვდება.) აი, ჩემი სასახლე. აქ დაიბადა მამაჩემი. აქ მოკლეს იგი ერთმა კახპამ და მისმა აღვირაბსნილმა კურომ. მეც აქ დავიბადე. სამი წლისა ვიქნებოდი, ეგისტეს ბრგე კაცებმა სადღაც რომ გამაქრეს. ალბათ ეს კარები გავიარეთ. ერთ იმათგანს ხელებში ვეჭირე, თვალები დაჭყეტილი მქონდა და ალბათ ვტიროდი. აღარაფერი მახსოვს. მე ვხედავ დიდ, უცხო შენობას, პროვინციული ქედმაღლობა რომ დაჰკრავს. ამ სასახლეს ჩემს სიცოცხლეში პირველად ვხედავ.

პედაგოგი – აღარაფერი გახსოვთ? უმადური ბრძანებულხართ, ჩემო ბატონო. სულ იმის ცდაში ვიყავი, არაფერი დაგვიწყებოდათ: არცერთი მოგზაურობა, არცერთი უცხო ქალაქი, მხოლოდ და მხოლოდ თქვენთვის განკუთვნილი არქეოლოგიის გაკვეთილები; ჩემი ცხოვრების ათი წელი შევალე ამას და თქვენ არაფერი გახსოვთ? ადრე თქვენს თავში იმდენი სასახლე და ტაძარი ირეოდა, რომ გეოგრაფ პაფანიუსისა არ იყოს, საბერძნეთის გზამკვლევის დაწერას შეძლებდით.

ორესტე – სასახლეები! მართალი ხარ. სასახლეები, კოლონები, ქანდაკებები! იმდენი ქვით მაქვს თავი გამოტენილი, რატომ არ დავმძიმდი ნეტა? ეფესოს ტაძრის 387 საფეხურის შესახებ რატომ არაფერს ამბობ? თითოეულ საფეხურს ცალ-ცალკე დავადგი ფეხი და ყველა მახსოვს. მეჩვიდმეტე მგონი გაზნარული იყო. ოჰ, ძალღიჯ კი, ბებერი ძალღიჯი, ცეცხლთან რომ თბება და პატრონის შემოსვლაზე საამო ნკავილით წამოიწევს – თავის პატრონს მაინც ცნობს. მე კი რა უნდა ვიცნო, ან რა გავიხსენო. რა მბაბადია?

პედაგოგი – კულტურას რას უშვრებით, ბატონო? ის ხომ თქვენ გეკუთვნით. სიყვარულით შევკონე იგი თქვენთვის ერთ თავიუფლად და შიგ ჩავაქსოვე მთელი ჩემი სიბრძნე და მდიდარი გამოცდილება. ადამიანთა აზრები რომ გაგეცნოთ და მრავალი სახელმწიფო გამოგეველოთ, თავიდან ნაგაკითხეთ ყველა წიგნი და

განსაჩივლო, რა ცვალებადია ადამიანთა ზნე-ჩვეულებანი. ამჟამად თქვენ ახალგაზრდა, მდიდარი და ლამაზი ჭაბუკი ხართ, განსწავლული, ვითარცა ბრძენი, უოჯახო, უსამშობლო, უხატო, ხელობის არმქონე, ყოველგვარი რწმენისაგან და მოვალეობით ნაკარნახევი მოქმედებისაგან თავისუფალი, მოკლედ თქვენ უზენაესი ადამიანი ხართ; ძეგძლიათ ასწავლოთ ფილოსოფია ან არქიტექტურა დიდ საუნივერსიტეტო ქალაქში და მაინც ნუნუნებთ.

ორესტე - არა, არ ვნუნუნებ? ვინ მომცა ნუნუნის ნება? ქარმა იცის, ობობას ქსელს მოგლეჯს ხოლმე, მინას კარგა მანძილით დაამორებს და ჰაერში ააფრიალებს. შენგან მონიჭებული თავისუფლება ამ ქსელს ჰგავს. მეც ამ ქსელივით მსუბუქი ვარ და ჰაერში გამოვიდული. ვიცი ბედმა გამიმართლა და ძალიანაც მიხარია. (მაუზა). ზოგ ადამიანს დაბადებით დაჰყვება მოვალეობის გრძნობა, მას არჩევანი არა აქვს. იგი წინასწარ დასახულ გზაზე იდგას და ამ გზის ბოლოს მოქმედება ელის, მისი საკუთარი მოქმედება. მიდის ეს ადამიანი და შიშველი ტერფებით მტკიცედ ებჯინება მინას, კენჭები კი ფეხებს უკანწავენ. რაო, შენ გგონია, ცუდია შენი გზა-სავალი თუკი იცი? არიან გულჩათხრობილებიც, რომლებიც ვულის სიღრმეში ამაღლევებელი და მიწიერი სურათების სიმძიმეს გრძნობენ. მათთვის ცხოვრება ნირშეცვლილია, რადგან ბავშვობაში, ხუთი თუ შვიდი წლისანი რომ იყვნენ... მოკლედ ისინი უზენაეს ადამიანებს არ განეკუთვნებიან. შვიდი წლისამ უკვე ვიცოდი, რომ გარიყული ვიყავი. ხმა და სუნი, სახურავებზე წვიმის შხაპუნი, სინათლის ლიცლიცი ტანზე ოდნავ შემეხებოდა და უმაღლ მცილდებოდა. უკვე ვიცოდი, რომ ისინი მე არ მეკუთვნოდნენ და არც მოგონებებად დამრჩებოდნენ. მოგონებები იმის საქმეა, ვინც სახლებს, საქონელს, მოსამსახურეებსა და ყანებს განაგებს. მე კი, ო, მადლობა ღმერთს, თავისუფალი ვარ. ო, რა-რიგ თავისუფალი! რა საოცარი სიცარიელეა ჩემს სულში (სასახლეს უახლოვდება). მე აქ უნდა მეცხოვრა. არცერთი შენი წიგნი ნაკითხული არ მექნებოდა, შეიძლება კითხვაც არ მცოდნოდა. უფლისწულმა ხომ იშვიათად იცის წერა-კითხვა. სამაგიეროდ, ამ კარებში ათიათასჯერ შევიდოდი და გამოვიდოდი. ბაღლობაში მისი საგდულებით ვითამაშებდი, მივებჯინებოდი; ისინი ჭრიალით გამინევდნენ წინააღმდეგობას და ხელებით მათ სიმკვრივეს შევიგრძნობდი. წლები რომ გავიდოდა, ლამდამობით ფარულად გავაღებდი კარს და გოგოებთან გავიქცეოდი. ჩემი სრულწლოვანების დღეს კი მონები ყურთამდე გაალებდნენ კარს და, ცხენზე ამხედრებული, კარიბჭეს გადავლახავდი. ხის ძველო კარო! თვალდახუჭული

მოვახერხებდი შენს გაღებას. ქვემოთ რომ ნაკანრი გაქვს, ჩემი ნახელავია, შემთხვევით ვავკანრე იმ დღეს, მახვილი რომ მანდეს პირველად. (გვერდზე მიდგება). ადრინდელი დორიული სტილია, არა? რას იტყვი ოქროს ინკრუსტაციებზე? ასეთები დოდონაში ვნახეთ. კარგი ნახელავია. კეთილი, ეს სასახლე ჩემი არაა, არც კარია ჩემი. ჩვენ აქ არაფერი გვესაქმება. აღსრულდეს ნება შენი.

პედაგოგი - ძლივს არ მოხვედით გონს? ნეტა რას მოიგებდით, აქ რომ გეცხოვრათ? თქვენც საშინელი სინანულის გზას დაადგებოდით.

ორესტე - სამაგიეროდ, ეს სინანული ჩემი იქნებოდა. ჩემი იქნებოდა ეს მცხუნვარება, თმის ფერი რომ გამიბაცა; ბუზების ბზუილიც ჩემი იქნებოდა. ახლა, სასახლის ერთ ჩაბნელებულ ოთახში შიშველ-ტიტველი ვიქნებოდი, დარაბის ნასვრეტიდან შევხედავდი მონითალო სინათლეს, ოთახიდან ფეხს არ მოვიცვლიდი, ვიდრე მზე არ ჩავიდოდა და ვიდრე ჰაერში არგოსული შემოღამების სურნელი არ დაიღვრებოდა. ეს შემოღამება სხვათა მსგავსიც იქნებოდა და მთლად უჩვეულოც; ისიც ჩემი იქნებოდა. ნავიდეთ, აღმზრდელო, ნუთუ არ გესმის, რომ საცაა ეს პაპანაქება მზე ჩვენც აგვაშმორებს.

პედაგოგი - ოჰ, ბატონო ჩემო, რა სიმშვიდე მომგვარეთ. ბოლო ხანებში, უფრო ზუსტად, იმ დროიდან, რაც თქვენი დაბადების ამბავი გამცნეთ, ვხედავდი, როგორ იცვლებოდით დღითიდღე და ძილი გამიკრთა. ვშიშობდი...

ორესტე - რა გამინებდა?

პედაგოგი - ვაი, თუ განმირისხდეთ.

ორესტე - არა, თქვი.

პედაგოგი - როგორც არ უნდა ჩაუნერგო შეგირდს სკე ტიკური ირონია, სულელურ აზრებს მაინც ვერ ასცდებამეთქი, ვშიშობდი, ვაითუ ეგისტეს ტახტიდან ჩამოგდებას და მის ადგილზე დაბრძანებას მოინადინებდით.

ორესტე - (ნელა) ეგისტეს ჩამოგდებას? (პაუზა). მერწმუნე, კეთილო კაცო, უკვე გვიანაა. ძალიან კი მიწა ვწვდე ამ წყეულ არამზადას წვერში და მამაჩემის ტახტიდან ჩამოვართიო. მაგრამ აბა რისთვის! განა რა უნდა გავაწყო ამ ხალხთან? მე არ მიწახავს მათი არცერთი ბავშვის დაბადება და არც მათი ქალების ქორწილებს დავსწრებივარ. წილი არ მიღვეს მათ სინანულში და ერთის სახელიც კი არ ვიცი. განა მართალი არ იყო წვეროსანი, მეფეს იგივე მოგონებები უნდა ჰქონდესო, რაც მის ქვეშევრდომებს. დავესხნათ ამათ, ჩემო კარგო. ფეხაკრეფით გავეცალოთ აქ-

ფრობას ნეტავი ისეთი რამ გამაყეთებინა, რაიც მათ შორის ცხოვრების უფლებას მომანიჭებდა; დანაშაულსაც არ დავერიდებოდი, თოდნა მემძლოს ჩემად ვაქციო მათი მოგონებები, მათი შიში და იმედი; მაშინ გულის სიცარიელე შემეცვებოდა... თუნდაც დედის სიყვდილის ფასად...

მედაგოგი - ბატონო ჩემო!

ორესტე - დიახაც. თუმცა ეს მხოლოდ ოცნებაა და სხვა არაფერი. ნავიდეთ, ცხენებს თუ ვიშოვით, სპარტამდე ჩავაღწევთ. იქ კი მეცობრები მყვანან.

სურათი მესამე

ივივენი, ელექტრა

ელექტრა - (ხელში ყუთი უჭირავს, იუპიტერის ქანდაკებას უახლოვდება, ისე რომ მათ ვერ ამჩნევს). - ნავავო! მიყურე, რამდენიც გინდა მიყურე! ნუ გგონია, შემაშინებს შენი ყოლოს წვენიტ მოთხვრილი შრგვალი თვალები. რაო! ამ დილას გეახლნენ არა - წმინდა ქალები, შაოსანი შზრიალები? შემოგიარეს ალბათ უხეში ფეხსაცმლის ბაკუნით. უთუოდ გეამა, საფრთხოებლავ, შენ ხომ ის ბებრები გიყვარს. რაც უფრო ემსგავსები მიცვალებულებს, მით უფრო გეძალება მათი სიყვარული. ფერხთით ნაგიქციეს ზედაშე, დღეს ხომ შენი დღესასწაულია; ცხვირში მეცა მათი კაბების შმორი. ნესტოებში ისევ და ისევ სასიამოვნო სუნი ვიღიციანებს. (ქანდაკებას ეხახუნება). ჰოდა, ახლა ნახე, რა სუნი ამდის, იყნოსე ცოცხალი ხორცის სუნი. ახალგაზრდა ვარ და ცოცხალი, შენ კი ეს შიშის ზარს გცემს. მეც შენთან მოვდივარ, მსხვერპლი უნდა შემოგწირო დღეს, რაკი მთელი ქალაქი ლოცულობს. შენი იყოს ეს ნაფცქვენები, ღუმელის ნაცარი, მატლიანი ხორცის ნარჩენები. ამ დაობებული პურის ნაჭრებს ღორი პირს არ დააკარებს, შენ ბუზებს კი ალბათ მოეწონებათ. ბედნიერი დღესასწაული ყოფილიყოს, ბედნიერი და უკანასკნელი! მე არც ისე ღონიერი ვარ, რომ მიწას დაგანარცხო. შემიძლია მხოლოდ შეგაფურთხო, ესაა და ეს. მაგრამ ის, ვისაც ველი, მოვა და თან დიდ მახვილს მოიტანს, დაციწვით შემოგხედავს, აი ასე, დოინჯს შემოიყრის, ცოტა უკან გადაიხრება, შემდეგ კი ქარქაშიდან მახვილს ამოიღებს და გაგაპობს, აი ასე! ჰოდა, იუპიტერის ორი ნახევარი

აქეთ-იქით გაგორდება; ერთი მარჯვნივ, მეორე მარცხნივ; ყველა დაინახავს, რომ ის თეთრი ხისა ყოფილა. მიცვალებულთა ღმერთი ხომ მთლიანად თეთრი ხისაა. ხოლო მის სახეზე სისხლი, საშინელება და მუქმწვანე თვალები მხოლოდ საღებავია, არა? თვითონაც კარგად იცი, რომ შიგნით სულ თეთრი ხარ, სულ თეთრი, ჩვილივით. ისიც იცი რომ მახვილის ერთი მოქნევა ორად ისე გაგაპობს, რომ წვეთი სისხლიც კი არ დაიღვრება. თეთრი ხე, ჯიშინი თეთრი ხე ხარ, ცეცხლი მშვენივრად რომ ეკიდება. (ორესტეს შეამჩნევს). ოჰ!

ორესტე - ნუ გეშინია.

ელექტრა - სრულებითაც არ მეშინია, რისი უნდა მეშინოდეს? ვინა ხარ?

ორესტე - უცხო ვარ.

ელექტრა - კეთილი იყოს შენი მობრძანება. ყველაფერი, რაც ამ ქალაქისათვის უცხოა, ძვირფასია ჩემთვის. რა გქვია?

ორესტე - ფილები მქვია და კორინთოდან ვარ.

ელექტრა - რაო, კორინთოდან? მე ელექტრა მქვია.

ორესტე - ელექტრა! (პედაგოგს) - დაგვტოვე.

სურათი მეოთხე

ელექტრა - ეგრე რად მიყურებ?

ორესტე - ლამაზი ხარ. აქაურებს არ ჰგავხარ.

ელექტრა - ლამაზი? მართლა ლამაზი ვარ? კორინთელი ქალებივით ლამაზი?

ორესტე - დიახ.

ელექტრა - აქ ეგ არასოდეს მსმენია. არ უნდათ ჩემი სილამაზე ვიცოდე. თუმცა რაში მჭირდება, მე ხომ მხოლოდ მოახლე ვარ.

ორესტე - მოახლეო?

ელექტრა - მოახლეთა შორის უკანასკნელი მოახლე. ვრეცხავ მეფისა და დედოფლის თეთრეულს. ჭუჭყიან და ტურტლიან თეთრეულს. ვრეცხავ საცვლებს, პერანგებს, რომლებშიც მათი გახრწნილი სხეულებია გახვეული, ღამის პერანგს, რომლითაც კლიტემნესტრა იმოსება, როცა მეფესთან წევა. თვალებს ვხუჭავ და ისე ვრეცხავ, ვრეცხავ, რაც ძალი და ღონე მაქვს, ჭურჭელსაც ვრეცხავ, არა გჯერა? დახედე ჩემს ხელებს. ხედავ როგორი უხე-

მი და დამსკდარი ხელები მაქვს? რა უცნაურად ჭუტავ თვალებს. განა ჩემი ხელები მეფის ასულის ხელებს ჰგავს?

ორესტე - სანყალი ხელები. მართლაც რომ არ ჰგვანან მეფის ასულის ხელებს. კიდეც რას გაკეთებინებენ?

ელექტრა - კიდეც... ყოველ დილას სანაგვე ყუთსა ვცლი. სასახლიდან მოვართვე და შემდეგ... ხომ ნახე, რასაც ვაკეთებ. ეს ხის მამაკაცი - იუპიტერია, სიკვდილისა და ბუზების ღმერთი. იმ დღეს უზენაეს ქურუმს, მის თაყვანისსაცემად მოსულს, კომპოსტოს ნაფცქვენებზე ფეხი დაუსხლტა და კინალამ ჭკუიდან შემოაღდა. ხომ არ დამაბზღებ?

ორესტე - არა.

ელექტრა - თუ გინდა, დამაბზღე, რას დავეძებ. მეტი რაღა უნდა მიყონ. მცემონ? უკვე მცემეს. ჩამკეტონ მაღალ კოშკში? ურიგო არ იქნება. მათ სახეებს მაინც აღარ დავინახავ. საღამოობით, როცა სამუშაოს ვათავებ, წარმოიდგინე, მასაჩუქრებენ ხოლმე: უნდა მიაუხლოვდე თმაშელებილ, სქელ და ძონძროხა დედაკაცს; მას მსუქანი ხელები აქვს, დედოფლის ქათქათა ხელები, რომელთაც ოფლის სუნი ასდით. ხელებს მხრებზე მადებს, ტურჩებით ჩემს შუბლს ეხება და მეუბნება: „ღამე მშვიდობისა, ელექტრა“. და ასე მეორდება ყოველ საღამოს. ყოველ საღამოს ჩემს კანზე ამ ცხელი და გაუმადლარი ხორცის შეხებას ვგრძნობ. მაგრამ მაგრად ვდგავარ, არც ერთხელ არ დავცემულვარ. ეს დედაჩემია, გესმის? კოშკში რომ ვყოფილიყავი, ვეღარ მაკოცებდა.

ორესტე - გაქცევაზე არასოდეს გიფიქრია?

ელექტრა - სითამამე არ მყოფნის. მეშინია, მარტომ აბა სად უნდა ვიხეტიალო?

ორესტე - მეგობარი არა გყავს, რომ გამოგყვეს?

ელექტრა - არა, სულ მარტოკა ვარ. აქაურები გეტყვიან მუნიანი და ჭირიანიო. არც მეგობრები მყავს.

ორესტე - როგორ, არც ძიძა გყავს, რომელსაც შენი დაბადება ახსოვს და რომელსაც ცოტათი მაინც უყვარხარ?

ელექტრა - არა, არც ძიძა მყავს; დედაჩემს ჰკითხე; ყველაზე გულსათუთნიც კი გამირბიან.

ორესტე - მამ მთელი სიცოცხლე აქ უნდა გაატარო?

ელექტრა - (შეჰკივლებს) - ოჰ, როგორ თუ მთელი სიცოცხლე? არა, მისმინე, მე რაღაცას ველი.

ორესტე - რაღაცას თუ ვილაცხას?

ელექტრა - ამას ვერ გეტყვი! აჯობებს შენი ამბავი მითხრა. შენც ლამაზი ხარ, იცი? დიდხანს დარჩები აქ?

ორესტე - დღესვე უნდა წავსულიყავი, ახლა კი...

ელექტრა - ახლა კი რა?

ორესტე - არ ვიცი.

ელექტრა - კორინთო ლამაზი ქალაქია?

ორესტე - ძალიან ლამაზია.

ელექტრა - ძალიან გიყვარს იქაურობა? გეამაყება, რომ კორინთელი ხარ?

ორესტე - დიახ.

ელექტრა - მე კი მეჩოთირება მშობლიური ქალაქით ვიამაყო. იქნებ ამიხსნა რატომ?

ორესტე - რა გითხრა... არ ვიცი, აბა, როგორ ავიხსნა.

ელექტრა - ჰო, არ შეგიძლია (პაუზა). - გამიგონია, კორინთოში ბევრი გრილი მოედანია და ამ მოედნებზე საღამოობით ქალაქის მკვიდრნი სეირნობენო.

ორესტე - მართალია.

ელექტრა - მართლა ყველა გარეთაა? ყველა სეირნობს?

ორესტე - ყველა.

ელექტრა - ქალ-ვაჟნი ერთად დადიან?

ორესტე - დიახ, ერთად დადიან.

ელექტრა - ისინი ერთმანეთს ესაუბრებიან? ერთმანეთთან ყოფნა სიამოვნებით და იქაურობას მათი სიცილი აყრუებს ხოლმე?

ორესტე - ჰო-მეთქი.

ელექტრა - ალბათ სულელი გგონივართ? იცი რა? მიჭირს წარმოვიდგინო სეირნობა, სიმღერები, ღიმილი. აქაურები შიშით არიან შეპყრობილნი. მე კი...

ორესტე - შენ?

ელექტრა - მე კი სიძულვილით. მთელი დღე რას აკეთებენ კორინთელი ქალები?

ორესტე - ირთვებიან, მერე მღერიან, ან ქნარზე უკრავენ; საღამოობით კი ან მეგობრებთან მიდიან, ან მეჯდამსზე.

ელექტრა - საზრუნავი არაფერი აქვთ?

ორესტე - როგორ არა, მაგრამ ერთობ პატარა საზრუნავი აქვთ.

ელექტრა - მითხარი ერთი, კორინთელებმა სინანული იციან?

ორესტე - დროდადრო, არც ისე ხშირად.

ელექტრა - მამ გულის კარნახით მოქმედებენ და მერე აღარც ფიქრობენ, ეს რა ჩავიდინეთო.

ორესტე - დიახ, ასეა.

ელექტრა - უცნაურია (პაუზა). ერთიც უნდა გკითხო. შენ პასუხს იმას შეეუხანავ, ვისაც ველი. დავუშვათ, რომ კორინთელ ქაბუკს, ერთ-ერთ იმათგანს, ვინც სალამოობით ქალიშვილთან ერთად იცინის, მოგზაურობიდან დაბრუნების შემდეგ, მამა მოკლულს დახედეს; დედა მკვლელის სანოლში მონებვიერე, და კი მონად ქცეული; როგორ გგონია, კორინთელი ქაბუკი გაიქცევა? რევოლუსიებით დაიხვეს უკან და მეგობრებს მიაშურებს გულის საოხად, თუ მახვილს იშოშვლებს, მკვლელს შეებზება და იქამდე არ მოაქცევა, სანამ თავს არ გაუჩხეს?

ორესტე - ვერ გეტყვი.

ელექტრა - როგორ თუ ვერ მეტყვი.

კლიტემნესტრას ხმა - ელექტრა!

ელექტრა - ჩუმად!

ორესტე - ვინ არის?

ელექტრა - დედაჩემია, დედოფალი კლიტემნესტრა!

სურათი მეხუთე

ორესტე, ელექტრა, კლიტემნესტრა.

ელექტრა - რა, ფილებ, გეშინია?

ორესტე - ასჯერ ვეცადე მისი სახე წარმომედგინა და ბოლოს დავინამდვილე; დავინახე მოდუნებული და დაღლილი, ფერუმარილით გათხუპნული სახე, მაგრამ ამ უსიცოცხლო თვალებს არ მოველოდი.

კლიტემნესტრა - ელექტრა, მეფე გიბრძანებს სადარბაზოდ გამოეწყო, შავ კაბას ჩაიცვამ და სამკაულებს გაიკეთებ. რაო, რად დახარე თვალები, რად მიაკარი იდაყვები გამხმარ თეძოებს, რაო, სხეული განუხებს? რა ხშირად მეჩვენები ეგეთი. მაგრამ იცოდე, ამ მაიმუნობით ვერ მომატყუებ. ეს წუთია სარკმლიდან სულ სხვა ელექტრა დავინახე, თამამი, ლალი, თვალელვარე ელექტრა. თვალს გამისწორებ თუ არა, მაღირსებ პასუხს?

ელექტრა - ქურჭლის მრეცხავი გჭირდებათ, რომ დღესასწაულს სახეიმო იერი მიეცეს?

კლიტემნესტრა - თავი დაანებე ტაკიმასხარობას, შენ შეფის ასული ხარ, ელექტრა, და როგორ ყოველთვის ხალხი წელსაც გელის.

ელექტრა - მართლა მეფის ასული ვარ? და ეს წელიწადში ერთხელ გავიხსენებ? აქაოდა ხალხს მაგალითი მივცეთო, ჩვენი ოჯახი უნდა გამოვჩინო, მეფის პირმშენიერი ასული, რომელიც ქურჭელს რეცხავს და ღორებს უვლის. ეგისთე ხელებს მომხვევს მხრებზე, წელსაც ისევე ღიმილით მომადებს ტუჩებს, ყურში კი მუქარის სიტყვებს ჩამჩურჩულებს.

კლიტემნესტრა - შენზეა დამოკიდებული, როგორ მოგეპყრობა ეგისთე.

ელექტრა - დიახ, საამისოდ თქვენი სინანული უნდა გადმომედოს და ღმერთებს პატიება ვთხოვო იმ დანაშაულისათვის, რომელიც არ ჩამიდენია. დიახ, ეგისთეს ხელებს უნდა ვემთხვიო და მამა დაეუძახო. ფუი, ფრჩხილების ძირში მას ჯერაც სისხლი აქვს მიმხმარი.

კლიტემნესტრა - ნება შენია. დიდი ხანია ჩემი სახელით აღარაფერს ვიბრძანებ. მეფის ბრძანებებს გადმოვცემ მხოლოდ.

ელექტრა - რა ფასი აქვს ჩემთვის ეგისთეს ბრძანებებს. ის თქვენი მეუღლეა და არა ჩემი.

კლიტემნესტრა - ყური დამიგდე, ელექტრა! როგორც ვხედავ, საკუთარი თავის დაღუპვაც გინდა და ჩვენიც. ისე კი რა უნდა გირჩიო, თუკი საკუთარი სიცოცხლეც ერთ დილას გავატიალე. გაჟღერდები, შევილო ჩემო, მაგრამ იცი, რა უფრო მალეღებ? მე მგავხარ: შენნაირი წაგრძელებული სახე მქონდა, ნაღვლიანი თვალები, სისხლი მიდუღდა და სასიკეთო არაფერი გამოვიდა აქედან.

ელექტრა - სულაც არ მინდა თქვენ გავადეთ. თქვი, ფილებ, ხომ გვხედავ, გვერდი-გვერდ ვდგავართ, თქვი, განა ვგავართ ერთმანეთს?

ორესტე - რა მოგახსენოთ. მისი სახე თითქმის სეტყვაგადავლილი ყანაა. შენსაზე კი ქარიშხლის ნიშნები მოჩანს: ერთ მშვენიერ დღეს ვნება გადაბუგავს და ძვალზე დაიყვანს შენს სახეს.

ელექტრა - ქარიშხლის ნიშნებით? ეგრე იყოს. მაგაში გეთანხმები. დაე, აღსრულდეს შენი სიტყვები.

კლიტემნესტრა - შენ კი, ასე რომ აკვირდები ხალხს, თვითონ ვინა ხარ? დამაცადე შემოგხედო. აქ რას აკეთებ?

ელექტრა - კორინთელია, მოგზაურობს, ფილები ჰქვია.

კლიტემნესტრა - ფილები, აჰ!

ელექტრა - შეგეშინდათ სხვა სახელი არ გავიგონო?

კლიტემნესტრა - შეგეშინდა? თავი რომ დაეკარგე, სანაცვლოდ ის მოვიგე, რომ იმ დროიდან აღარაფრის შეშინია... მომი-

ახლოდნი, უცხოელო. კეთილი იყოს შენი მობრძანება. რა ახალგაზრდა ხარ. რამდენი წლისა იქნები?

ორესტე - თვრამეტის.

კლიტემნესტრა - მშობლები ცოცხლები გყავს?

ორესტე - მამა მომიკვდა.

კლიტემნესტრა - დედაშენი? ჩემი ხნისა იქნება ალბათ. ეტყობა, უფრო ახალგაზრდა გეჩვენება, ვიდრე მე ვარ. არაფერს ამბობ? შენ როცა მასთან ხარ, ალბათ ჯერ კიდევ იცინის და მღერის ხოლმე. გიყვარს? მიპასუხე, რას აყოვნებ? რად მიატოვებ?

ორესტე - სპარტაში, როქის სპაში უნდა ჩავენერო.

კლიტემნესტრა - მოგზაურები, როგორც წესი, ოცი ლიეს მანძილზე არ ეკარებიან ჩვენს ქალაქს. შენ არ გაგაფრთხილეს? ბარელეტმა კარანტინში მოგვათავსეს. ჭირად მიიჩნევენ ჩვენს სინანულს და ემინიათ არ გადაგვედოსო.

ორესტე - ვიცი.

კლიტემნესტრა - ვითხრეს, რომ თხუთმეტიოდე წლის წინათ ჩადენილი დანაშაული მოუნანიებელ მძიმე ტვირთად გვანვეს მსრებზე?

ორესტე - მითხრეს.

კლიტემნესტრა - რომ დედოფალი კლიტემნესტრა ყველაზე დიდი დამნაშავე იყო, რომ მისი სახელი ყველასაგან დაწყველილია.

ორესტე - მითხრეს.

კლიტემნესტრა - და მაინც მოხვედი? უცხოელო, მე დედოფალი კლიტემნესტრა ვარ.

ელექტრა - არ შეიცოდო, ფილებ, დედოფალი ჩვენი ეროვნული თამაშით - საჯარო აღსარების თამაშით ერთობა. აქ, წესად აქვთ, - თითოეული თავის ცოდვას საქვეყნოდ გაყვირის. ხშირად, უქმე დღეს, რომელიმე ვაჭარი დახურავს თუ არა თავის დუქანის რკინის დარაბას, ქუჩაში მუხლს მოიდრეკს, თავზე ნაცარს დაიყრის და ღრიალებს, მკვლელი, გარყვნილი და უსინდისო ვარო, მაგრამ არგოსელებს ეს უკვე მოეყირჭათ. თითოეულმა ზეპირად იცის სხვების ცოდვები, დედოფლისა კი განსაკუთებით აღარავის ართობს! მისი ცოდვა, თუ შეიძლება ასე ითქვას, სახელმწიფოებრივი დონის ოფიციალური დანაშაულია. ვერ წარმოიდგენ, როგორ გაეხარდა შენი დანახვა, ახლად მოსული ქაბუკის, რომელმაც არაფერი იცის, მისი სახელიც კი არ გაუგონია. ნაგანგებო შემთხვევაა. ახლა ეჩვენება, რომ პირველად ამბობს აღსარებას.

კლიტემნესტრა – გაჩუმდი, ყველას აქვს უფლება სახეში მომაფურთოს, მეძავი და დამნაშავე მინოდოს, მაგრამ ჩემი სინანულის განსჯის უფლება არავის არა აქვს.

ელექტრა – ხედავ ფილებ, ასეთია თამაშის წესი. ხალხი შეგვედრება განაჩენი გამოუტანო, მაგრამ ფრთხილად იყავი და სასჯელი დაადე მხოლოდ იმ შეცდომათა გამო, რასაც თვითონ აღიარებენ. სხვა ცოდვა კი არავის ეხება და უკმაყოფილო დარჩებიან, რომ აღმოუჩინო.

კლიტემნესტრა – 15 წლის წინათ საბერძნეთის ულამაზესი ქალი ვიყავი. შეხედე ჩემს სახეს და განსაჯე, როგორ ვეწე და ვენამე. არაფერს ვაჭარბებ. პირდაპირ გეტყვი: ბებური კაცის სიკვდილს არ ვინანიებ. როცა დავინახე, რომ აბაზანაში სისხლისაგან იცლებოდა, სიხარულით ავმღერდი, ცეკვა დავინყე. დღესაც კი, აგერ 15 წელი გავიდა მას შემდეგ, სიამოვნებისაგან მაჟრჟოლებს, როცა მაგონდება. მაგრამ მე ვაჟი მყავდა, შენხელა იქნებოდა ახლა. როცა ეგისტემ იგი როქის სპას გადასცა, მე...

ელექტრა – დედაჩემო, თქვენ ქალიც გყავდათ, მგონი. ჭურჭლის მრეცხავად აქციეთ იგი და ეს ცოდვა ძალიან არ უნდა გტანჯავდეთ.

კლიტემნესტრა – შენ ნორჩი ხარ, ელექტრა; ძას, ვისაც ბოროტება არ ჩაუდენია, ადვილად შეუძლია სხვები განსაჯოს. მაგრამ მოთმინება იქონიე: ერთ მშვენიერ დღეს შენც დაგაწვება ტვირთად გამოუსწორებელი დანაშაული, ყოველ ნაბიჯზე მოგეჩვენება ჩამომცილდაო, მაგრამ ჩადენილის სიმძიმე არ შეგიმსუბუქდება. მოულოდნელად თვალწინ დაგიდგება ხოლმე მუქი, შავი, წმინდა კრისტალი – შენი დანაშაული. ვერაფერს მიხვდები და იტყვი: ეს მე არა ვარ, ეს მე არ გამიკეთებიაო. ასფის უარყოფილი, ის ტვირთი მაინც შენთან იქნება, არ მოგცილდება, რომ სულ უფრო მეტად დაგამციროს და გავატიალოს. დაბოლოს მიხვდები, რომ შენი ბედი ერთხელ და სამუდამოდ გადაწყვეტილია და ამქვეყნად ისლა დაგრჩება, სიკვდილამდე ცასა და ქვეყანას აუნყო შენი დანაშაული. ასეთია სინანულის კანონი, სამართლიანია იგი თუ უსამართლო. მაშინ ვნახავთ, რა დაემართება შენს ახალგაზრდულ ამპარტავნებას.

ელექტრა – ჩემს ახალგაზრდულ ამპარტავნებას? ეტყობა თქვენ ახალგაზრდობას უფრო მეტად მისტირით, ვიდრე თქვენს დანაშაულს. ჩემი ახალგაზრდობა უფრო გძულთ, ვიდრე ჩემი უმანკობა.

კლიტემნესტრა – ის, რაც შენში მძულს, ეს ჩემი თავია; შენი

ახალგაზრდობა კი არ მძულს, ელექტრა, არამედ ჩემი ახალგაზრდობა.

ელექტრა - მე კი თქვენ. სწორედ თქვენ მძულხართ!

კლიტემნესტრა - ვაი სირცხვილო! როგორ ვლანძღავთ ერთ-მანეთს, თითქოს დედა-შვილი კი არა, მეტოქენი ვიყოთ. და მანც დედა ვარ შენი, მე არ ვიცი ქაბუკო, ვინა ხარ, ან რისთვის მოსულხარ ჩვენთან, მაგრამ შენი აქ ყოფნა საბედისწეროა. ელექტრას ეძულვარ, ვიცი, მაგრამ მთელი 15 წელი ჩუმად ვიყავით და მხოლოდ თვალი თუ გაგვცემდა ხოლმე. მოხვედი, ხმა გაგვეცა და აჰა, კბილებგადმოყრილი ძაღლებივით ვიღრინებით. ქალაქის წესის მიხედვით, უნდა შეგიპატიოთ, მაგრამ რა დასამალია, მინდა, რომ ნახვიდე. შენ კი, შვილო ჩემო, ასლო და კვალო ჩემო, არ მიყვარხარ, ეს მართალია. მაგრამ იცოდე, რომ მარჯვენას მოვიჭრი, ვიდრე ზიანს მოგაყენებ. შენ ეს კარგად იცი და ჩემი სისუსტით სარგებლობ. მაგრამ არ გორჩევ ეგისტეს წინააღმდეგ წამოწიო შენი შხამიანი თავი: ჯოხის ერთი მოქნევით გველს ორად აპობს. დამიჯერე, გააკეთე, რასაც გიბრძანებ, მერე სანაწებელი არ გაგიხდეს.

ელექტრა - შეგიძლია უთხრათ მეფეს, რომ დღესასწაულზე არ გამოვიწნდები. იცი, ფილებ, რას აკეთებენ? ქალაქის შემალლებზე გამოქვაბულია, რომლის ძირი ჩვენმა ახალგაზრდებმა ვერ იპოვეს. ამბობენ, ჯოჯოხეთს უერთდებაო. უზენაესმა ქურუმმა დიდი ღოდით ჩახერგა. ჰოდა, დამიჯერებ? წელიწადში ერთხელ, ხალხი ამ გამოქვაბულის წინ იკრიბება, ჯარისკაცები გვერდზე დააგორებენ შესასვლელის ჩამხერგ ღოდს და ჯოჯოხეთიდან ამოსული ჩვენი მიცვალებულნი, როგორც ამბობენ ხოლმე, ქალაქში დაეხეტებიან. თავიანთი ადგილები აქვთ სუფრასთან განკუთვნილი; მათ სანოლებსა და სკამებს სთავაზობენ. თვითონ მჭიდროდ სხდებიან, მიცვალებულებისათვის კი ადგილებს ტოვებენ. ყველაფერი მათთვისაა; ისინი კი მთელ ქალაქს შემოიბრუნენ. ვერ წარმოიდგენ, როგორ მოთქვამენ ხოლმე ცოცხლები: „ჩემო პატარა მიცვალებულო, ჩემო პატარა მიცვალებულო, შენი წყენა არ მინდოდა, მაპატიე“. მეორე დილას, მამლის ყვილზე, მიცვალებულნი მინისქვეშეთს უბრუნდებიან, გამოქვაბულს ისევ ღოდით გადახურავენ და გაისამდე აღარაფერი მოხდება. არ მინდა ამ ბავშვურ თამაშში მონაწილეობა. ეს მათი მიცვალებულნი არიან და არა ჩემი.

კლიტემნესტრა - ნებით თუ არ წამოხვალ, მეფის ბრძანებით ძალით წავიყვანენ.

ელექტრა - ძალით!.. ჰა, ჰა, ძალით? ძალიან კარგი. კეთი-

ლო დედა, დაარწმუნე მეფე, რომ მის ბრძანებას შევასრულებ. გამოეჩნდები დღესასწაულზე და რახან ხალხს ჩემი ხილვა სურს, იმედს არ გავუცრუებ. შენ კი, ფილებ, გემუდარები, გადადე შენი წასვლა, დაესწარი ჩვენს დღესასწაულს. იქნებ, ისეთი რამ წახო, გაგეცინოს კიდეც. წახვამდის, წავალ, მოვირთვები.

კლიტემნესტრა - (ორესტეს) - წადი აქედან. დარწმუნებული ვარ, რომ უბედურებას მოგვიტან. ნუ გვიწყენ, შენთვის არაფერი დაგვიშავებია. წადი, დედის სახელს გაფიცებ, წადი!

გადის.

ორესტე - დედის სახელს.

შემოდის იუპიტერი.

სურათი მეექვსე

იუპიტერი - თქვენმა მსახურმა მაცნობა, გამგზავრებას აპირებსო. ქალაქში ცხენებს ექებსო, მაგრამ ამაოდ; მე კი შემიძლია ორი შეკაზმული ცხენი გიშოვოთ.

ორესტე - წასვლა გადავიფიქრე.

იუპიტერი - (ნელა) - აღარ მიდიხართ? (მცირე ხანს ჩუმად; შემდეგ ცოცხლად). მაშ, არც მე მიგატოვებთ. ჩემი სტუმარი იქნებით. ქალაქის განაპირას საკმაოდ კარგი სასტუმროა და იქ ერთად მოვთავსდეთ. არ ინანებთ, თუ დამემგზავრებით. ჯერ ერთი - აბრახას, გალლა, გალლა, ცე, ცე - ბუზებს მოგაცილებთ. მეორე - ჩემი ხნის კაცი კარგი მრჩეველია, მამობას გაგინევთ, თქვენ კი თქვენს ამბებს მომიყვებით. ხანდახან ასეთი შეხვედრა უფრო სასარგებლო აღმოჩნდება, ვიდრე ჰგონიათ ხოლმე. გაიხსენეთ ტელემაქე, მეფე ულისეს ვაჟი. ერთ მშვენიერ დღეს მას მოხუცი კაცი, მენტორი შეხვდა. ეს იყო და ეს. მას აქეთ მენტორი აღარ მოშორებია. იგი მის ბედს მიეჯაჭვა და ყველგან დაჰყვებოდა. იცით კია, ვინ იყო ეს მენტორი?

ლაპარაკი გაიყოლიებს და ფარდა ეშვება.

მეორე მოქმედება

სურათი პირველი

მთიანი ადგილი. პატარა მოედანი. მარჯვნივ გამოქვაბულია. შესასვლელი დიდი შავი ლოდით არის დახურული. ხარცხნივ ტაძრისაკენ ამავალი საფეხურები მოჩანს.

სცენა პირველი

ბრბო, შეშდებ იუპიტარი, ორასტა და კელამოვი.

ქალი - (იჩოქებს თავისი პატარა ბიჭის წინ). - რა დაემართა შენს ყელსახვევს? უკვე მესამეჯერ ვნასკვავ (ხელით უნმუნდს). ესეც ასე, ახლა სუფთა ხარ. აბა შენ იცი, ჭკვიანად იყავი და როცა გეტყვიან, სხვებთან ერთად იტირე.

ბავშვი - ისინი იქიდან უნდა ამოვიდნენ?

ქალი - ჰო.

ბავშვი - მეშინია.

ქალი - უნდა გეშინოდეს, ჩემო კარგო. ძალიანაც უნდა გეშინოდეს. შიში შეიქმს პატიოსნებას.

I მამაკაცი - ეტყობა, დღეს კარგი დღე დაუდგებათ.

II მამაკაცი - საბედნიეროდ. იმედია, მზის მცხუნვარების შეგრძნების უნარი არ დაუკარგავთ. შარშან წვიმდა და ისინი... თავზარდამცემნი იყვნენ.

I მამაკაცი - თავზარდამცემნი!

მეორე - ვაგლახ!

III მამაკაცი - როცა ცოცხლებს შეგვეშვებიან და თავიანთ ხვრელებს დაუბრუნდებიან, აქ ამოვცოცდები, ამ ლოდს შევხედავ და გუნებაში ვიტყვი: ესეც ასე, წლევანდელი ყველაფერი მორჩა და გათავდა.

V მამაკაცი - მართლა? ჩემთვის ეგ ვერაფერი შელავათია. ხელიდანვე ერთი ფიქრი ამეკეციატება: გაისად ნეტა როგორებილა იქსბიან-მეთქი? რაც დრო გადის, სულ უფრო და უფრო ბოროტდებიან.

II მამაკაცი - გაჩუმდი, ბედშავო, ვაითუ რომელიმე მათგანი კდის ერთ-ერთი ნაპრალიდან უკვე ამოძვრა და ჩვენს შორის დქრნის... ზოგიერთი მიცვალებული დანიშნულ დროზე ადრე ამოდა ხოლმე, ხომ იცი...

შემკრთალნი უყურებენ ერთმანეთს.

ახალგაზრდა ქალი - ბარემ ახლავე დაინყებოდეს. რას უცინას სასახლისანი? თუმცა იმათ რა ენაღვლებათ. მე თუ მკითხე, ყველაზე მძიმე ეს ლოდინია. აქ დავყუდებულვართ, ფეხმოქცეულვლად, ამ გაგანია სიცხეში და თვალი ვერ მოგვიცილებია ამ შაეი ლოდისათვის. ისინი კი იქ არიან ქვას ამოფარებულნი. ჩვენსავით იცდიან და უხარიათ, რომ ბოროტებას მოგვაგებენ.

მოხუცი ქალი - კარგი ერთი, კახპავ! ვიცით, რაც გაშინებს. მაგის კაცი შარშან გაზაფხულზე მოკვდა. ეგ კი, კაი ათი წელი იქნება, რქებს ადგამდა.

ახალგაზრდა ქალი - დიახაც, რომ ვლალატობდი, მაგრამ მიყვარდა და ზრუნვა არ მომიკლია. არასოდეს დაეჭვებულა და, როცა კვდებოდა, თვლებში შემომცქეროდა მადლიერი ძალღივით. ახლა კი ყველაფერი იცის, სიამტკბილობა ჩააშხამეს, ვძულვარ და თვითონაც წვალობს. მალე მისი უხორცო სული მომეხვევა და ისე მაგრად ჩამეკონება, როგორც არცერთი ცოცხალი არ ჩამკრობია. ბენვივით ყელზე შემოხვეულს ჩემთან წავიყვან. მე გემრიელი კერძები მოვუშხადე, ნამცხვრები, ის, რაც წინათ უყვარდა. მაგრამ მის გულღვარძლიანობას ვერაფერი მოალობს. ამ ღამეს კი... ამ ღამეს ის სანოლში ჩამინვება.

I მამაკაცი - ეგ ქალი მართალს ამბობს. დალახვროს ეშმაკმა. რასა იქმს ეგისთე? რას აპირებს? გავბზრდი ამდენი ლოდინით.

II მამაკაცი - დაინყე ისევ წუნუნი, რა გგონია, ეგისთეს ჩვენზე ნაკლებად ეშინია? თქვი, თუ კაცი ხარ; ისურვებდი მის ადგილას ყოფნას და აგამემნონთან პირისპირ შეხვედრას?

ახალგაზრდა ქალი - საზარელია, საზარელი ეს ლოდინი! ასე მგონია, თითქოს თანდათან ყველანი შემომეცალეთ! ჯერ ლოდი არ დაუძრავთ და ყოველი ჩვენგანი, წვიმის წვეთივით მარტომყოფი, თავისი მიცვალებულის ტყვეა.

შემოდის იუპიტერი, ორესტე და პედაგოგი.

იუპიტერი - აქეთ წამოდით, აქედან უკეთ დავინახავთ.

ორესტე - მაშ, ესენი არიან არგოსელები, მეფე აგამნონის ერთგული ქვეშევრდომნი?

პედაგოგი - რას გვანან ეს საცოდავები. ხედავთ, ბაღონო ჩემო, მათ ამოღამებულ თვალებს ცვილისფერ სახეებზე? ეს ალხი შიშით ძრწის. აი, რა იცის ცრურწმენამ. შეხედეთ მათ, არგად დააცქერდით და თუ ჩემი ფილოსოფიის სიმართლე გვეუბნათ, მეც შემომხედეთ და ჩემს ჯანმრთელ იერსაც დააკვირდით.

იუპიტერი - ეგეც დიდი რამეა - ჯანმრთელი იერი. რაზედენაა, რომ შენს ლოყებზე ყაყაჩოები ყვავიან, ჩემო ბერიკაო, იუპიტერის თვალში შენ ისეთივე მძორი ხარ, როგორც ისინი. შტეცყარხარ, მაგრამ ეს არ იცი. ამ სიმყრალით ნესტოებგამოტენიდი ხალხი უკეთ იცნობს თავის თავს, ვიდრე შენ.

ბრბო ჩოჩქოლებს

მამაკაცი - (ტაძრის კიბეებზე ადის და ბრბოს მიმართავს). - რაო, ჩვენი გაგიჟება ხომ არ მოუნდომებიათ? მოდით ხალხო, ერთხმად მოვუხმოთ ეგისთეს. აღარ შეგვიძლია ცერემონიის კიდევ გაჭიანურება.

ბრბო - ეგისთე! ეგისთე! შეგვიბრალე!

ქალი - ეჰ, შეგვიბრალე, შეგვიბრალე; მე ვილა შემიბრალებს. გამოლადრული ყელით გამომეცხადება ის კაცი, რომ მძულდა, ჩამიკრავს თავის უხილავ კონინა მკლავებში და მთელი ღამე ჩემი საყვარელი იქნება. მთელი ღამე, უჰ!

გული მისდის.

ორესტე - რამ ვადარია ეს ხალხი; უნდა უთხრათ...

იუპიტერი - კარგი ერთი ყმანვილო, განა ღირს ამდენი აურზაური ვილაც გულწასული ქალის გამო? მოიცა, ჯერ სადა ხარ.

მამაკაცი - (მუხლებზე ეცემა) - ვყარვარ, ვყარვარ, მურტალი მძორი ვარ; შეხედეთ როგორც მესვეიან ბუზები. დამკბინეთ, დამგესლეთ, დამღრღენით, შურისმაძიებლო ბუზებო, დაგლიჯეთ ჩემი ხორცი, ჩააღნიეთ მურტალ გულამდე. მე შევცოდე, ათი ათასჯერ შევცოდე, მე სიბინძურის ქვევრი ვარ, მე აშმორებული ნუმპე ვარ!

იუპიტერი - ყოჩაღ კაცო!

კაცები - (ფეხზე აყენებენ) - კარგი ერთი, გეყოფა, მერე წამოიწყე, როცა ისინი მოვლენ.

გაოგნებული კაცი მიიმედ ქმინავს; თვალები გადმოცვენაზე აქვს.

ბრბო - ეგისთე, ეგისთე, შეგვიბრალე, ბრძანე, რომ დაიწყონ;

ძალა აღარა გვაქვს.

ტაძრის საფეხურებზე გამოჩნდება ეგისტე, უკან მოჰყვებიან კლიტემნესტრა, უზენაესი ქურუმი და მცველები.

სურათი მეორე

ივიკენი, ეგისტე, კლიტემნესტრა, უზენაესი ქურუმი, მცველები.

ეგისტე - ძალუბო! ჩივილსაც რომ ბედავთ! დაივინყეთ თქვენი სიბილნე? იუპიტერს ვფიცავ, ვაგახსენებთ. (კლიტემნესტრასაკენ ბრუნდება). სხვა გზა არ არის, უიმისოდ უნდა დავინყოთ. მაგრამ მიფრთხილდეს. სასტიკად დავსჯი.

კლიტემნესტრა - მორჩილებას დამპირდა. დარწმუნებული ვარ, რომ ემზადება. ალბათ სარკის წინ ტრიალებს.

ეგისტე - (მცველებს) - გასწით სასახლისაკენ და, ძალით იქნება თუ ნებით ელექტრა მომგვარეთ. (მცველები გადიან. ბრბოს.). აბა, ყველანი თავთავის ადგილზე. მამაკაცები მარჯვნივ დადექით, ქალები და ბავშვები კი ხელმარცხნივ. კარგია.

სიჩუმე. ეგისტე იცდის.

უზენაესი ქურუმი - ამ ხალხს მეტი ლოდინი აღარ ძალუძს. ეგისტე - ვიცი, თუ ჩემი მცველები...

მცველები ბრუნდებიან.

ერთი მცველი - ხელმწიფეო, მთელი სასახლე გადავაბრუნეთ. მეფის ასული არსად ჩანს.

ეგისტე - კარგი. მაგას ხვალ მივხედავთ. (უზენაეს ქურუმს). დაინყე!

ბრბო - უჰ!

მცველები გადაავორებენ ლოდს. უზენაესი ქურუმი მიიწევს სასახლის შესასვლელისაკენ.

უზენაესი ქურუმი - ჰოი თქვენ, მიტოვებულნო, სასონარკვეთილნო, მინაზე გართხმულნო და უკუნით მოსილნო, კვამლივით მხრჩოლავი ვულკანის ნაპრალიდან ამოხეთქილნო; ბოდმის გარდა არას მქონებულნო, თქვენ მიცვალებულნო, აღსდექით - დღეს თქვენი დღესასწაულია! მოდით, ამოიჭერთ მიწიდან ქარის მიერ ატაცებული გოგირდის ოხშივარით, ამოცვივდით სამყაროს საშოდან,

ო, მიცვალებულნო, ასგზის მიცვალებულნო, თქვენ, რომელთაც ჩვენი გულის ყოველი ფეთქვა ხელმეორედ მოგაკვდინებთ, რისხვის, სიმწრისა და შურისძიების ძალით მოგიხმობთ, მოდით და მოივალთ სიძულვილი ცოცხალთა მიმართ. მოდით, ხშირ ნისლად მოკვინებით ჩვენს ქუჩებს, გათიშეთ დედა და შვილი, ერთმანეთს დააცილეთ შეყვარებულნი, თავს დაგვატყეხეთ სინანული, გვაფიქრებინეთ, ნეტა ჩვენც მიცვალებულნი ვიყოთო. აღსდექით, ჯოჯოებო, მატლებო, მოჩვენებებო, ჯადოქრებო, ჩვენი ღამეების ავნო-ზმანებანო. აღსდექით, ჯარისკაცებო, წყევლა-კრულვით დაღუპულნო, აღსდექით ბედშავნო, უპოვარნო, აღსდექით შიმშილით სულამომხდარნო, სიცოცხლის უკანასკნელ წამს წყევლა რომ დასცდა თქვენს ბაგეებს. აი, ისინი! ცოცხლები აქ არიან, მსუქანი საკბილო ნადავლი. აღსდექით, დამეხეთ ისინი და ძვლებამდე დაღრღენით. აღსდექით, აღსდექით!

დოლის ხმები. ქურუმი გამოქვაბულის შესასვლელთან ცეკვავს, ჯერ ნელა, შემდეგ უფრო და უფრო ჩქარა და ბოლოს ქანცმიღეული ძირს ეცემა.

ეგისტე - აი, ისინი გამოჩნდნენ!

ბრბო - საშინელებაა.

ორესტე - მეტისმეტია, მე...

იუპიტერი - შემომხედე ჭაბუკო, თვალებში შემომხედე. მიხვდები? ახლა კი ჩუმად იყავი.

ორესტე - ვინა ხართ?

იუპიტერი - ამას მოგვიანებით შეიტყობ.

ეგისტე ნელა ჩამოდის სასახლის საფეხურებზე.

ეგისტე - ისინი აქ არიან. (სიჩუმე). არისია, აქ არის შენი მეუღლე, რქებს რომ ადგამდი. აქ არის, გეხუტება და გკოცნის. როგორ ვიკრავს გულში, როგორ უყვარხარ, როგორ სძულხარ. ნისია, დედაშენიც აქ არის, უპატრონოდ რომ მოკვდა. სეგეს, სახიზლარო მევახშევ, ისინი აქ არიან, ყველა შენი საცოდავი მევახშე რომელთაც სილატაკეში ამოხდათ სული; აქ არიან ისინიც, კისც გააკოტრე და თავი ჩამოახრჩობინე. ისინი აქ მოსულან და დღეს შენი კრედიტორები არიან. თქვენ კი მშობლებო, გულჩვილო მშობლებო, დახარეთ თვალები, მუხლი მოიდრიკეთ, მინას დასცქერდით. მკვდარი ბავშვები აქ არიან და თქვენცენ იწვიდიან პანია ხელებს. ყველა ის სიხარული, რომელიც დააკელით, ყველა ის ტანჯვა, რაც მიაყენეთ, ტყვიასავით აწევთ მათ ღვარძლიან და მჭმუნვარე პატარა სულებს.

ბრბო - შეგვიწყალებთ!

ვეგისტე – დიახაც, შეგვიწყალებო! განა არ იცით, რომ მიცვალებულებმა შეწყალება არ იციან? მათი ბრწყყალების დალი სამუდამოა და თქვენს შორის მორიგება შეუძლებელია. ნისია, განა შენი ქველი საქმენი გამოისყიდის იმ ბოროტებას, დედამენს რომ მიაყენე? რომელი კეთილი საქმით მოიგებ მის სულს? მისი სული მცხუნვარე შუადლეა და იქ, იმ სულში ნიავიც არ ქრის, არაფერი იცვლება, სიცოცხლის ნატამალიც არ არის; ვეება, უძრავი, ყოვლის გადამბუგველი შუე კი შთანთქავს ყველაფერს. მიცვალებულნი – აღარ არიან, და სწორედ ამიტომ თქვენს დანაშაულს მოუსყიდავ დარაჯებად დასდგომიან.

ბრბო – შეგვიბრალებო!

ვეგისტე – შეგვიბრალებო! ოჰ, საცოდავო მსახიობებო, დღეს მაყურებელი არ გაკლიათ. თუ გრძნობთ თქვენს სახეებზე, თქვენს ხელებზე ათასობით გაშეშებული თვალის უიმედო მზერას? ისინი ჩვენ გვხედავენ, ცხადად გვხედავენ? შიშველ-ტიტველნი გამოვცხადებულვართ მათ სამსჯავროზე. ჰე, ჰე, გაებით მახეში? თქვენ გწავთ მათი უხილავი და გამჭვირვალე მზერა, უფრო მწველი, ვიდრე ხსოვნა ამ მზერისა.

ბრბო – მოგვიტევეთ ჩვენი ცოდვა, მოგვიტევეთ, რომ ცოცხლები ვართ, თქვენ კი მიცვალებულნი ბრძანდებით.

ქალები – ვარს გვახვევია თქვენი სახეები და თქვენი ნაქონი ნივთები. დღენიადგ ძაძებში ვართ და ვტირით; და ასე ცვლის დღე ღამეს. ვგოდებთ, მაგრამ ვაი, რომ ყველაფერი ამაოა. თქვენი ხსოვნა ირღვევა და თვალსა და ხელს შუა მიედიდება. დღითიდღე ეს ხსოვნა ნელ-ნელა მკრთალდება, ჩვენი დანაშაული კი მძიმდება. თქვენ გვტოვებთ, გვტოვებთ, სისხლივით თქრიალ-თქრიალით გვეცლებით; და თუ ეს თქვენ განრისხებულ სულებს დაგვიამებთ, იცოდეთ, ძვირფასო მიცვალებულებო, რომ სიცოცხლე მოგვიშხამეთ.

მამაკაცები – მოგვიტევეთ, რომ ცოცხლები ვართ, თქვენ კი მიცვალებულნი.

ბავშვები – შეგვიბრალებო. ბრალი არ მიგვიძღვის ჩვენს გარენაში. გვრცხვენია, რომ ვიზრდებით. როგორ შევძლებდით თქვენს შეურაცხყოფას? შემოგვხედეთ, სული კბილით გვიჭირავს. გასუსულები ვართ, გამხდრები, ფერმკრთალნი და ტანმორჩილნი. მიწაზე ისე დავდივართ, რომ ჰაერი არ შეირხეს ჩვენ გარშემო და თქვენი კი გვეშინია, ოჰ, რარიგ გვეშინია!

მამაკაცები – მოგვიტევეთ, რომ ცოცხლები ვართ, თქვენ კი მიცვალებულნი.

ვეგისტე – იყურეთ, იყურეთ! თქვენ თუ ასე გოდებთ, მე რაღა

მეთქმის, თქვენს ხელმწიფეს? ჩემი წამების ჟამიც დადგა; მინა შეიძრა და წყვდიადი ჩამონვა. მიცვალებულთა შორის უდიდესი მიცვალებული უნდა გამოჩნდეს, ის, ვისაც საკუთარი ხელით მოვუსწრაფე სიცოცხლე. აგამემნონი უნდა გამოჩნდეს.

ორესტე — (მახვილს იმიშელებს). — არამზადა? როგორ ბედავ მამაჩემის სხენებას ამ მაიმუნურ წარმოდგენაში?

იუბიტერი — (ხელს ჩაავლებს და აჩერებს). — შეჩერდით ქაბუკო, შეჩერდით!

ეგისტე — (შემოტრიალდება). — ვინ გაბედა?

ტაძრის საფეხურებზე ელექტრა გამოჩნდება. ეგისტეთე შენიშნავს.

ეგისტე — ელექტრა!

ბრბო — ელექტრა!

სურათი მესამე

იკიპენი, ელექტრა

ეგისტე — ელექტრა, რას ნიშნავს ეგ მორთულობა?

ელექტრა — ჩემი ყველაზე ლამაზი კაბა ჩავიცვი — დღეს განა დღესასწაული არ არის?

უზენაესი ქურუმი — რაო, მიცვალებულების აბუჩად ასაგდებად მოხვედი? შენ კარგად იცი, რომ ეს მათი დღესასწაულია და ძაძები უნდა ჩაგეცვა.

ელექტრა — ძაძები? ვითომ რათაო? მე ჩემი მიცვლებულების არ მეშინია, თქვენები კი რაში მეკითხება?

ეგისტე — მართალს ამბობ. შენი მიცვლებულები სხვანი არიან და ჩვენი სხვანი. დამიხედეთ ერთი, ეს რა კაბის კაბაში გამოპრანჭულა ატრევისის შვილიშვილი. იმ ატრევისისა, მზაკვრულად რომ გამოსჭრა ყელი თავის ძმისწულეს. შენ ხომ დაწყველილი მოდგმის უკანასკნელი ნაშიერი ხარ. სიბრალულის გამო გიტანდი ჩემს სასახლეში, მაგრამ დღეს ვალიარებ ჩემს შეცდომას. შენს ძარღვებში ძველისძველი ობმოვიდებული სისხლია. ყველას ჭირს შეგვეყრი, თუ არაფერი ვიღონე. დამაცადე ცოტა ხანს, ძუნა ძაღლო, მე შენ გიჩვენებ, როგორი დასჯა ვიცი. ცრემლი არ გეყოფა, შენი უბედურება რომ გამოიტყრო.

ბრბო — ეგ მკრეხელობაა!

ეგისტე – გესმის, ბედშავო, როგორ ბოხოქრობს შენგან შეურაცხყოფილი ხალხი? გესმის რა დაგაბრალებს? მე მიმადლოდე, რომ აქა ვარ და მათ მრისხანებას ვაოკებ, თორემ აქვე ჩაგქოლავდნენ.

ბრბო – მკრეხელობაა!

ელექტრა – ჩემი მხიარულება განა მკრეხელობაა? ეგენი რატომლა არ მხიარულობენ? ხელს ვინ უშლით?

ეგისტე – ამას ეცინება, მისი მკვდარი მამა კი აქაა, სახეზე სისხლშემხმარი.

ელექტრა – როგორ ბედავთ ავამემნონის ხსენებას? თქვენ რა იცით, რომ ღამ-ღამობით ის ჩემთან არ მოდის და ყურში არ მიჩურჩულებს? თქვენ რა იცით, სიყვარულის და სინანულის რა სიტყვებს ჩამჩურჩულებს მისი ხრინწიანი და ჩახლეჩილი ხმა. მე ვიცინი, მართალია, პირველად ვიცინი ჩემს სიცოცხლეში, რადგან ბედნიერი ვარ. როგორ გგონიათ, ჩემი ბედნიერება სიხარულს არ ჰგვრის მამაჩემის გულს? ოჰ, ის თუ მართლა აქ არის, თუ ხედავს თეთრად მოსილ თავის ქალიშვილს, რომელიც თქვენ მდაბიო მონად აქციეთ, თუკი ხედავს, რომ მის ქალიშვილს ამაყად უჭირავს თავი და რომ უბედურებამ ვერ შელახა მისი სიამაყე, დარწმუნებული ვარ, ფიქრადაც არ გაიტარებს ჩემს დანყევლას. განამებულ სახეზე თვალები უბრწყინავს, დასისხლიანებული ბაგეები კი გაღიმებას ცდილობენ.

ახალგაზრდა ქალი – ვაითუ მართალს ამბობს?

ხმები – არა, არა, ეგ ტყუის, ეგ შეშლილია. ელექტრა, ღვთის გულისათვის გაგვეცალე, თორემ ეგ მკრეხელობა ჩვენ დაგვანება ცოდვად.

ელექტრა – რილასი გეპინიათ? შემოგცქერით და თქვენი ჩრდილების მეტს ვერაფერს ვხედავ. მისმინეთ, მოგიყვებით ამბავს, რომელიც ეს-ესაა შევიტყვე და თქვენ ალბათ არ იცით: საბერძნეთში თურმე ბედნიერი ქალაქები ყოფილა. თეთრი და წყნარი ქალაქები, რომლებიც ხვლიკებივით მზეს ეფიცებებიან. ახლაც კი, ამავე ცის ქვეშ, კორინთოს მოედანზე ბავშვები თამაშობენ. მათი დედები პატიებას არ ითხოვენ და არ ამბობენ, რატომ გაგაჩინეთო. დედები ღიმილით უმზერენ პატარებს, ეამაყებათ შვილები. ო, არგოსელო დედებო, გესმით ეს თქვენ? გესმით, იქაური ქალები შვილებს სიამაყით უყურებენ და ამბობენ, ესენი ჩემი ნაშობნი არიანო.

ეგისტე – ხმა გაკმინდე, თორემ მაგ სიტყვებს უკან ჩაგჩრი

პირში.

ხმები ბრბოდან — გაჩუმდეს, გვეყო!

სხვა ხმები — არა, ალაპარაკეთ, აცალეთ ილაპარაკოს. ეტყო-
ბა, ავამემნონმა შთააგონა.

ელექტრა — რა მშვენიერი დარია. ყველგან, ბარად და მთა-
ში, ადამიანი თავანუელი დადის და ამბობს: რა მშვენიერი და-
რიაო და უხარია. ჰოი, საკუთარი თავის ჯალათებო, რად და-
იფიწყეთ ის უბრალო ბედნიერება გლეხვაცისა, რომელიც მიწაზე
დადის და ამბობს: კარგი დარიაო, თქვენ კი, ხელჩამოყრილნი,
თავჩაღუნულნი, სუნთქვა შეგკვრიათ. თქვენი მკვდრები ჩაგკ-
რობიათ, განძრევისა გეშინიათ, ხელი რომ არ ნაჰკრათ. განა
საზარელი არ იქნება, უცებ თქვენი ხელები ნოტიო ორთქლს,
მამათქვენის ან რომელიმე წინაპრის სულს რომ წაანყდეს? აბა
შემომხედეთ! ხელებს ვშლი; ხელებს მალლა ვწევ, ახლად გავღი-
ძებული ვიზმორები. შვის ქვეშ ჩემს ადგილს თამამად ვიკავებ.
განა ცა თავზე მექცევა? მე ვცეკვავ, მხედავთ, როგორ ვცეკვავ
და თმაში ქარის ქროლვას ვგრძნობ მხოლოდ. მკვდრები სადღა
არიან? ხომ არ გგოგნიათ, რომ ცეკვაში ამყვებიან?

უზენაესი ქურუმი — არგოსის მკვიდრნი! მე გეუბნებით, რომ
ამ ქალის საქციელი მკრეხელობაა. ნყეულიმც იყოს იგი და ყველა
სხვაც, ვინც ყურს უგდებს.

ელექტრა — ოჰ, ჩემო ძვირფასო მიცვალებულნი, იფიგენიაე,
ჩემო უფროსო დაო, ავამემნონ, მამაჩემო და ჩემო ერთადერთო
ხელმწიფეე, ისმინეთ ჩემი ვედრება. თუ ჩემი საქციელი მკრეხე-
ლობაა, თუ შეურაცხყოფ თქვენს ტანჯულ ღვთიურ სულებს, მა-
ნიშნეთ ჩქარა; ხოლო თუ საქციელს მიწონებთ, ჩემო ძვირფასებო,
გვედრებით ისე გაყურდეთ, რომ არც ერთი ფოთოლიც არ შე-
ირხეს და ვერავითარმა ხმაურმა ვერ შეაკრთოს ჩემი წმინდა ცეკ-
ვა. მე ხომ სიხარულის სადიდებლად ვცეკვავ, ადამიანების მშვი-
დობისათვის ვცეკვავ, ბედნიერებისა და სიცოცხლისათვის ვცეკ-
ვავ. ოჰ, ჩემო მიცვალებულნი, მე თქვენ სიჩუმეს შეგთხოვთ, რა-
თა ჩემს გარშემო მყოფმა ადამიანებმა ინიშნონ, რომ თქვენი გუ-
ლი ჩემთანაა.

ცეკვავს.

ხმები ბრბოდან — ცეკვავს! შეხედეთ! ცეცხლის ალივით მსუ-
ბუქია; მზზე ცეკვავს და დროშასავით დაფრიალებს, მიცვალე-
ბულნი კი ხმას არ იღებენ.

ახალგაზრდა ქალი — შეხედეთ მის ალტკინებულ იერს. არა,
მაგას მკრეხელის სახე არა აქვს. ჰეი, ეგისთე, რად დუმხარ, რა-

ტომ არ უპასუხებ?

ეგისტე — ვინ ეკამათება ძუნგლიან მხეცს. უნდა მოსპო და მეტი არაფერი. შეეცდი, რომ ოდესღაც დავინდე, მაგრამ ამ შეცდომას გამოვასწორობ: ნურას შიშობთ, ჭიასავით გავსრეს და მისი მოდემის სახსენებელსაც გავაქრობ.

ბრბო — მუქარა რა პასუხია, ეგისტე. სხვას ვერაფერს იტყვი?

ახალგაზრდა ქალი — იგი ციკვავს, ილიმის, ბედნიერია და თითქოს მიცვალებულები მფარველობენო. ოჰ, როგორ მშურს შენი, ელექტრა; აბა შემომხედე, მეც ვპლი ხელებს და მზეს ვუშვერ ჩემს გულმკერდს.

ხმები ბრბოდან — მკვდრები დუმიან. ეგისტე, შენ მოგვატყუე-ორესტე — ელექტრა, ძვირფასო!

იუბიტერი — წყეულიმც იყოს! ხმა უნდა ჩავანყვეტინო ამ გომბიოს (მკლავებს შლის). პოზიდორ, კარიბუ, კარიბუ, ლულაბუ...

ლოდი, რომელიც მჭიდროდ ხურავდა გამოქვაბულის შესასვლელს, გრუხუნით გორდება ტაძრის საფეხურებისაკენ. ელექტრა ჩერდება.

ბრბო — ჰოი საშინელება!

უზუნაესი ქურუმი — ხალხო, მხდალო და მალემრწმენო: მკვდრები შურისძიებად აღდგნენ! ხედავთ, რა სქელი ღრუბელივით დაგვაცხრნენ თავს ბუზები. თქვენს მკრეხელურ ხმას ვუსმენდით და წყევლა დაგვატყდა თავს.

ბრბო — ჩვენ არაფერი ჩავვიდენია. ბრალი არ მიგვიძღვის. ეგ მოვიდა და შეგვაცდინა შხამნარევი სიტყვებით. წყალში ისროლეთ ეგ კუდიანი, მდინარეში, კოცონზე!

მოხუცი ქალი — (ახალგაზრდაზე მიუთითებს). ეგეც მიაყოლეთ; თაფლვით რომ სვამდა მის თითოეულ სიტყვას, ტანზე შემოახიეთ, გაამიშვლეთ და იმდენი ურტყით, სანამ სისხლი არ დაედინება.

ახალგაზრდა ქალს შეიპყრობენ, მამაკაცები კიბის საფეხურებზე ადიან და ელექტრასაკენ მიიწევენ.

ეგისტე — (გონს მოდის). გაჩუმდით, ძალებო. გასწით თქვენს ადგილებზე და დასჯა მე მომანდეთ. (სიჩუმე). ხედავთ რა ძვირი დაგიჯდათ ჩემი ურჩობა? ამიერიდან კიდევ შეხედავთ ეჭვის თვალით თქვენს მეუფეს? შინ გასწით, მკვდრები. თან გამოგყვებიან. ეს ერთი დღე-ღამე თქვენი სტუმრები იქნებიან, ადგილი მიუჩინეთ სუფრასთან, კერასთან, თქვენს ლოგინში და ეცადეთ ჩინებული საქციელით დაავინყოთ, რაც მოხდა. მე კი, მართალია,

თქვენმა ეჭვებმა გული მატკინა, მაინც მოგიტყვებთ. შენ კი, ელექტრა...

ელექტრა - რას იზამ, კოვზი ნაცარში ჩამივარდა. მომავალში ვეცდები აღარ მომეცაროს ხელი.

ეგისტე - ეგ აღარ იქნება. ქალაქის კანონი მიკრძალავს დღესასწაულზე დასჯას. შენ ეგ იცოდი და ამით ისარგებლე კიდევაც. მაგრამ დღეიდან აღარა ხარ ჩვენი მოქალაქე. მოკვეთილ იყავ. ამ ბილნ სამოსელში გამონყობილი, ფეხშიშველი და ხელცარიელი განგვმორდები სამუდამოდ და თუ ხვალ განთიადისას კიდეც ამ კედლებში იქნები, ვბრძანებ, პირველივე შემხვედრმა, ტილიანი ცხვარივით წაგაკლას.

გადის; მცველები უკან მიჰყვებიან. მუშტმოღერებული ბრბო ელექტრას ჩაუვლის.

იუპიტერი - (ორესტეს) რას იტყვით, ჩემო ბატონო? შეიგნეთ რაიმე? კაცმა რომ მკითხოს, ჭკუის სასწავლი ამბავია: ბოროტს ბოროტი მიეგო, კეთილს კეთილი (ელექტრაზე მიუთითებს). ეს ქალი...

ორესტე - ეს ქალი ჩემი დაა. გაგვეცალე, ბერიკაცო, მასთან ლაპარაკი მსურს.

იუპიტერი - (ერთხანს ორესტეს უყურებს. შემდეგ მხრებს აიჩერს). ნება შენია!

გადის. პედაგოგი მიჰყვება.

სცენა მეოთხე

ელექტრა, ტაძრის კიბეზე, ორესტე.

ორესტე - ელექტრა!

ელექტრა - (თავს წევს და უყურებს). აა, ეს შენა ხარ, ფილებ?

ორესტე - ამ ქალაქში ველარ დარჩები, ელექტრა. საფრთხე მოგელის.

ელექტრა - საფრთხე? ჰო, მართალია. ნახე, როგორ ჩავფლავდი? იცი, ცოტა შენი ბრალიცაა, მაგრამ არ გინყრები.

ორესტე - მე რა შუაში ვარ?

ელექტრა - მომატყუე (მისკენ ჩადის). აბა, მიჩვენებ შენი სახე. დიახ, ასეა, შენს თვალებს მივენდე.

ორესტე — დრო არ იცდის, ელექტრა; მისმინე, ერთად გავიქცეთ. ცხენების შოვნას დამპირდნენ და თან წავიყვან.

ელექტრა — არა!

ორესტე — ჩემთან ერთად გაქცევა არ გინდა?

ელექტრა — გაქცევა არ მსურს.

ორესტე — კორინთოში წავიყვან.

ელექტრა — (იციინის) აჰ, კორინთო... იცი, შენდა უნებურად ისევ მატყუებ. აბა, რა მინდა კორინთოში? არა, ჭკუით მოქცევა მმართველს. ჯერ კიდევ გუშინ მოკრძალებულად მეჭირა თავი. სუფრას თავდახრილი ვემსახურებოდი და წამნამთა შუა გამოძვრთალი მზერით მხოლოდ მეუფე ცოლ-ქმარს ვხედავდი. ვხედავდი ოდესღაც ლამაზ და ან ბებერი დედოფლის მკვდარ სახეს, მსუქან და ფერმერთალ მეფეს, მის უსიცოცხლო ბაგეებს და ყურიდან ყურამდე გაბმულ წვერს. ვოცნებობდი ერთ მშვენიერ დღეს შენა-სა მათი გაფატრული მუცლებიდან ამოსული ოხშივარი, ისეთი, სუსხიან დილას რომ ამოისუნთქავს ხოლმე ადამიანი. გეფიცები, ფილებ, სხვა სურვილი არ მქონია. არ ვიცი, რა განგიზრახავს, მაგრამ გული მეუბნება, არ დაგიჯერო. შენს თვალებზე კრძალვა არ განერიდა. სანამ გაგიცნობდი, იცი რას ვფიქრობდი ხოლმე? ბრძენმა მხოლოდ ერთი რამ უნდა ინატროს-მეთქი: სამაგრო მიუზღას ყველა ბოროტებას, რაც კი თავს დაატყდება.

ორესტე — ელექტრა, თუ გამომეცხები, ნახავ, რომ შეიძლება ბევრი სხვა რამეც ინატრო და ისევ ბრძენი დარჩე.

ელექტრა — შენი მოსმენა აღარ მსურს. დიდი ბოროტება დამატეხე თავს. უეცრად გამომეცხადე, დავინახე დამპყვნილი თვალე-ბი, ქალწულივით სათნო სახე და ჩემი სიძულვილი გადამავიწყდა. ხელები გაშალე და ჩემი ერთადერთი განძი ფეხებთან დამივარდა. მე ვირწმუნე, რომ აქაურ ხალხს სიტყვებით განვეკურნავდი. ხომ ნახე, რაც მოხდა: მათ საკუთარი ბოროტება ურჩევნიათ; ჩვეული იარა ესაჭიროებათ, იარა, რომელსაც მზრუნველობით ექცევიან და ჭუჭყიანი ფრჩხილებით მოიფხანენ. მათი მორჩენა მხოლოდ ძალადობით შეიძლება; ბოროტება მხოლოდ სხვა ბოროტებით თუ დაითრგუნება. მშვიდობით, ფილებ, ნადი და დამტოვე ჩემი ბოროტი ზმანების ანაბარა.

ორესტე — მოგკლავენ.

ელექტრა — აქ ერთი სალოცავია, აპოლონის ტაძარი. დამნაშავეები ხანდახან იქ აფარებენ ხოლმე თავს. სანამ იქა ხარ, თით-საც ვერავინ დაგაკარებს. იქ დავიმალები.

ორესტე — რატომ არ გინდა დაგესმარო?

ელექტრა - არა, შენი დახმარება არ მინდა. სხვამ უნდა მიხსნას (მცირე ხანს ფიქრობს). ჩემი ძმა არ მომკვდარა, მე ეს ვიცი და ველოდები.

ორესტე - რომ არ მოვიდეს?

ელექტრა - მოვა, როგორ იქნება, რომ არ მოვიდეს... ჩვენი მოდემისაა. ჩემსავით სისხლში აქვს უბედურება და დანაშაული. მაჩემივით თვალსისხლიანი, ახოვანი მეომარი უნდა იყოს, ფიცხი და მუდამ შემართული. ისეა ჩახლართული ბედისწერაში, თითქოს მუცელგამოფატრული ცხენი იყოს, ფეხებით საკუთარ ნაწლავებში რომ ჩახვეულა და შიშით ვერ ინძრევა, წელები არ დამაწყდესო. დარწმუნებული ვარ, ეს ქალაქი მოიზიდავს, რადგან მხოლოდ აქ ძალუძს ჩაიდინოს ყველაზე დიდი ბოროტება და თავის თავსაც ყველაზე დიდი უბედურება მოუტანოს. ის მოვა პირქუში, გატანჯული და სულნასული, ერთ ადგილს დაუნყებს ცხენივით ტორვას; მეშინია მისი, ყოველ ღამეს მესიზმრება და კივილით ვიღვიძებ. მაგრამ ვუცდი და მიყვარს იგი. მე აქ უნდა დავრჩე და მის რისხვას წინ წარვუძღვე; უნდა მოვითმინო, რათა დამნაშავეები ვაჩვენო და ვუთხრა: დაჰკარ, ორესტე, დაჰკარ, აი ისინი!

ორესტე - ისეთი რომ არ იყოს, შენ რომ წარმოგიდგენია?

ელექტრა - აბა, მაშ როგორი უნდა იყოს აგამემნონისა და კლიტემნესტრას ვაჟი?

ორესტე - იქნებ, ბედნიერ ქალაქში გაზრდილს მობეზრდა ამდენი სისხლის ღვრა?

ელექტრა - მაშინ სახეში შევაფურთხებ და ვეტყვი: „გაეთრიე, ძაღლო, დიაცებს მიაშურე, რადგან თვითონაც დიაცი ყოფილხარ. მაგრამ იცოდე, ნაგებას იქნები. შენ ხომ ატრევსის შვილიშვილი ხარ და ატრიდების ბედისწერას ვერ გაექცევი. შერცხვენა ამჯობინე დანაშაულს, ნება შენია, მაგრამ ბედისწერა სანოლშიც მოგაგნებს: ჯერ სირცხვილს ჭამ, შემდეგ კი, ნებით თუ უნებურად, დანაშაულს ჩაიდენ“.

ორესტე - ელექტრა, მე ორესტე ვარ!

ელექტრა - (ყვირილით). ტყუი!

ორესტე - მამაჩემის აგამემნონის ღვთიურ სულს გეფიცები, ორესტე ვარ. (მცირე ხანს სიჩუმე). - აბა, რაღას უცდი, რატომ არ მაფურთხებ სახეში?

ელექტრა - არ შემიძლია. (ორესტეს უყურებს). ეს დიდებული შუბლი ჩემი ძმის შუბლია. ეს სხივოსანი თვალები ჩემი ძმის თვალებია. ეჰ, ორესტე, მერჩინა, ფილებად დარჩენილიყავი, ჩემი ძმა კი ცოცხალი არ ყოფილიყო. (მორცხვად). მართალია, რომ

კორინთოში ცხოვრობდი წინათ?

ორესტე — არა, ათენელებმა გამზარდეს.

ელექტრა — რა ახალგაზრდა ხარ. გიბრძოლია როდისმე? ეგ მახვილი, წელზე რომ გარტყია, ამოგილია როდისმე ქარქაშიდან?

ორესტე — არასდროს.

ელექტრა — სანამ გაგიცნობდი, ეულად ვგრძნობდი თავს. მე სხვას ვუცდიდი. მხოლოდ მის ძლიერებაზე ვფიქრობდი და ჩემს სიძაბუნეს არად ვაგდებდი. ახლა კი ჩემთან ხარ. ორესტე შენ ყოფილხარ. გიყურებ და ვხედავ, რომ ჩვენ ორი ობოლი ვართ (პაუზა). მაგრამ მიყვარხარ, რომ იცოდე უფრო ძლიერად, ვიდრე ის მეყვარებოდა.

ორესტე — წამოდი, თუ გიყვარვარ, ერთად გავიქცეთ.

ელექტრა — გავიქცეთ? შენთან ერთად? არა. აქ უნდა გადამწყდეს ატრიდების ბედი და მე ატრიდების მოდგმას ვეკუთვნი. არაფერს ვთხოვ. არ მინდა ფილებს რაიმე ვთხოვო. მე აქ დავრჩები.

სცენის სიღრმეში იუპიტერი გამოჩნდება. იმალება.

ყურს უგდებს.

ორესტე — ელექტრა, მე ორესტე ვარ... შენი ძმა. მეც ატრიდი ვარ და შენი ადგილი ჩემს გვერდზეა.

ელექტრა — არა, შენ ჩემი ძმა არა ხარ და მე არ გიცნობ. ორესტე მოკვდა, მით უკეთესი მისთვის. ამიერიდან თაყვანს ვცემ მის წმინდა სულს, მამისა და დის სულებთან ერთად. შენ კი მოდიხარ და ატრიდების სახელს ჩემულობ; ვინა ხარ, რომ ჩემთან მივიდო? გიცხოვრია კი მკვლელობის გარემოში? ეტყობა, მშვიდი ბიჭი იყავი, ნაზი და საზრიანი მზერით, მამობილის სიამაყე, კარგად დაბანილ-დავარცხნილი, ნდობით გაბრწყინებული თვალებით. ენდობოდი შენს ხალხს, რადგან ისინი გულლიად გიღიმოდნენ, ენდობოდი მაგიდებსა და სანოლებს, კიბის საფეხურებს, ისინი ხომ ადამიანებს ერთგულად ემსახურებიან. ცხოვრებისა გნამდა, რადგან მდიდარი იყავი და ბევრი გასართობიც გქონდა. ხანდახან ალბათ ფიქრობდი კიდეც, ქვეყანა არც ისე ურიგოდ არისო მონყობილი და ისევე სასიამოვნოა ცხოვრების ზღვაში გადაშვება, როგორც აბაზანაში ნებივრობაო. მე კი ექვსი წლისა უკვე მოახლე ვიყავი და სულით უნდო (პაუზა). წადი, მშვენიერო სულო, არ მინდიხარ! მე თანამზრახველი მჭირდება.

ორესტე — როგორ გგონია, მარტო მიგატოვებ? რაღა გაჩერებს აქ, თუკი უკანასკნელი იმედიც დაგეკარგა?

ელექტრა — ეგ ჩემი საქმეა. მშვიდობით, ფილებ.

ორესტე — მამ მაგდებ? (რამდენიმე ნაბიჯს გადადგამს და

ჩერდება). რა ჩემი ბრალია, თუ იმ განრისხებულ მეომარს არ ვგავარ, შენ რომ ელოდი? ხელს რომ მოჰკიდებდი და ეტყოდ: „დაჰკარიო“, მე კი არაფერს მთხოვ. ვინლა ვარ მე, ღმერთო ჩემო, თუკი საკუთარი და ისე მიშორებს თავიდან, რომ არც კი სურს გამომცადოს.

ელექტრა — ოჰ, ფილებ, ვერასოდეს დაგაკისრებდი ამოდენა ტვირთს. შენმა გულმა ხომ არ იცის რა არის სიძულვილი.

ორესტე — (გულჩაკლული). რა კარგად ამბობ, არ იციო რა არის სიძულვილი. მაგრამ იცი, მან სიყვარულიც რომ არ იცის? შენს შეყვარებას კი შეეძლებდი, მაგრამ როგორ? ...იმისათვის რომ გიყვარდეს, ვძულდეს, გრძნობებს უნდა აჰყვე. რა მშვენიერია სისხლჭარბი ადამიანი, მყარად რომ დაჰყრდნობია თავის ავლადიდებას; მას ძალუძს ერთ მშვენიერ დღეს თავდავიწყებით მიეცეს სიყვარულს, სიძულვილს, და უხვად გასცეს თავისი მინა-წყალი, თავისი სახლ-კარი და თავისი მოგონებებიც. ვინა ვარ მე და რა მაქვს გასაცემი? ძლივლა ვარსებობ. ამ ქალაქში მოლასლასე მოჩვენებებზე უფრო მოჩვენება ვარ. მე გამომიციდია მოჩვენებითი სიყვარული, წარმავალი და ნისლივით გაფანტული, მაგრამ არ ვიცი ცოცხალი ადამიანების მხურვალე ვნება რა არის. ვაი, სირცხვილო! მშობლიურ ქალაქს დავუბრუნდი, საკუთარ დას კი ჩემი ცნობა არ უნდა. სადლა წავიდე? რომელ ქალაქს შევაფარო თავი?

ელექტრა — ქალაქი არ გეგულება, სადაც პირმშვენიერი ასული გელის?

ორესტე — არავინ მელის. ქალაქ-ქალაქ დავეხეტები უცხო სხვათათვის და უცხო საკუთარი თავისთვისაც. სადლაც მივდივარ და წყალივით აუმღვრეველი და მშვიდი ქალაქები უკან მრჩებიან. არგოსიდანაც ისე წავალ, რომ არავითარ კვალს არ დავტოვებ, მხოლოდ შენს გულს დააჩნდება იმედგაცრუების სიმწარე.

ელექტრა — შენ ბედნიერი ქალაქების ამბავს მიყვებოდი.

ორესტე — რას ვაქნევ ბედნიერ ქალაქებს. მე მინდა ჩემი მოგონებანი მქონდეს, ჩემი სამკვიდრო, ჩემი ადგილი არგოსის მკვიდრთა შორის. არა, ელექტრა, აქედან წამსვლელი არა ვარ.

ელექტრა — ნადი, ფილებ, გემუდარები. მებრალეები, ნადი თუ გიყვარვარ. ბოროტების გარდა ვერაფერს მოიმკი და შენი უცოდველობა მხოლოდ ხელს შემოშლის.

ორესტე — არ წავალ.

ელექტრა — ნუთუ გგონია ნებას დაგრთავ აქ დარჩე, რათა შენი უღიმღამო სინმინდით თავი მომაბეზრო, ჩემი საქციელის ხე-

ლისშემღებულ მსაჯულად დამადგე თავს. რატომ ჯიუტობ? შენ აქ არავის უნდისარ.

ორესტე — სხვა გზა არა მაქვს. ელექტრა, ნუთუ ამასაც მის-
პობ? გამიგონე, მე მინდა კაცი ვიყო, ფესვგადგმული, კაცი კაც-
თა შორის. მონა რომ მონაა, სახედარევეილი და მოღუშული,
რომელსაც მძიმე ტვირთი აუკიდია და ძლივს მილასლასებს, ისიც
კი თავის ქალაქშია, როგორც ფოთოლი ტოტზე, როგორც ხე ტყე-
ში. მის ირგვლივ მთელი არგოსია, მძიმე და მხურვალე, თავის
თავის კმაყოფილი. მე მინდა ის მონა ვიყო, ელექტრა, ეს ქალაქი
ჩემკენ მოვიზიდო და შიგ გავეხვიო, როგორც ზენარში. არა, არ
ნავალ.

ელექტრა — ასი წელიც რომ იცხოვრო ჩვენს შორის, მაინც
უცხო დარჩები. მარტოობა უფრო მოგეძალება, ვიდრე დიდ შა-
რაგბისეულ მგზავრს. თავდახრილი ხალხი აღმაცერად შემოგხედავს
და გვერდზე რომ ჩაუვლი, ხმას დაუნევენ.

ორესტე — ნუთუ ასე ძნელია თქვენი სამსახური? ჩემს მარ-
ჯვენას ქალაქის დაცვა შეუძლია, ოქროსაც არ დავიშურებ, რომ
ლატაკებს სვედრი შევუშსუბუქო.

ელექტრა — ჩვენ არც მხედართმთავარი გვეჭირდება და არც
ღვთისმომშიში ქველმოქმედი.

ორესტე — მაშინ...

*თავდახრილი რამდენიმე ნაბიჯს გადადგამს. გამოჩი-
ნდება იუპიტერი, რომელიც ხელებს ისრებს და ორეს-
ტეს უყურებს.*

ორესტე — (მალლა ნებს თავს). ნეტავი გამაგებინა რა ხდება!
ჰოი ზევს, ზევს, ცათა მეუფევ, შენთვის იშვიათად მომიმართავს,
არც შენ მიყურებდი წყალობის თვალთ, მაგრამ მოწმე ხარ, რომ
მხოლოდ სიკეთეს ვესწრაფოდი. უკვე მოვიღალე, კეთილსა და ბო-
როტს ველარ ვარჩევ. გზის გამკვლევი მჭირდება. ზევს, ნუთუ მშობ-
ლიური ქალაქიდან გაძევებული მეფისწული თავჩაღუნული ძალლი-
ვით უნდა გაიძურნოს? ასეთია შენი ნება? ვერ დავიჯერებ. თუმ-
ცაღა... თუმცა შენ კი აკრძალე სისხლისღვრა, ოჰ, რამ მათქმევინა
სისხლისღვრა. გემუდარები, ზევს, თუ მორჩილება და უღირსად
თავის დამცირება შენს მიერ თავსმოსხვეული კანონია, მანიშნე რო-
გორმე შენი ნება-სურვილი, თორემ თავგზა ამებნა.

იუპიტერი — (თავისთვის). ადვილი საქმეა. მზად ვართ გემსა-
ხუროთ. აბრახას, აბრახას, ცე! ცე!

ელექტრა — (იციინის). ჰე, ჰე, დღეს სასწაულების წვიმაა. ხე-
დავ, ფილებ, ღვთისმომშიშო ფილებ, რა მოიგე, ღმერთებს რომ

მიმართე რჩევისათვის. (გიჟური სიცილი აუტყდება). კეთილო ჭაბუკო... ღვთისმოშიშო ფილებ, „მანიშნე ზევს“, „მანიშნე“ და, აჰა, რა ნათელი მოეფინა წმინდა ქვას. მოგვეშორდი, კორინთოს გზას დაადექი! გავვეცალე!

ორესტე - (ქვას უყურებს). მაშ, ეს არის სიკეთე! (პაუზა. ისევ ქვას უყურებს). ჩუმად გავვეცალო აქაურობას, უხმოდ, უჩუმრად. იმეორო დღენიადავ „მომიტივეთ“, „გმაღლობთ“. ესაა, მაშ. (პაუზა. ქვას უყურებს). სიკეთე, მათი სიკეთე. (პაუზა). ელექტრა!

ელექტრა - გასწი, ჩქარა წადი. იმედი არ გაუტრუო ბრძენ ძიძას, ოლიმპოს მწვერვალიდან რომ გადმოხრილა შენსკენ. (შემკრთალი ჩერდება). რა მოგივიდა?

ორესტე - (შეცვლილი ხმით). სხვა გზაც არსებობს!

ელექტრა - (შემკრთალი). ბოროტმოქმედად ნუ მოგაქვს თავი, ფილებ. შენ ნიშანი შესთხოვე ღმერთს, ჰოდა ახლა ხომ ინიშნე მისი ნება?

ორესტე - ნიშანი? ჰო, მართლა; რაზე ამბობ, ამ დიდ ქვას გარშემო ნათელი რომ მოეფინა? ეს ნათელი ჩემთვის არ არის და ამიერიდან ველარავინ მიბრძანებს, როგორ მოვიქცე.

ელექტრა - რა გამოცანებით ლაპარაკობ!

ორესტე - როგორ დამშორდი უცებ... როგორ შეიცვალა ყველაფერი! ჩემს გარშემო რაღაც ცოცხალი და თბილი იყო. რაღაც მოკვდა... რა სიცარიელეა, თვალს ვერ გაუნვდენ. (რამდენიმე ნაბიჯს გადადგამს). ლამდება... არ გეჩვენება, რომ აცივდა? ნეტა რა მოხდა? რა მომივიდა, რა მოკვდა ჩემში?

ელექტრა - ფილებ...

ორესტე - გეუბნები, რომ სხვა გზაც არის... ჩემი გზა. ნუთუ ვერ ხედავ: ის აქედან მიემართება და ქვევით ქალაქისკენ ეშვება. იქაა ჩასვლა საჭირო, თქვენამდე ჩამოსვლა: თქვენ ხომ ორმოს ფსკერზე ხართ, სულ ძირში. (ელექტრასკენ მიიწევს). შენ ჩემი და ხარ, ელექტრა; ეს ქალაქი ჩემი ქალაქია, დაო ჩემო!

ხელს ჰკიდებს.

ელექტრა - ხელი გამიშვი, მტკენ, მაშინებ, მე შენ არ გეკუთვნის.

ორესტე - ვიცი, ჯერ არ გეკუთვნი! მე ძალზე მსუბუქი ვარ; მძიმე დანაშაული უნდა ჩავიდინო, რომ არგოსის ძირამდე დავეშვა.

ელექტრა - რას აპირებ?

ორესტე - მოიცადე, მაცალე გამოვემშვიდობო ამ მსუბუქ სინმინდეს. მაცალე გამოვემშვიდობო ჩემს სიჭაბუკეს. კორინთოსა და ათენში სურნელებითა და სიმღერებით გაჟღენთილი სალამოები

იცის. ამიერიდან მათ სამუდამოდ უნდა დავემშვიდობო. იმედით აღსავსე განთიადებსაც. მშვიდობით! მშვიდობით! (ელექტრასკენ მიდის). ნამო, ელექტრა, ჩვენს ქალაქს შეხედე. ის იქ არის, თაკარა მზებზე, კაცთა და ბუბთა შუილით გაყრუებული, ზაფხულის ნაშუადღევის ხვატში გათანგული. მისი ყოველი კედელი, სახურავი, ყოველი დახშული კარები უარს მეუბნება. მაგრამ მათ უნდა დავეუფლო. ამას დილიდანვე ვგრძნობდი. და შენც უნდა დავეუფლო, ელექტრა. ყველას უნდა დავეუფლო. ნაჯახად ვიქცევი და ორად გავაპობ ამ ჯიუტ კედლებს, მუცლებს დაეუფატრავ ამ ფარისეველ სახლებსა და მათი გაფატრული მუცლებიდან საქმლისა და საკმეველის სუნი ამოვა. ცულად ვიქცევი და ამ ქალაქის ჯულს ისე ჩავესობი, როგორც მუხის ტანს ცული ესობა ხოლმე.

ელექტრა — როგორ შეიცვალე: შენი თვალები აღარ ბრწყინავენ. ისინი ჩაქრნენ და ჩამუქდნენ. ვაგლახ, შენ ისეთი სათნო იყავი, ფილებ, ახლა კი ისე მელაპარაკები, როგორც ის, მეორე მელაპარაკებოდა ხოლმე სიზმარში.

ორესტე — ყური დამიგდე. აქაურები თავიანთი მკვდრებით გარემორტყმულნი ჩაბნელებულ ოთახებში კანკალებენ. წარმოიდგინე, ჩემს თავზე ავიღო ყველა მათი დანაშაული. წარმოიდგინე, რომ მინდა დავიმსახურო სახელი „სინანულის ქურდისა“ და დავიჩემო ყველა მათი სინანული. იმ ქალისა, ქმარს რომ ღალატობდა, ვაჭრისა, დედას რომ არ მიხედა და მოუვლელი მოუკვდა, მევახშისა, სიკვდილის კარს რომ მიიყვანა მევალები. როცა არგოსის ბუზებზე უფრო დიდი სინანული დამეუფლება, მითხარი, მაშინაც არ მექნება უფლება თქვენთან ვიცხოვრო? მაშინ ხომ ჩემს სახლში ვიქნები სისხლით მოთხვრილ კედლებს შორის? ხომ დავემსგავსები დახლში მდგომ წინსაფარგასისხლიანებულ ყასაბს, ახლადგამოფატრულ ხარებს შორის რომ დგას ხოლმე?

ელექტრა — ჩვენს მაგივრად გინდა მოინანიო?

ორესტე — მოვინანიო? მე გითხარი, მთელ თქვენს სინანულს ჩემს თავზე ავიღებ-მეთქი, მაგრამ არ მითქვამს, რას ვუზამ ამ მოკაკანე ქათმებს, იქნებ კისრებიც მოვუგრიხო.

ელექტრა — როგორ შეძლებ თავზე აიღო ჩვენი ტკივილი?

ორესტე — თქვენ გინდათ თავიდან მოიცილოთ ტკივილი, მაგრამ ხელმწიფე და დედოფალი ძალას გატანენ და გულში გიტოვებენ მაგ ტვირთს.

ელექტრა — ხელმწიფე და დედოფალი... ფილებ.

ორესტე — ღმერთია მონამე, სისხლის დაღვრა არ მინდოდა. ხანგრძლივი სიჩუმე.

ელექტრა - შენ ძალიან ნორჩი ხარ, ძალიან სუსტი...

ორესტე - აა, უკვე უკან იხევ? დამძალე სასახლეში, ამ სა-
ლამოს გამიძეხ სამეფო სანოლისაკენ და ნახავ, როგორი სუსტიცა
ვარ.

ელექტრა - ორესტე!

ორესტე - შენ პირველად დამიძახე ორესტე.

ელექტრა - დიახ, ვირწმუნე, რომ მართლაც შენა ხარ. შენ
ორესტე ხარ. ვერ გიცანი, რადგან ასეთს არ გელოდი. მაგრამ
ახლაც სიზმარში ათასგზის განცდილი მწარე გემო შევიცანი პირ-
ში და გზნების ცეცხლმა დამიარა. მაშ, ორესტე, შენ მოხვედი და
გადანწყეტილება მიიღე. მეც აქა ვარ. მივადექით გარდაუვალი ქმე-
დების ზღურბლს და ისევ ისე მეშინია, როგორც სიზმარში. ო,
მოლოდინის წუთო, როგორ გელოდი და როგორ მეშინოდა შენი.
დროის დინება აჩქარდა და ამიერიდან ყოველი წუთი ისე გაუ-
დევნება მეორეს, როგორც მექანიზმის ბორბლები; ჩვენთვის კი
მანამდე არ იქნება შვება, ვიდრე ორივეს პირაღმა არ დავცემთ
და არ დავინახავთ შავი თუთასავით გაჭყლეტილ მათ სახეებს.
რა სისხლის გუბე დადგება! ამ სისხლს შენ დაანთხვე, ნაზთვალა
ჭაბუკო. ვაგლახ, ველარასოდეს ვიხილავ ამ სინაზეს, ველარასო-
დეს ვიხილავ ფილებს. ორესტე, შენ ჩემი უფროსი ძმა ხარ და
ოჯახის უფროსიც, მომხვეი მკლავი, დამიცავი, რადგან ჩვენ დიდი
ტანჯვის გზას დავადექით.

*ორესტე მოეხვევა, იუპიტერი სამალავიდან გამოდის
და უხმოდ ტოვებს იქაურობას.*

ფარდა

სურათი მეორე

სატახტო დარბაზი სასახლეში. იუპიტერის სისხლიანი და შემზარავი ქანდაკება. საღამოვდება.

სცენა პირველი

პირველი შემოდის ელექტრა და ორესტეს ანიშნებს, შემოვიდეს.

ორესტე — მოდიან!

ელექტრა — ჯარისკაცები შემოვლაზე არიან. აქ დავიმალოთ. ხელს მახვილზე იტაცებს. იმალებიან ტახტის უკან.

სცენა მეორე

იგივენი (დამალულეში), ორი ჯარისკაცი.

I ჯარისკაცი — არ მესმის, რა დაემართათ დღეს ბუზებს. ცოფიანებივით იკბინებიან.

(ბუზების შუილი).

II ჯარისკაცი — მკვდრების სუნი სცემთ და უხარიათ. დამთქნარებას ველარ ვბედავ იმის შიშით, რომ გაღებულ პირში არ შემომიფრინდნენ და სახაში ტარაბუასავით არ დატრიალდნენ.

ერთი წამით ელექტრა გამოჩნდება და ისევ იმალება. თითქოს რაღაცამ გაიჭრიალაო.

I ჯარისკაცი — ეტყობა, აგამემნონი ჯდება თავის ტახტზე.

II ჯარისკაცი — ვითომ? მისი ფართო საჯდომი აჭრიალებს ტახტის ფიცრებს? შეუძლებელია, კოლეგა, მკვდრებს ხომ წონა არა აქვთ.

I ჯარისკაცი – ნონა უბრალო ხალხს არა აქვს. მაგრამ ავამეწონი, სანამ სიკვდილის გზას დაადგებოდა კაი პირის გემოს მოყვარული მეფე იყო, რომელსაც სიცოცხლეში თავისი 125 კილოგრამისათვის ერთი გრამიც არ დაუკლია. შეუძლებელია, რამდენიმე კილოგრამი მაინც არ შერჩენოდა.

II ჯარისკაცი – მამ... შენ ფიქრობ აქ არის?

I ჯარისკაცი – აბა სად უნდა იყოს? მაგ მკვდარი მეფის ადგილას, ყოველ წელს 24 საათის ნება რომ მოეცათ, ცხადია მოვბრუნდებოდი, მთელი დღე ჩემს ტახტზე ვიჯდებოდი და კარგ მოგონებებს მივეცემოდი, ისე, რომ არავის არაფერს დავუშავებდი.

II ჯარისკაცი – ცოცხალი ხარ და იმიტომ ამბობ მაგას. აბა მკვდარი იყო. შენც კაი აშარი იქნებოდი, (*I ჯარისკაცი სილას განის*) – რას შერეობ?

I ჯარისკაცი – შენს საქმეს ვაკეთებ! ხედავ ერთი დაკვრით შეიდი მოკვალი, მთელი გუნდი გავჟლიტე.

II ჯარისკაცი – მკვდრები?

I ჯარისკაცი – არა, ბუზები. ხელები სულ სისხლში მაქვს ამოთხვრილი. (ხელებს შარვალზე იწმენდს). მურტალი ბუზები.

II ჯარისკაცი – ნეტავი ღმერთებს ენებათ და მკვდრად დაბადებულიყვნენ. შეხედე მიცვალებულებს: ხმას არ იღებენ, ისე იქცევიან, რომ არც კი გვანუხებენ. ნეტავ ეგ ოხერი ბუზებიც ასევე იყვნენ.

I ჯარისკაცი – ხმა გაიკმინდე, მკვდარი ბუზების შემოსევაღა გვაკლია აქ.

II ჯარისკაცი – რატომაც არა?

I ჯარისკაცი – აზრზე ხარ, ეგენი ყოველდღე მილიონობით იხოცებიან. რაც შარშანდელს აქეთ დაიხოცა, ყველა რომ ქალაქში შემოეშვათ, ერთ ცოცხალზე 365 მკვდარი ბუზი მოვიდოდა და ბზუილით გაგვავრუებდნენ. უჰ, ჰაერი ბუზებით იქნებოდა დაშაქრული, ბუზებს ჩავყლაპავდით, ბუზებით ვისუნთქებდით, კონინა სითხესავით ჩაედინებოდნენ ჩვენს ბრონქებსა და ნანლაგებში... იქნებ ამიტომ არის ამ ოთახში ასეთი მყრალი სუნი.

II ჯარისკაცი – უჰ, ამხელა დარბაზს ნეტა რამდენი მკვდარი ეყოფა, აქაურობა რომ აამყრალოს, თანაც ამბობენ, ჩვენს მკვდრებს პირიდან ცუდი სუნი ამოსდითო.

I ჯარისკაცი – კარგი ერთი, ეს ხალხი სისხლს ტყუილად იმღვრევს.

II ჯარისკაცი – დაიჯერე, რალაც ხდება: იატაკი ქრიალებს. ისინი ტახტის უკან მიემართებიან მარჯვნიდან, ორესტე და ელექტრა მარცხნიდან გამოდიან, გაივლიან ტახტის საფეხურების წინ და მარჯვნიდან მიაშურებენ ისევ სამალავს იმ დროს, როდესაც ჯარისკაცები მარცხნიდან გამოდიან.

I ჯარისკაცი – ხომ ხედავ, არავინ არის. ეს აგამემნონია, ხომ გეუბნები, წყეული აგამემნონი! ის ეტყობა თავის ბალიშებზე ნებივრობს და გვიყურებს, სხვა რა საქმე აქვს.

II ჯარისკაცი – მოდი, სარგადაყლაპულებივით დავდგეთ, მეტი რა გზაა, გვიღიტინონ ბუზებმა ნესტოებში.

I ჯარისკაცი – რა კარგი იქნებოდა, მცველთა რაზმში რომ ვყოფილიყავი, ერთ ლაზათიან ქალაქის თამაშს გავახურებდი. იქაური მკვდრები კაი ძმაკაცები არიან; ჩვენნაირი უბრალო ხალხია. მაგრამ როცა მახსენდება, რომ მკვდარი ხელმწიფე აქ არის და მითვლის, რამდენი ღილი აკლია ჩემს მუნდირს, სიმწრის ოფლი მასხამს; ისე მითვალთვალებს, თითქოს გენერალი იყოს.

შემოდის ეგესთე, კლიტემნესტრა, მსახურებს ლამფები მოაქვთ.

ეგისტე – დაგვტოვეთ მარტო.

ს ც ე ნ ა მ ი ს ა მ ი

*ეგისტე, კლიტემნესტრა, ორესტე და ელექტრა
(დამალულები).*

კლიტემნესტრა – რა დაგემართათ?

ეგისტე – ნახეთ? ხალხი რომ არ დამეშინებინა, ერთი ხელის მოსმით იშორებდა სინანულს.

კლიტემნესტრა – რატომ ღელავთ? როცა კი მოისურვებთ, ყოველთვის შესძლებთ მათ მოდრეკას.

ეგისტე – შევძლებ. ძალზე მოხერხებულად ვთამაშობ ამ კომედიას. (პაუზა). ვნანობ, მაგრამ ელექტრა მაინც უნდა დავსაჯო.

კლიტემნესტრა – ჩემი ასული რომაა, იმიტომ? რაკი მისი დასჯა მოისურვებთ, ალბათ ასეა საჭირო. ვფიქრობ, ყველაფერს მართებულად სჩადიხართ.

ეგისტე – დედაკაცო, ჩემი სინანულის წყარო შენ კი არა

ხარ.

კლიტემნესტრა – მაშ რატომ ნანობთ? თქვენ ხომ არ გიყვართ ელექტრა?

ეგისტე – დავიღალე. უკვე 15 წელიწადია საფრთხობელასავით ვიმოსები, ჩემს სულსაც მოედო ჩემი სამოსელის შავი ფერი.

კლიტემნესტრა – კი მაგრამ, ხელმწიფევ, მე თვითონ...

ეგისტე – ვიცი, დედაკაცო, შენ სინანულზე დამიწყებ ლაპარაკს. მშურს შენი, რადგან შენ სინანული ცხოვრებას გივსებს. მე სინანული არ გამაჩნია, მაგრამ არგოსში ჩემსავით ნაღვლიანი კაცი არ არის.

კლიტემნესტრა – ჩემო ძვირფასო ხელმწიფევ!

უახლოვდება.

ეგისტე – თავი დამანებე კახპავ, მის წინ მაინც არ გრცხვე-
ნია?

კლიტემნესტრა – ვის წინ, ვინა გვხედავს?

ეგისტე – ვინა და ხელმწიფე. დღეს დილით ხომ მკვდრები გამოუშვეს.

კლიტემნესტრა – გემუდარებით... მკვდრები მინის ქვეშ არიან და კარგა ხანი არ შეგვანუხებენ კიდევ. დაგავინყდათ, რომ თვითონ შეუთხზეთ ეს არაკები ხალხს?

ეგისტე – მართალი ხარ, დედაკაცო. მაგრამ ხედავ, როგორ დავიღალე? დამტოვე ცოტა ხანს, აზრი მინდა მოვიკრიბო!

სცენა მეოთხე

ეგისტე, ორესტე და ელექტრა (დამალულები).

ეგისტე – რაო, იუპიტერ, ასეთი ხელმწიფე გჭირდებოდა არგოსისათვის? მივდი-მოვდივარ, ხმამაღლა ვღრიალებ, ჩემს დიდ, საშინელ გარეგნობას ვაჩვენებ ხალხს და ვინც კი შემომხედავს, თავიდან ფეხებამდე დამნაშავედ გრძნობს თავს. მე კი ცარიელი ნაჭუჭის გარდა არაფერი ვარ. თითქოს რომელიღაც ცხოველმა ისე ამომიჭამა გულ-მუცელი, რომ ვერც კი შევამჩნიე. ჩემს თვალებში ვიხედები და ვამჩნევ, რომ ავამემნონზე უფრო მკვდარი ვარ. მე ვთქვი, ნაღვლიანი ვარ-მეთქი. ვიცრუე, არც ნაღვლიანი ვარ და არც მხიარული, ჩემს გარშემო უსაზღვრო არარაა მხოლოდ, რომელსაც ნათელი ცის არარა დაჰყურებს და ეს სიცარი-

ელე შემზარავი და თავზარდამცემია.

შემოდის იუპიტერი.

ს ც ე ნ ა მ ე ს უ თ ი

ი ბ ი ვ ე ნ ი, ი უ პ ი ტ ე რ ი

იუპიტერი — ინუნუნე. შენც სხვა ხელმწიფეებს ჰგვანებიხარ.

ეგისტე — ვინა ხარ, აქ რას აკეთებ?

იუპიტერი — ვერა მცნობ?

ეგისტე — გადი, თორემ ჩემს მცველებს ვუბრძანებ გაგავდონ.

იუპიტერი — მართლა ვერა მცნობ? ხომ გინახივარ, თუმცა ეს სიზმრად იყო და მაშინ საშინელი შესახედი ვიყავი. (ელვა, ქუხილი, იუპიტერი შემზარავი ხდება). ახლაც ვერა მცნობ?

ეგისტე — იუპიტერ!

იუპიტერი — როგორც იქნა მიცანი. (ილიმის და ქანდაკებას უახლოვდება). ეს მე ვარ? ასეთი ვარ არგოსელთა თვალში, როცა ლოცულობენ? ღმერთმანი იშვიათად მომხდარა, რომ ღმერთი თავის გამოსახულებას პირისპირ უყურებდეს. (პაუზა). რა მახინჯი ვარ, ალბათ გულზე არ ვეხატები არგოსელებს.

ეგისტე — ეშინიათ თქვენი.

იუპიტერი — კარგი და კეთილი. ნეტა რაში მჭირდება მათი სიყვარული. შენ გიყვარვარ?

ეგისტე — რა გინდათ ჩემგან, განა საკმარისი არ გავილე?

იუპიტერი — საკმარისი არ არსებობს.

ეგისტე — ამ სიმძიმელმა ლამის წელში გამწყვეტოს.

იუპიტერი — ნუ აჭარბებ. შენ ჯანმრთელი ხარ და მსუქანიც. არ გეგონოს, რომ გასაყვედურობ. კაი მეფური ქონი, სანთლის ნალვენთივით ყვითელი, აუცილებელია. ისეთი ჩამოსხმისა ხარ, კიდევ 20 წელს იცოცხლებ.

ეგისტე — კიდევ ოც წელს?

იუპიტერი — რა, სიკვდილი გინდა?

ეგისტე — დიას!

იუპიტერი — ვინმე ხმალამონვდილი რომ შემოვიდეს, მკერდს დაუხვედრებდი?

ეგისტე — არ ვიცი.

იუპიტერი — კარგი, მისმინე; თუ ნებას დართავ ყელი ხბოსავით გამოგლადრონ, მკაცრად დაისჯები. ჯოჯოხეთში სამუდამო

ხელმწიფედ იქცევი. აი, რის სათქმელად მოვედი შენთან.

ეგისტე – ვილაცას ჩემი მოკვლა უნდა?

იუპიტერი – ასე ამბობენ.

ეგისტე – ელექტრას?

იუპიტერი – სხვასაც.

ეგისტე – ვის?

იუპიტერი – ორესტეს.

ეგისტე – აჰ! (კაუზა). სრულიად ბუნებრივია; აბა, მე რა შემიძლია.

იუპიტერი – „რა შემიძლია“. (ტონს იცვლის). ბრძანე, ახლავე დააკავონ ახალგაზრდა უცხოელი, რომელიც ფილებად ასალებს თავს. ელექტრასთან ერთად ჩააგდე სადმე ჯურღმულში; მე ნებას მოგცემ ისინი მთლად დაივინყო. აბა, რას უცდი, უხმე მცველებს.

ეგისტე – არა.

იუპიტერი – დამდე პატივი და მითხარი შენი უარის მიზეზი.

ეგისტე – დავიღალე.

იუპიტერი – მინას რას დასჩერებხარ. მე მომაჰყარი შენი დიდი, ჩასისხლიანებული თვალები. ასე, ასე! შენ ცხენივით ჯიშინი და სულელი ხარ. რომ არ მეპუები, ამაზე არ ვბრაზობ. ეს პილპილმოყრილი და ამიტომ უფრო სასიამოვნო მორჩილება იქნება. ხომ ვიცი, რომ ბოლოს და ბოლოს დამითმობ.

ეგისტე – გეუბნებით, აღარ მინდა თქვენი თანამზრახველი ვიყო, მეყო, რაც გავაკეთე, მეყო!

იუპიტერი – აბა ყოჩაღად, იბრძოლე, ფარ-ხმალი არ დაყარო. ოჰ, როგორ მიყვარს შენნაირი სულებით პირის ჩატკბარუნება. შენი თვალები ელვისდარია, ხელებს მუშტავ და იუპიტერს პირში ახლი უარს. თუმცა კი, პატარა თავო, პატარა ცხენო, ცუდო პატარა ცხენო, უკვე დიდი ხანია შენი გული თანახმაა. დარწმუნებული ვარ, დამიჯერებ. როგორ ფიქრობ, ოლიმპოს უმიზეზოდ დავტოვებდი? მსურდა გამეფრთხილებინე, რომ დანაშაული მზადდება; ამ დანაშაულს ხელი უნდა შეუშალო.

ეგისტე – ხელი შევუშალო... უცნაურია.

იუპიტერი – პირიქით, რა არის ამაზე ბუნებრივი. საფრთხე მინდა აგარიდო.

ეგისტე – ვინ გთხოვათ? მაშინ აგამემნონი რატომ არ გააფრთხილეთ? მას ხომ სიცოცხლე სწყუროდა.

იუპიტერი – უმადური ბუნებისა და საშინელი ხასიათის კაცო. ჩემთვის შენ უფრო ძვირფასი ხარ, ვიდრე აგამემნონი; ამას საქმით გიმტკიცებ, შენ კი წუნუნებ.

ეგისტე – აგამემნონზე მეტად გიყვარვართ? ყველაზე მეტად ორესტე გიყვართ. თქვენ ხელი შეუნყვეთ ჩემს თავდავინყებას, სა-შუალეობა მომეცით, პირდაპირ მეფის აბაზანისკენ გავქცეულიყავი ნაჯახით ხელში. თქვენ კი ტუჩებს ილოკავდით და ფიქრობდით, რა ტკბილიაო ცოდვილის სული. დღეს კი ორესტე გინდათ დაიცვათ ორესტესაგან. მე კი, მე, მიბიძგეთ და მამამისი მომავლევინეთ, ახლა კი ჩემი მეშვეობით მისი ვაჟის მარჯვენა გინდათ შეაჩეროთ. მე თითქოს იმისათვის გავჩნდი, რომ მკვლელი გავმხდარიყავი; ორესტესათვის კი, ნურას უკაცრავად, ეტყობა სხვა განგზირახავთ.

იუპიტერი – რა უცნაური ეჭვიანობაა. დამშვიდდი. ის შენზე მეტად არ მიყვარს. მე საერთოდ არავინ მიყვარს.

ეგისტე – მაშ ნახეთ რა დამანიეთ, უსამართლო ღმერთო, და მიპასუხეთ: თქვენ ხელს უშლით დანაშაულს, რომელიც ჩაფიქრებული აქვს ორესტეს, მე რატომღა მომეცით ნება დანაშაული ჩამედინა.

იუპიტერი – ყველა დანაშაულს ერთი თვალთ როდ ი ვუყურებ. ეგისტე, ორივენი მეფეები ვართ და, ჩვენს შორის დარჩეს, ერთ რაიმეს გეტყვი: პირველი დანაშაული თვითონ ჩავიდინე, ადამიანები მოკვდავებად რომ შევექმენი. ამის შემდეგ რაღა დაგრჩენოდათ მკვლელებს? თქვენი მსხვერპლნი მოგეკლათ? დიდი ამბავი! ისინი უთქვენოდაც სიკვდილის შვილები არიან. თქვენ მხოლოდ დღეს უმოკლებთ და ეგაა. შენ რომ არ მოგეკლა აგამემნონი, იცი რა ბედი ელოდა? სამი თვეც და იგი აპოპლექსიისაგან კვდებოდა მშვენიერი მონა ქალის მკერდზე; შენი დანაშაული კი მაშინ ჩემთვის ხელსაყრელი იყო.

ეგისტე – ხელსაყრელი? 15 წელია, რაც ამ ცოდვას ვინანიებ და ეს თქვენთვის ხელსაყრელი იყო? ჰოი, უბედურება!

იუპიტერი – ვითომ რაო! სწორედაც იმიტომ, რომ შენ ინანიებ. მიყვარს ისეთი დანაშაული, რომელიც საზღაურს მოითხოვს. შენი დანაშაული შემეყვარდა, რადგან იგი ბრმა და ყრუ მკვლელობა იყო, გაუთვითცნობიერებელი და ძველისძველი, რომელიც კატაკლიზმს უფრო ჰგავდა, ვიდრე ადამიანურ ქმედებას. შენ მე არ გამომიწვევიხარ. შენ სიმშაგითა და შიშით შეპყრობილმა დაარტყი. შემდეგ კი, როცა სიმშაგე დაცხრა, შენივე მოქმედებამ შეგზარა და მისი აღიარება არ ისურვე. იცი, რა სარგებელი ვნახე? ერთი მოკლეულისათვის 20000 მიცა სინანულს. აი, ჩემი ბაღანსი. მშვენივრად მოვაგვარე საქმე.

ეგისტე – ვხედავ, რაც იმალეა ამ სიტყვების უკან: ორეს-

ტეს, ეტყობა, სინანული არ ექნება.

იუბიტერი - არავითარი. ამ წუთას ცივი გონების კარნახით, დინჯად და აუჩქარებლად ანყობს თავის გეგმებს. რაში მჭირდება უსინანულო მკვლელობა, თავხედური, მშვიდი, მკვლელობა ბურუსივით მსუბუქი მკვლელისა... ხელი უნდა შეეუშალო; მძაგს ახალი თაობის დანაშაული - სარეველა ბალახივით უნაყოფო და უმაქნისი. ის ნაზი ჭაბუკი წინილასავით დაგკლავს და ხელებგასისხლიანებული, სუფთა სინდისით თავის გზას გაუყვება. შენს ადგილას შეურაცხყოფილი ვიქნებოდი. აბა, უხმე მცველებს.

ეგისტე - უკვე გითხარი, არ დაუშახებ-მეთქი. დანაშაული, რომელიც მზადდება, იმდენად არ მოგწონთ, რომ იგი მე უკვე მომწონს.

იუბიტერი - (ტონს იცვლის). ეგისტე, შენ მეფე ხარ და შენს მეფურ სინდისს მივმართავ. მეფობა ხომ გაყვარს?

ეგისტე - მერე რა?

იუბიტერი - ვიცი, რომ გძულვარ. მაგრამ ჩვენ ნათესავეები ვართ. მე შეგქმენ ხატად და მსგავსებად ჩემდა. ხელმწიფე - ეს ღმერთია მინაზე, ღმერთივით კეთილშობილი და ავბედიითი.

ეგისტე - თქვენ და ავბედიითი?

იუბიტერი - შემომხედე. (ერთ ხანს სიჩუმე). უკვე გითხარი, შეგქმენ-მეთქი ხატად და მსგავსებად ჩემდა; ორივენი წესრიგს ვამყარებთ, შენ არგოსში, მე მსოფლიოში. ორივეს ერთი და იმავე საიდუმლოების გამო გვქვეყნის სინდისი.

ეგისტე - საიდუმლოება მე არ გამაჩნია.

იუბიტერი - გაქვს, ერთი და იგივე საიდუმლოება გვაქვს-მეთქი. ღმერთებისა და მეფეების მტკივნეული საიდუმლოება: ის, რომ ადამიანები თავისუფლები არიან. ისინი თავისუფლები არიან, ეგისტე, შენ ეს იცი, იმათ კი არ იციან.

ეგისტე - წყეულიმც იყვენენ; ეს რომ იცოდნენ, ჩემს სასახლეს გადაბუგავდნენ. უკვე 15 წელია კომედიას ვთამაშობ, რომ საკუთარი ძალა ვერ დაინახონ.

იუბიტერი - ხომ ვამბობდი, ერთმანეთს ვგავართ-მეთქი.

ეგისტე - ვგავართ? ამაზე მეტი ირონია გინახავთ, ღმერთი აცხადებდეს, ადამიანის მსგავსი ვარო. მას შემდეგ, რაც ტახტს დავუფლუე, ყოველი ჩემი მოქმედება და სიტყვა იქითკენ იყო გამიზნული, რომ საკუთარი სახე შემექმნა: მინდოდა ის სახე დაუფლებოდა ჩემს ქვეშევრდომებს, რომ ყოველ მათგანს განმარტოების და იდუმალი ფიქრის ფამსაც კი, ჩემი სასტიკი მზერა ეგრძნო. ჰოდა, მე თვითონ გავხდი ჩემი პირველი მსხვერპლი. ჩემს

თავს მხოლოდ მათი თვალით ვხედავ. ჩავცქერი მათი სულების ფსკერს და ჩემი სახის ანარეკლს ვხედავ. ის მაჯადოებს და თანაც ხელს მკრავს. ყოვლისშემძლეო ღმერთო, სხვა რა ვარ მე, თუ არა ის შიში, რომელიც სხვებს აქვთ ჩემს მიმართ.

იუპიტერი — მე ვინლა ვარ, როგორ გგონია? (*ქანდაკებაზე მიუთითებს*). მეც ჩემი სახე მაქვს. როგორ გგონია, თავბრუს არ მახვევს იგი? ასი ათასი წელი ადამიანების წინ ვცეკვავ, ნელ, ავბედით ცეკვას ვასრულებ, რათა მიყურონ, თვალი არ ჩაიბრუნონ და თავს არ დააკვირდნენ. ერთი წამითაც რომ მოვეშვა, მივცე საშუალება მზერა მომაცილონ...

ეგისტე — რა მოხდება მაშინ?

იუპიტერი — მაგას მოვეშვათ. ეგ მხოლოდ მე მეხება. მართალია, დაილაღე, ეგისტე, მაგრამ ნეტა რა განუწუნებს. შენ მოკვდები, მე კი არა. სანამ ადამიანები ამ მინაზე ივლიან, მე მისჯილი მაქვს მათ წინაშე ვიცეკვო.

ეგისტე — კი მაგრამ, ვინ მოგვისაჯა?

იუპიტერი — ჩვენ თვითონვე, რადგან ერთი ვნება გვამოძრავებს; შენც წესრიგი გიყვარს, ეგისტე.

ეგისტე — წესრიგი. მართალია. წესრიგი იყოს-მეთქი და კლიტემნესტრა მოვზიბლე. წესრიგის დამყარება მინდოდა და საკუთარი ხელით ჩემი ხელმწიფე მოვკალი. უსიყვარულოდ, უიმედოდ და სურვილებისაგან დაცლილმა გავატარე მთელი ჩემი ცხოვრება. წესრიგი კი დავამყარე. ოჰ, შესაზარო და ღვთაებრივო ვნება!

იუპიტერი — ჩვენ სხვა ნება ვერ გვექნებოდა. მე ღმერთი ვარ, შენ კი იმისათვის გაჩნდი, რომ ხელმწიფე ყოფილიყავი.

ეგისტე — ვაჰმე!

იუპიტერი — ეგისტე, ჩემო ქმნილება, ჩემო მოკვდავო ძმაო, იმ წესრიგის სახელით, ორივენი რომ ვემსახურებით, გიბრძანებ: შეიპყარ ორესტე და მისი და.

ეგისტე — ასე საშიში არიან?

იუპიტერი — ორესტემ იცის, რომ იგი თავისუფალია.

ეგისტე — (ცოცხლად). მან იცის, რომ თავისუფალია? მაშ, ბორკილები რაღას უშველის? თავისუფალი ადამიანი ქალაქში ხომ იგივეა, რაც ცხვრის ფარაში ქეციანი ცხვარი. იგი მთელს ჩემს სამეფოს შეჰყრის ავ სნეულებას და ჩემს ნაღვანს დალუპავს. ყოვლისშემძლეო ღმერთო, რას უცდი, განგმირე იგი!

იუპიტერი — (ნელა) განვგმირო? მე? (*პაუზა. მოღლილი და მოხრილი*). ეგისტე, ღმერთებს კიდევ ერთი საიდუმლოება აქვთ.

ეგისტე — რისი თქმა გინდა?

იუპიტერი – როცა ადამიანის სულში თავისუფლება ამოხეთქს, ღმერთებს აღარ ძალუძთ მისი შეჩერება. ეს უკვე ადამიანების საქმეა და მხოლოდ სხვა ადამიანებმა უნდა განსაჯონ – ცოცხლად დატოვონ თუ მოაშთონ იგი.

ეგისტე – (უყურებს). მოაშთონ? კარგი. მაშ დაგიჯერებ. მაგრამ აღარაფერი დაუმატო ნათქვამს და ნულარ დარჩები, ველარ ავითან.

იუპიტერი გადის.

სცენა მეექვსე

მცირე ხანს ებისთე მარტოა, შემდეგ შემოდის ელექტრა და ორესტი.

ელექტრა – (კარებისკენ ისკუბებს). დაარტყი, ყვირილი არ დაცალო. კარებს გადავრჩავ.

ეგისტე – მაშ ეს შენა ხარ, ორესტი!

ორესტი – თავი დაიცავი.

ეგისტე – თავს არ დავიცავ. უკვე გვიანაა, რომ ვინმეს მოვუხმო და ბედნიერი ვარ, რომ დროც აღარ მრჩება. თავს არ დავიცავ, მინდა რომ მომკლა.

ორესტი – ნება შენია. ჩემთვის სულერთია, როგორ მოგკლავ. მე მაინც მკვლელი ვიქნები.

მახვილს ჩასცემს.

ეგისტე – (ბარბაცებს). არ ააცდინე. (ორესტეს ეკიდება). მინდა ვიყურო. მართალია, რომ სინანული არა გაქვს?

ორესტი – სინანული? ნება რატომ უნდა მქონდეს. მე სამართალის ძალით ვმოქმედებ.

ეგისტე – სამართალი ის არის, რაც იუპიტერს სურს. შენ აქ იყავი დამალული და ყველაფერი მოისმინე.

ორესტი – იუპიტერი რაში მჭირდება. სამართალი კაცთა საქმეა და მის სასწავლებლად ღმერთი არ მჭირდება. სამართლიანია შენი დათრგუნვა, ბილწო არამზადავ, სამართლიანია შეგმუსრო, დავანგრიო შენი ბრძანებლობა არგოსელებზე და დავუბრუნო დაკარგული ღირსების გრძნობა.

ეგისტეს თავიდან იცილებს.

ეგისტე — მტკივა.

ელექტრა — სახე გაუფითრდა, ბარბაცებს; ჰოი, უბედურებაა, რა მახინჯი ყოფილა მომაკვდავი კაცი.

ორესტე — გაჩუმდი. დაე, საფლავში მხოლოდ ჩვენი სიხარულის გრძნობა ჩაჰყვეს.

ეგისტე — წყეულიმც იყავით ორივენი!

ორესტე — აღარა კვდები?

არტყამს. ეგისტე ეცემა.

ეგისტე — ბუზებს ერიდე, ორესტე, ბუზებს. ჯერ ყველაფერი არ დასრულებულა.

კვდება.

ორესტე — *(ფეხს ჰკრავს)*. შენთვის ყოველ შემთხვევაში ყველაფერი დამთავრდა. გამიძებ დედოფლის ოთახისაკენ.

ელექტრა — ორესტე...

ორესტე — რა...

ელექტრა — ის ველარაფერს დაგვაკლებს.

ორესტე — მერე რა... ველარა გცნობ. ეს წუთია სულ სხვა-ნაირად ლაპარაკობდი.

ელექტრა — ორესტე, მეც ველარა გცნობ.

ორესტე — კარგი, მარტო ნავალ.

ს ც ე ნ ა მ ე ზ ვ ი დ ე

ელექტრა მარტო.

ელექტრა — რას იზამს ნეტა, იყვირებს? *(პაუზა, ყურს მიუვლებს)*. ორესტე დერეფანშია; როცა მეორე კარებს გააღებს... ოჰ, მე ეს მინდოდა! მე ეს მინდა, უნდა მინდოდეს. *(ეგისტეს უყურებს)*. მოკვდა. მაშ ეს მინდოდა? ანგარიშმიუცემლად მინდოდა. *(უახლოვდება)*. ასჯერ მინახავს სიზმარში გამზლართული, სწორედ ამ ადგილას, მახვილით განგმირული. თვალდახუჭული მძინარეს ჰგავდა. როგორ მძულდა; რა ბედნიერი ვიყავი, რომ ასე მძულდა. ახლა მძინარეს არა ჰგავს, თვალებლია მიყურებს. იგი აღარ არის და მასთან ერთად ჩემი სიძულვილიც მოკვდა. და მე აქა ვარ. ვიცდი, ის კი ჯერ კიდევ ცოცხალია თავის ოთახში და ჩქარა, ძალიან ჩქარა დაიყვირებს, მხეცივით დაიღრიალებს. ოჰ, აღარ შემიძლია ამ მზერის ატანა. *(იჩოქებს და ეგისტეს სახეზე მოსას-*

ხამს აფარებს). მაშ რაღა მინდოდა? (სიჩუმე. ისმის კლიტემნესტრას ყვირილი). დაარტყა. იგი დედა იყო ჩვენი და მან დაარტყა. (ფეხზე დგება). აჰა, ჩემი მტრები დაიხოცნენ. ვინ იცის, რამდენი წელი ველოდი ამ სიკვდილს და ჩემი მოლოდინი სიხარულს მგვრიდა, ახლა კი ჩემი გული გათანგულია. ნუთუ 15 წელი თავს ვიტყუებდი? ეს არ არის მართალი, არ არის მართალი. ეს არ შეიძლება მართალი იყოს. მხდალი არა ვარ. ეს წამი მინდოდა და მინდა კიდევ. ეს ბილწი ღორი ჩემს ფეხთით მინდოდა მენახა გართხმული. (მოსასხამს აგლეჯს). რაში მენალვლება შენი უსიცოცხლო თვალები? მიყურე, რამდენიც გინდა. მე მსურდა ეს ჩამქრალი მზერა და იგი სიხარულით მავსებს. (ისმის კლიტემნესტრას სუსტი ხმა). იყვიროს, დაე, იყვიროს. მინდა გავიგონო მისი შეძრწუნებული ყვირილი, მინდა მისი ტანჯვა დავინახო. (ყვირილი წყდება). ოჰ, სიხარულო, სიხარულო, სიხარულის ცრემლი მდის; როგორც იქნა მამაჩემს მტრები დაუუხოცე და შური ვიძიე.

შემოდი ორესტე, სისხლიანი მახვილით ხელში. ელექტრა მისკენ გარბის.

სცენა მირვა

ელექტრა, ორესტე

ელექტრა - ორესტე!

ეხვევა.

ორესტე - რისი გეშინია.

ელექტრა - არ მეშინია, მთვრალი ვარ. სიხარულით მთვრალი. რა თქვა? დიდხანს ვთხოვდა შეწყალებას?

ორესტე - ელექტრა, არასოდეს მოვიანინებ, რაც ჩავიდინე, მაგრამ ამაზე ნუ ვილაპარაკებთ. ზოგი მოგონება საზიარო ვერ იქნება. იცოდე მხოლოდ, რომ ის მოკვდა.

ელექტრა - დაგვნყევლა? მხოლოდ ეს მითხარი, დაგვნყევლა?

ორესტე - დიას, ჩვენს წყევლაში დალია სული.

ელექტრა - მოდი, მომეხვიე, ჩემო სასურველო, მაგრად მომხვიე ხელები. რა უკუნი ღამეა. ჩირალდნები სინათლეს ძლივს ატანს ბნელში. გიყვარვარ?

ორესტე - ღამე მიიწურა. უკვე თენდება. ელექტრა, ჩვენ თა-

ვისფულეები ვართ. მეჩვენება, თითქოს შენ გაგაჩინე და შენთან ერთად მეც დავიბადე. მიყვარხარ და მე მეკუთვნი. ჯერ კიდევ გუშინ მარტო ვიყავი. დღეს კი ჩემი ხარ. სისხლი ორმაგად გვაკავშირებს: ერთი სისხლი ჩქეფს ჩვენს ძარღვებში და ეს სისხლი ჩვენ ერთად დავანთხიეთ.

ელექტრა - გადააგდე ეგ მახვილი და ხელი მომეცი. (ხელზე ჰკოცნის). შენ მოკლე და კოტიტა თითები გაქვს. ძვირფასო ხელო! ის ჩემს ხელზე უფრო თეთრია. მამაჩემის მკვლელების დასჯის შემდეგ როგორ დამძიმდნენ. მოიცა (ჩირალდნის მოსატანად მიდის და ორესტეს სახეს უნათებს), შენი სახე უნდა გავანათო, რადგან სიბნელე ჩამონვა და კარგად ველარ გხედავ. შენი დანახვა მჭირდება; როცა ვერ გხედავ, მეშინია შენი; თვალები არ უნდა მოგაცილო. მიყვარხარ. უნდა მიყვარდე; რა უცნაურად იმზირები.

ორესტე - ელექტრა, მე თავისუფალი ვარ; თავისუფლება მეხივით დამატყდა თავს.

ელექტრა - თავისუფალი ხარ? მე კი არა ვგრძნობ თავისუფლებას. შეგიძლია განა ისე მოიქცე, თითქოს არაფერი მომხდარაო? რაღაც მოხდა და ჩვენ თავისუფლები აღარა ვართ, რაკი თავიდან ველარ მოვიცილებთ ამას. განა ჩვენი ნებაა, საკუთარი დედის მკვლელობა დაგვაგინყდეს?

ორესტე - შენ ფიქრობ, საამისო ძალა არ მეყოფა? მე ჩემი საქმე შევასრულე, ელექტრა, და ეს საქმე მართებული იყო. მას ჩემი მხრებით ვატარებ, როგორც მეზორნე, რომელსაც მგზავრები გაღმა გადაჰყავს. მეც მეორე ნაპირზე გადავალ და პასუხს ვაგებ. რაც უფრო მძიმე სატარებელი იქნება, მით უფრო გავიხარებ, რადგან ჩემი თავისუფლება ეგ არის და სხვა არაფერი. ჯერ კიდევ გუშინ ალაღბედად დავდიოდი მიწაზე, ათასობით გზა ფეხქვეშ გამისხლტა, რადგან ეს გზები ჩემი გზები არ იყო. ყველა გზას მივმართე: გემების მტვირთავთა გზას, მდინარის გასწვრივ რომ მიემართება, მენახირის ბილიკს, და იმ გზასაც ვაყვევ, ეტლებით რომ დაქრიან ხოლმე ზედ, მაგრამ არცერთი ჩემი არ აღმოჩნდა. სადღეისოდ მხოლოდ ერთი გზა დამრჩა და ღმერთმა უწყის, საით მიდის იგი. მაგრამ ეს ჩემი საკუთარი გზაა. რა დაგემართა?

ელექტრა - ველარ გხედავ! ეს ჩირალდნები აღარ ანათებენ. შენი ხმა მესმის, მაგრამ ცუდად მხდის და დანასავით მესობა. ნუთუ ამიერიდან სულ ასეთი სიბნელე იქნება, დღისითაც? ორესტე, აი ისინი!

ორესტე - ვინ?

ელექტრა – ისინი! საიდან გაჩნდნენ? შავი ყურძნის მტევნებით ჩამოკიდებულან ქერში და კედლებსაც მოსდებიან. ისინი სინათლეს მიბნელებენ, მათი ჩრდილები კი შენს სახელს მიფარავენ.

ორესტე – ბუზები...

ელექტრა – უსმინე, უსმინე მათ ზუზუნს, სამჭედლოს გრდემლის გუგუნს რომ მიაგავს. ისინი გარს გვეხვევიან, გვითვალთვალევენ. რამდენიმე წუთიც და თავს დაგვატყდებიან და ჩვენს სხეულებზე ათას კოტიტა თათს ვიგრძნობთ. სად გავიქცეთ, ორესტე? ისინი იბერებიან, სივდებიან, ჩქარა ფუტკრებს დაემსგავსებიან და ხშირ-ხშირ გუნდებად ყველგან გამოგვყვებიან. ოჰ, საშინელებავ! მე ვხედავ მათ თვალებს, ჩვენკენ მოპყრობილ მილიონ თვალს.

ორესტე – ბუზები რალაში გვესაქმება.

ელექტრა – ისინი ხომ ერინიები არიან, ორესტე, სინანულის ქალღმერთნი.

ხმები – (კარების უკან). გააღეთ, კარები გააღეთ, გააღეთ, თორემ შემოვამტვრევთ.

კარებზე ყრუ დარტყმები ისმის.

ორესტე – კლიტემნესტრას ყვირილმა მცველები მოიზიდა. ნამოდი, გამიძელ აპოლონის ტაძრისკენ. ღამე იქ გავატაროთ. იქ დავემალეთ ადამიანებსა და ბუზებს. ხვალ კი მე ჩემს ხალხს უნდა ველაპარაკო.

ფარდა

მისამი მოქმედება

სცენა პირველი

ბინდში გახვეული აპოლონის ტაძარი. სცენის შუა-გულში აპოლონის ქანდაკება დგას. ელექტრას და ორესტეს ხელები მოუხვევიათ კვარცხლბეკისათვის და სძინავთ. ერინიებს ალყა შემოურტყამთ მათთვის და ყანჩებივით ზეზეურად სძინავთ.

I ერინია – (იზმორება). ააა! სარივით გაჭიმულს ფეხზე მძინებია და მთელი ღამე საშინელ სიზმრებს ვხედავდი. ო, მრისხანების ლამაზო ყვავილო, ჩემი გულის ნითელო ყვავილო (ელექტრას და ორესტეს დასტრიალებს). სძინავთ. რა თეთრები არიან, რა ნაზები! ისე დავასკდები მათ მუცელსა და გულმკერდს, როგორც ნიაღვარი რიყის ქვეს. გულდაგულ გაეუპრიალებ ნაზ კანს, დავფხაჭნი, ძვლებამდე დავვჯიჯგნი (რამდენიმე ნაბიჯს გადადგამს). ოჰ, სიძულვილის წმინდა დილაო! რა ბრწყინვალე გამოღვიძებაა! მათ სძინავთ, ოფლში იწურებიან, ოხშივარი ასდით ტანიდან; მე კი ვფხიზლობ, მაგარი და ქორფა, სპილენძის სული მაქვს და თავი წმინდანი მგონია.

ელექტრა – ვაგლას!

I ერინია – კენესის, სულ ცოტაც და შენ იგემებ ჩვენს კბენას. ჩვენი ალერსი აგაღრიალებს. მე მამრივით ვიუფლებ შენზე, რადგან ჩემი მეუღლე იქნები და იგრძნობ ჩემი სიყვარულის მძიმე ტვირთს. მშვენიერი ხარ ელექტრა, ჩემზე უფრო მშვენიერი, მაგრამ ნახავ, როგორ დაგაბერებს ჩემი ამბორო. ექვს თვეში დედაბერივით მოიხრები, მე კი ისევ ახალგაზრდა დავრჩები (მათვენ იხრება). რა მშვენიერი ნადავლია და რა გემრიელი იქნება. მათ ვუმზერ, მათ სუნთქვას ვგრძნობ და სიბრაზე მახრჩობს. რა ბედნიერებაა, მძულვარების აისად გრძნობდე თავს. რა ბედნიერებაა, რომ მთლად კბილები და ბრჭყალები ვარ, ძარღვებში კი სისხლის ნაცვლად ცეცხლი მინთია. სიძულვილი მავსებს და მახრ-

ჩოხს, თითქოს ძუძუები რძით მევსებაო. გაიღვიძეთ, ჩემო დებო, გაიღვიძეთ, გათენდა.

II ერინია – სიზმარი ვნახე, თითქოს ვიკბინებოდი.

I ერინია – მოთმინება იქონიე. დღეს მათ ღმერთი მფარველობს, მაგრამ ჩქარა შიმშილი და წყურვილი აიძულებს დატოვონ ეს თავშესაფარი. აი, მაშინ ნახეთ, როგორ დავძიძვნი.

III ერინია – ოჰ, მე კი დავფხაჭნი.

I ერინია – მოიცა ცოტა; მალე შენი რკინის ბრჭყალები ათას კვალს გაატარებს დამნაშავეთა ხორცზე. მოახლოვდით, ჩემო დებო, მოდით, შეხედეთ!

ერთ-ერთი ერინია – რა ახალგაზრდები არიან!

სხვა ერინია – რა მშვენიერები არიან!

I ერინია – გაიხარეთ, როგორც წესი, დამნაშავეები მოხუცები და უშნოები არიან ხოლმე. რა იშვიათად გვრგვებია სილამაზის ნგრევის ასეთი დახვეწილი სიამოვნება.

ერინიები – ეიაა! ეიაა!

III ერინია – ორესტე თითქმის ბავშვია. ჩემი სიძულელი დედასავით ნაზი იქნება. მუხლებზე დავიდებ ორესტეს ფერმკრთალ სახეს და მის თმებს მივუაღერებ.

I ერინია – შემდეგ რას იზამ?

III ერინია – მერე კი... უცებ ამ ორ თითს თვალებში ჩავუხობ.

ყველანი იცინიან.

I ერინია – ღრმად ამოიოხრეს, შეიშმუშნენ; საცაა გაიღვიძებენ. აბა, ჩემო დებო, ჩემო ძვირფასო ბუზებო, სიმღერა წამოვიწყოთ და დამნაშავენი გამოიღვიძებენ.

ერინიების ხორო – ზზ, ზზ...

შენს დამპალ გულს ისე შევესევეით, როგორ ბუზები ნამცხვარს ესევიან ხოლმე.

დამპალო გულო, სისხლიანო გულო, გემრიელო გულო, ფუტკრებივით ამოვწოვთ ჩირქსა და წალას შენი გულისას და თაფლს გავაკეთებთ, აი ნახავ რა გემრიელ, მწვანე თაფლს,

ნეტა რა სიყვარული აგვავესებს ისე, როგორც სიძულელი გვავესებს.

ზზ, ზზ...

ჩვენ სახლების მეთვალყურეებად გადავიქცევით, მეცხვარის ძაღლის ღმუილად, ბასრ კბილებს რომ გააშიშვლებს შენი გამოჩენისას,

ბზუილად, რომელიც თავზე გადაგივლის,

ტყის ხმაურად, სტვენად, ღმუილად, ტკაცანად, ტლაშუნად, გადავიქცევით წყვდიადად, წყვდიადად შენი სულისად, ზზ, ზზ, ეიაა, ეიაა!

ჩვენ ჩირქისმწოველი ბუზები ვართ, შენთან ყველაფერი საზიარო გვექნება, საკვებს შენს პირში მოვძებნით და სინათლის სხივებს შენი თვალების სიღრმეში,

საფლავეში ესკორტით გაგყვებით და მხოლოდ ჭიებს დაუთმობთ ადგილს.

ზზ, ზზ.

ერინიები ცეკვავენ.

ელექტრა - (იღვიძებს). ვინ ლაპარაკობს? თქვენ ვინა ხართ?

ერინიები - ზზ, ზზ.

ელექტრა - აა, აი თქვენც, მაშ მართლა მოგვიკლავს!

ორესტე - (იღვიძებს). ელექტრა!

ელექტრა - შენ ვინა ხარ? აა, ორესტე, შენა ხარ? მომშორდი.

ორესტე - რა დაგემართა?

ელექტრა - მაშინებ. დამესიზმრა, რომ დედა გულაღმა დაეცა, სისხლი სჩქეფდა და ღვარად მოედინებოდა სასახლის ყველა კარებიდან. ნახე, რა ცივი ხელები მაქვს. დამანებე თავი. ხელი არ მახლო. დიდხანს სდიოდა სისხლი?

ორესტე - გაჩუმდი.

ელექტრა - (სულ გამოფხიზლდა). - მაცალე, შემოგხედო. შენ ისინი დახოცე. შენ მოუღე მათ ბოლო. ახლა აქა ხარ, ეს-ესაა გაიღვიძე. შენი სახე არაფერს გამოსხატავს, თუმცა კი ისინი დახოცე.

ორესტე - მერე რა? დიახაც, მე მოგკალი. (პაუზა). მართალი რომ ვითხრა, მაშინებ. გუშინ ისეთი მშვენიერი იყავი. დღეს კი თითქოს რაღაც ნადირმა დაგისახიჩრაო სახე თავისი კლანჭებით.

ელექტრა - ნადირმა? არა, შენმა დანაშაულმა დამაგლიჯა ლოყები და ქუთუთოები. მეჩვენება, რომ ჩემი თვალები და კბილები გაშიშვლდნენ. ესენი ვილა არიან?

ორესტე - მაგათზე ნუ ფიქრობ. ეგენი ვერაფერს გავნებენ.

ერინია - აბა ერთი გაბედოს და შუაში ჩაგვიდგეს: ნახავთ რას გიზამთ.

ორესტე - ჩუმად ძაღლებო, უკან დაინიეთ... (ერინიები იღრინებიან). ნუთუ ეს შენ იყავ, ტაძრის კიბეებზე რომ ცეკვავდი გუშინ?

ელექტრა - ერთ ლამეში დავბერდი.

ორესტე – შენ ჯერ მშვენიერი ხარ, ელექტრა, მაგრამ ნეტა სად მინახავს ეს უსიცოცხლო თვალები? ელექტრა... შენ მას ჰგავხარ. კლიტემნესტრას ჰგავხარ. ღირდა კი მისი მოკვლა? ამ თვალებში ჩემს დანაშაულს ვხედავ და თავიშარი მეცემა.

I ერინია – ელექტრასაც თავიშარსა სცემ?

ორესტე – მართლა? მართლა თავიშარსა გცემ?

ელექტრა – თავი დამანებე.

I ერინია – ხედავ? კიდევ გაქვს ეჭვი? ანდა რატომ არ უნდა ეჯავრებოდე? თავის ოცნებებში ჩაფლული ეგ წყნარად ცხოვრობდა; შენ კი მოხვედი, თან ხოცვა-ჟლეტა და მკრეხელობა მოიტანე. და აი, ისიც აქ არის, შენი დანაშაულის მოზიარე, ამ კვარცხლბეკს მიჯაჭვული, რადგან მინის ამ პატარა ნაგლეჯის გარდა, არა დარჩენია რა.

ორესტე – ნუ უსმენ.

I ერინია – უკან დაიხიე, უკან; გააგდე ეგ; ნება არ მისცე ხელით შეგეხოს. ეგ ხომ ყასაბია. კანზე ახალი სისხლის მტკნარი სუნი ასდის. რომ იცოდე რა მოუხერხებლად მოკლა დედაბერი, ერთი დარტყმითაც ვერ გაათავა.

ელექტრა – მართალს ამბობ?

I ერინია – დამიჯერე იქ ვიყავი, მათ ირგლივ ვფრინავდი და ვბზუოდი.

ელექტრა – რამდენჯერმე დაარტყა?

I ერინია – ათჯერ მაინც! და ყოველ დარტყმაზე მახვილი ქრილობას ხვდებოდა. ის სახეს და მუცელს ხელებით იფარავდა და ამან კი ხელები სულ გადაუსერა.

ელექტრა – ბევრი იტანჯა? მაშინვე არ მოკვდა?

ორესტე – ყურები დაიცე და, რაც მთავარია, ნურაფერს ეკითხები. დაიღუპები, რამეს თუ ჰკითხავ.

I ერინია – ტანჯვაში დალია სული.

ელექტრა – (სახეს ხელებით იფარავს). ააა!

ორესტე – მას სურს ჩვენ განგვაშოროს და მარტოობის კედელი შემოგარტყას გარს და როცა მარტო დარჩები, სრულიად მარტო და უმნეო, სწორედ მაშინ დაგატყდებიან თავს. ელექტრა, ჩვენ ერთად გადავწყვიტეთ ეს მკვლელობა და სამაგიეროც ერთად უნდა ვბლოთ.

ელექტრა – შენ ფიქრობ, მე ეს მინდოდა?

ორესტე – ვითომ არა?

ელექტრა – არა, ეს არ არის მართალი... მოიცადე... კი მინდოდა... ოჰ, აღარ ვიცვი, რა მინდოდა; სულ ეს დანაშაული მესიზ-

მრებოდა, მაგრამ შენ, შენ ჩაიღინე ის. საკუთარი დედის ჯალათო!

ერინები – (სიცილითა და ყვირილით). ჯალათო, ჯალათო, ყასაბო.

ორესტე – ელექტრა, ამ კარის უკან მთელი სამყაროა; სამყარო და აისი. მზემ თავისი სხივები უკვე მოჰფინა გზებს. ჩვენ ჩქარა გავალთ. გაუყუვებით მზიან გზებს, ესენი კი – ნყვდიადის ასულები თავის ძალას დაკარგავენ. მზის სხივები მახვილივით გახვრეტენ მათ.

ელექტრა – მზე...

ერინია – მზეს ველარასოდეს იხილავ, ელექტრა; ჩვენ ჩავდებოთ შენსა და მზეს შორის, როგორც კალიათა ვუნდი, და შენ ირგვლივ ნყვიდიადი დაისადგურებს.

ელექტრა – დამანებეთ თავი, გეყოთ ამდენი ნამება.

ორესტე – შენი სისუსტე მათ ძალას მატებს. ხედავ, მე ვერაფერს მაკლებენ. მისმინე: გამოუთქმელმა საშინელებამ შეგიპყრო და ერთმანეთს გვაცილებს. მაგრამ მითხარი ერთი, რა უნდა განგეცადა ისეთი, რაც მე არ განვიცადე. როგორ გგონია, დედაჩემის კვნესა, ეს ხმა როდისმე დამეხსნება? ან ოდესმე დამავინყდება მისი უშვლებელი თვალები – ნაპირებს გადმოსული ორი დიდი ოკეანე ცარცისფერ სახეზე. კაეშანი გღრღნის? ან მე ოდესმე მომასვენებს? მაგრამ აღარაფერი მეკითხება: მე თავისუფალი ვარ, კაეშნისა და მოგონებების მიღმა. თავისუფალი ვარ და ჩემს თავთან მართალი. საკუთარი თავი არ უნდა გეჯავრებოდეს, ელექტრა. მომეცი ხელი, არ მიგატოვებ.

ელექტრა – ხელი გამიშვი. ჩემს გარშემო შეგროვილი ამ შავი ძალებისა ძალიან მეშინია, მაგრამ შენი უფრო მეშინია.

I ერინია – ხედავ, ხედავ, თოჯინავ, ჩვენი ხომ ნაკლებად გეშინია? არა? ჩვენ გვჭირდება, ელექტრა, შენ ჩვენი ბავშვი ხარ. შენ ჩვენი ბრწყალები გჭირდება ხორცის გვემისათვის, ჩვენი კბილები გჭირდება, რომ მკერდი დაიკბინო. ჩვენი კანიბალური სიყვარული გჭირდება, რომ ის სიძულვილი მოიცილო; საკუთარი თავისადმი რომ გაქვს; სხეულის გვემა გჭირდება, სულის ტანჯვა რომ დაივინყო. მოდი ჩვენთან, მოდი! მხოლოდ ორი საფეხური უნდა ჩამოხვიდე და გულში ჩაგიკრავთ; ჩვენი ამბორი შენს ხორცს დაგლეჯს და დადგება თავდავინყება, თავდავინყება – ტკივილის წმინდა ცეცხლით მოსილი.

ერინები – წამოდი, წამოდი. (ისინი ძალიან ნელა ცეკვავენ, თითქოს მისი მოჯადოება სურთ. ელექტრა დგება.)

ორესტე – (ხელს წააქვებს). ნუ მიდიხარ, გემუდარები, თავს დაილუპავ.

ელექტრა – (ხელს ძალით ითავისუფლებს). აა! მძულხარ! საფეხურებზე ჩადის. ერინიები თავს დაატყდებიან.

ელექტრა – მიშველეთ!

შემოდის იუპიტერი.

ს ც ე ნ ა მ ე ო რ ი

ი ბ ი ვ ე ნ ი, ი უ პ ი ტ ე რ ი

იუპიტერი – შესდექით!

I ერინია – ჩვენი ბატონ-პატრონი მობრძანდა!

ერინიები სინანულით შორდებიან ელექტრას, რომელიც მინაზვა ვართხმული.

იუპიტერი – საბრალო ბაავშვებო (ელექტრასაკენ მიიწევს). ეს გინდოდათ? ლამის გული გამისკდეს სიბრაზისა და სინანულისაგან. წამოდექი, ელექტრა, სანამ აქა ვარ, ჩემი ძაღლები ვერაფერს დაგაკლებენ. (წამოაყენებს). რა საშინელი სახე გაქვს. ნუთუ ეს ყველაფერი ერთი ლამის ამბავია, ერთი ლამისა! რა იქნა შენი სინორჩე, ერთმა ღამემ, მხოლოდ ერთმა ღამემ ღვიძლი, ნაღველა და ფილტვები გაგიცვითა, სხეული დაგიუძღურა. ოჰ, თავის მოიმედე და შეშლილო ახალგაზრდობავ, რამდენი ბოროტება მიაყენეთ საკუთარ თავს.

ორესტე – ტონი შეიცვალე, ბერიკაცო. იგი არ შეშვენის ღმერთების გამგებელს.

იუპიტერი – შენ კი მაგ ამაყ ტონს მოეშვი. დანაშაულის მომნანიეს ეგ ტონი არ უხდება.

ორესტე – დამნაშავე არა ვარ და ვერც მაიძულებ მოვინანიო საქციელი, რომელიც დანაშაულად არ მიმაჩნია.

იუპიტერი – იქნებ ცდები, მაგრამ მოთმინება იქონიე: ჩქარა აგიხელ თვალებს.

ორესტე – რაგინდ მანამო, სინანულის გზას არ დავადგები.

იუპიტერი – არც იმას ნანობ, რა საშინელ დღეში ჩააგდე შენი და?

ორესტე – არც მაგას ვნანობ.

იუპიტერი – გესმის ელქტრა? ავი ამტკიცებდი, ვუყვარვარო.

ორესტე – ჩემს თავზე მეტად მიყვარს. მაგრამ მისი ტანჯვა მას ეკუთვნის და მხოლოდ თვითონ შეუძლია იხსნას თავი. ელექტრა თავისუფალია.

იუპიტერი – შენ? იქნებ შენც თავისუფალი ხარ?

ორესტე – თვითონაც მშვენივრად იცი, რომ ვერა.

იუპიტერი – ერთი შენ თავს შეხედე, თავხედო და სულელო არსებავ. თავი მედიდურად გიჭირავს, მაგრამ სინამდვილეში მფარველი-ღმერთის ფერხთით ხარ გართხმული და მისი დამშეული ძალები ვარს გეხვევიან. თუ გაკადნიერდები და დაიჩემებ, თავისუფალი ვარო, მაშინ სადღაც მიწისქვეშა საკანში მიგდებული ტუსადის თუ ჯვარცმული მონის თავისუფლებაც სადიდებელი ყოფილა.

ორესტე – რატომაც არა.

იუპიტერი – ფრთხილად იყავი. დიდგულზე ხარ, რადგან აპოლონი გვარველობს. მაგრამ იცოდე, აპოლონი ჩემი ძალზე დამჯერი მსახურია. თითი რომ ავნიო, მაშინვე მიგატოვებს.

ორესტე – მაშ რატომ არ ნევ თითს? ხელიც ასნიე, თუ გინდა.

იუპიტერი – არ მინდა. ხომ გითხარი, ყელში ამომივიდა-მეთქი ამდენი დასჯა. თქვენ გადასარჩენად მოვედი.

ელექტრა – გადასარჩენად? ნუ დაგცინი, შურისგებისა და სიკვდილის მეუფეო. არც ღმერთებს აქვთ ნება ტანჯულებს მაცდუნებელი იმედი გაუღვიძონ.

იუპიტერი – შეგიძლია, თხუთმეტ წუთში აქედან ძალიან შორს იყო.

ელექტრა – ცოცხალი და ჯანმრთელი?

იუპიტერი – სიტყვას გაძლეე.

ელექტრა – სამაგიეროს რას ითხოვ?

იუპიტერი – არაფერს, შვილო ჩემო.

ელექტრა – არაფერს? ნუთუ სწორედ გავიგონე, კეთილო ღმერთო, სათაყვანებლო ღმერთო?

იუპიტერი – თითქმის არაფერს. სულ ბენვის ოდენა სამაგიეროს, რომლის მოცემა ყველაზე მეტად გაგიადვილდება. სულ ცოტა სინანულს.

ორესტე – ფრთხილად იყავი, ელექტრა, ეგ ბენვის ოდენა სინანული შენს სულს მთასავით დაანვება.

იუპიტერი – (ელექტრას). ნუ უსმენ. ჯერ მიპასუხე: რატომ არ უნდა დაგმო ეს დანაშაული, დანაშაული ხომ სხვამ ჩაიდინა. შენ თანამონაწილე არ ყოფილხარ.

ორესტე — ნუთუ, ელექტრა, 15 წლის იმედი და სიძულვილი უნდა უარყო?

იუპიტერი — რომელ უარყოფაზე ლაპარაკობ? მას არასოდეს სდომებია ეს მკრეხელობა.

ელექტრა — ვაგლახ!

იუპიტერი — აბა, აბა, მენდე. განა გულთა მესაიდუმლე არა ვარ?

ელექტრა — (უნდოდ). მერე და ჩემს გულში ამოიკითხე, რომ ეს დანაშაული არ მინდოდა? მთელი 15 წელი ხომ შურისძიებაზე ვოცნებობდი.

იუპიტერი — მართალია, სისხლიან ოცნებებში ირწეოდი, მაგრამ ეს ოცნება გულუბრყვილო იყო. ის გიმალავდა, რომ მონა იყავი და სალბუნად ედებოდა შენს ქრილობებს. მაგრამ განა როდესმე გიფიქრია მისი აღსრულება? არა ვარ სწორი?

ელექტრა — ვაგლახ, ღმერთო ჩემო, სათაყვანებლო ღმერთო, როგორ მინდა, რომ ცდებოდე!

იუპიტერი — შენ სულ პატარა გოგონა ხარ, ელექტრა. სხვა პატარა გოგონები ოცნებობენ ვახდნენ ქალთა შორის ულამაზესნი და უმდიდრესნი. შენ კი მონუსხულმა შენი მოდგმის უკუღმართი ბედით, მოისურვე ყველაზე დიდი ტანჯული და ყველაზე დიდი დამნაშავე გამსდარიყავი. შენ არასოდეს ვდომებია ბოროტება: მხოლოდ შენი პირადი უბედურება გასურდა. შენი ხნის ბავშვები ჯერ კიდევ დედოფლობანას და კლასობანას თამაშობენ. შენ კი საცოდავო პატარა, არც სათამაშოები გქონდა, არც ამხანაგები გყავდა და მკვლელობა წამოიწყე, რაკი ამის თამაში მარტოკას შეგეძლო.

ელექტრა — ვაგლახ! ვაგლახ! გისმენ და რა ნათლად ვხედავ ჩემს თავს.

ორესტე — ელექტრა, აი ახლა მართლა დამნაშავე ხარ. ის, რაც შენ გინდოდა, შენს გარდა, ვინ უნდა იცოდეს? ნებას რად აძლევ სხვას, შენ მაგივრად მიიღოს გადაწყვეტილება? რად ამახინჯებ წარსულს, რომელსაც თავის დაცვა აღარ შეუძლია? რატომ უარყოფ იმ განრისხებულ ელექტრას, მაშინ რომ იყავი, სიძულვილის იმ ქალღმერთს, ასე რომ შემიყვარდა? ნუთუ ვერა ხედავ, როგორ გათამაშებს ეს უღმობელი ღმერთი?

იუპიტერი — ვათამაშებ? აჯობებს ჩემს რჩევას მიუგდოთ ყური: თუ დანაშაულს მოინანიებთ, ორივეს არგოსის ტახტზე დაგსვამთ.

ორესტე — ჩვენს მსხვერპლის ადგილას?

იუპიტერი — რას იხამ.

ორესტე — მე კი მიცვალებული მეფის ჯერ კიდევ თბილი სამოსი ჩავიცვა?

იუპიტერი — დიახ, ან რაიმე სხვა, სულერთია.

ორესტე — დიახ, მთავარია, შავი ფერისა იყოს, არა?

იუპიტერი — განა ისედაც ძაძა არ გაცვია?

ორესტე — ჰო, დედაჩემის გამო მაცვია ძაძა, სულ დამავინყდა. ჩემს ქვეშევრდომებსაც შავები უნდა ჩავაცვა, არა?

იუპიერი — იმათ, ისედაც შავები აცვიათ.

ორესტე — მართალია, ვაცალოთ, გაცვითონ ძველი სამოსი. მაშ, მიხვდი, ელექტრა? თუ რამდენიმე ცრემლს გადმოაგდებ, კლიტემნესტრას პერანგებსა და ქვედატანებს გაპირდებიან — იმ ჭუჭყიან, აყროლებულ პერანგებს, 15 წლის განმავლობაში საკუთარი ხელით რომ რეცხავდი. მისი როლიც გელის, ოღონდაც კი იყისრე. ილუზია სრული იქნება, ხალხს ეგონება, კლიტემნესტრას ვხედავო, იმდენად ემსგავსები. მე კი უფრო დიდი ზიზღის გრძნობა მაქვს: ჩემგან მოკლული მასხარას შარვალს არ ჩავიცვამ.

იუპიტერი — ცხვირს მალლა ნუ წევ. შენ დაარტყი კაცს, რომელიც თავს არ იცავდა და დედაბერს, შეწყალებას რომ გთხოვდა. მაგრამ ვინც არ გიცნობს, ან შენს საუბარს მოისმენს, შეუძლებელია იფიქროს, რომ მშობლიური ქალაქი გადაარჩინე და მართოდ მარტო შეებრძოლე 30 კაცს.

ორესტე — ვინ იცის, იქნებ მართლა გადავარჩინე მშობლიური ქალაქი?

იუპიტერი — შენ? იცი ვინ არის ამ კარის იქით? არგოსელები არიან, არგოსის ყველა მკვიდრი. თავის გადამრჩენელს — ქვებით, ფოცხებითა და კეტებით ელიან, მაღლიერება რომ დაუმტკიცონ. შენ სულ მარტო ხარ, როგორც კეთროვანი.

ორესტე — დიახ, ასეა.

იუპიტერი — მერე და საამაყო რა გაქვს? მარტოობას და სიძულვილს მიგცეს, ო, მკვლელთა შორის ყველაზე მხდალო მკვლელი!

ორესტე — ყველაზე მხდალი მკვლელი ის არის, ვინც სინანულს განიცდის.

იუპიტერი — ორესტე, მე შეგქმენი შენ და სხვა ყოველივე ჩემი შექმნილია. (ტაძრის კედლები გადაიხსნება და ვარსკვლავებით მოჭყდილი მბრუნავი ცა გამოჩნდება. **იუპიტერი** სცენის სიღრმეშია. მიკროფონში ისმის მისი გამაყრუებელი ხმა, მაგრამ გაურ-

კვეველია, რას ამბობს). — შეხედე იმ პლანეტებს; ისინი წესითა და რიგით მოძრაობენ და ერთმანეთს არასოდეს ეჯახებიან. ეს ჩემი სამართლიანი ნახელავია. ისმინე სფეროების ჰარმონია. მიწის ნარევის დიადი საგალობელი, რომელიც ცის ოთხივე კუთხით გაისმის. ყოველი თესლი ჩემი წყალობით მრავლდება, მე ვბრძანებ, რომ ადამიანმა ყოველთვის ადამიანი შეას, ძალის ლეკვი ძალის იყოს; ჩემი წყალობითაა, რომ ზღვის მოქცევის ნაზი ენა ქვიშას ლოკავს და ზუსტად დანიშნულ დროს უკუიქცევა; ჩემი ბრძანებით იფურჩქნებიან მცენარეები. ჩემი სუნთქვა ავრცელებს ყვავილთა მტვერის ყვითელ ღრუბლებს დედამიწაზე. აქ შენი ადგილი არ არის, ცრურწმენიავ. შენ ისე ხარ სამყაროში, როგორც ხიჭვი ხორცში, ისე როგორც ბრაკონიერი ფეოდალის ტყეში. სამყარო კეთილია, მე შემეძმნია ის ჩემი ნებით და მე ვარ სიკეთე. შენ კი, შენ ბოროტება ჩაიდიხე და ყოველი საგანი ბრალს გდებს ძრწოლანარევი ხმით. სიკეთე ყველგანაა: ხედავ ანწლის სირბილს, ანკარა წყაროს, კაჟის მარცვლების მძიმე ქვებს. სიკეთეს იპოვი ცეცხლისა და სინათლის არსში. შენი სხეულიც კი გლალატობს, რადგანაც ისიც ჩემს ანგარებას ემორჩილება. სიკეთე შენშია, შენ გარეთაცაა. ის ცელივით ვთიბავს, მთასავით ვთრგუნავს, ზღვსავით მიჰყავხარ და მიგაგორებს. სიკეთემ მოგიმართა ხელი შენს ცუდ საქმეში, რადგან იგი არის ჩირალდნების სინათლე, შენი მახვილის სიმაგრე, შენი მკლავის ძალა. შენ ბოროტება ჩაიდიხე და გეამაყება, მისი სათავე რომ ხარ. მაგრამ რა არის ეს ბოროტება თუ არა ყოფიერების ცბიერი ანარეკლი და ხრიკი, მაცდუნებელი სურათი. ამ ბოროტების საძირკველიც ხომ სიკეთეა: გონს მოდი, ორესტე. სამყარო გამტყუნებს და შენ ჭია ხარ ამ სამყაროში. კაცთა ბუნებას დაუბრუნდი, ბუნებანალალატევეო შვილო. შეიცან შენი შეცდომა, აღშფოთდი და მოიცილე, როგორც გაფუჭებული, დაჭიანებული კბილი. გაფრთხილდი, ზღვა არ უკუიქცეს, გზაზე მიმავალს არ დაგიშრნენ წყაროები, ქვალოდმა არ ჩაგიხერგოს გზა და მინამ პირი არ გიყოს.

ორესტე — დაე, მინამ პირი მიყოს! მერე რა. დაე, კლდეებმა გამომიტანონ განაჩენი და ბალახი გამიხმეს გზაზე. მთელი შენი სამყარო არ გეყოფა, რომ გამამტყუნო. შენ ღმერთების მეუფე ხარ, იუპიტერ, ქვათა და ვარსკვლავთა, ზღვის ტალღების მეუფე. მაგრამ ადამიანების მეუფე არა ხარ!

ტაძრის კედლები ერთმანეთს უახლოვდება, გამოჩნდება დაღლილი და მოხრილი იუპიტერი. ისევ თავისი ბუნებრივი ხმა აქვს.

იუპიტერი - განა შენი მეუფე არა ვარ, უტიფარო მატლო, მაშ ვინ შეგქმნა?

ორესტე - შენ, მაგრამ თავისუფალი არ უნდა შეგექმნინ.

იუპიტერი - თავისუფლება იმისათვის მოგეცი, რომ მემსახურო.

ორესტე - შეიძლება ეგრეცაა, მაგრამ თავისუფლება წინ აღვიდგა და ჩვენ აღარაფერი შეგვიძლია, არც შენ, არც მე.

იუპიტერი - როგორც იქნა, მოიძებნა გამართლება.

ორესტე - თავს სრულებითაც არ ვიმართლებ.

იუპიტერი - არა, მართლა? იცი, რომ ეგ თავისუფლება, შენ რომ დაგიმონა, ძალიან ჰგავს თავის მართლებას.

ორესტე - მე არც ბატონი ვარ, და არც მონა, იუპიტერ. მე თავად თავისუფლება ვარ. შეგქმნინი თუ არა, მე შენ აღარ გეკუთვნი.

ელექტრა - მამის სახელს გაფიცებ, დანაშაულს ღვთის გმობასაც ნუ უმატებ.

იუპიტერი - ყური დაუგდე. იმედი ნუ გაქვს, რომ შენი სჯაბაასით დას დაიბრუნებ. შენი ნათქვამი ელექტრას სმენას ეუცხოება და შეურაცხყოფს მას.

ორესტე - ჩემს სმენასაც ეუცხოება. ჩემს პირსაც, სიტყვებს რომ ისვრის და ენასაც, ყალიბს რომ აძლევს მათ. თვითონ საკუთარი თავის გაგება მიჭირს. ჯერ კიდევ გუშინ ჩემთა თვალთა რიდე იყავი და ყურთა სარქველი. გუშინ თავი უნდა მემართლებინა. შენს წინაშე ჩემი არსებობა უნდა გამემართლებინა, რადგან შენი მიზნების მსახურად გამაჩინე, ხოლო სამყარო კი შუამავლად დამიდგა და გაუთავებლივ შენზე მელაპარაკებოდა. მერე კი მიმატოვე.

იუპიტერი - მიგატოვე? მე?

ორესტე - გუშინ ელექტრას გვერდით ვიდექი. მთელი შენი სამყარო გარს მეხვია. იგი მღეროდა შენს სიკეთეზე, რჩევა-დარიგებებს არ მაკლებდა. გული რომ ამჩუყებოდა, ცხელი ღლის პაპანაქებას ნელინელ სინაზე შეერია და დაბინდულ მზერას დაემსგავსა იგი. გულის ტკივილი რომ დამეინყებოდა, ცა მოლბა, როგორც ყოვლის მიტყევა. ჩემი სიჭაბუკე, შენი მორჩილი, ნამოდგა, დამიდგა წინ და უხმოდ შემევედრა, როგორც საცოლე, რომელსაც საცაა მიატოვებენ. მე უკანასკნელად ვხედავდი ჩემს სიჭაბუკეს. უცებ თავისუფლება დამატყდა თავს და სრულად მომიცვა. სამყარომ უკან დაიხია და, როგორც საკუთარი ჩრდილის დამკარგავი კაცი, უასაკო, და მარტოსული აღმოეჩნდი,

შენს პატარა, გულარხენ სამყაროში. ცაზე აღარაფერი ჩანდა, აღარც სიკეთე, აღარც ბოროტება, აღარც მბრძანებელი ვინმე.

იუპიტერი - რა გინდა? ალტაცებით შევხვდე ქეციან ცხვარს, რომელიც ფარას მოაცილეს, ანდა კეთროვანს, რომელიც ცალკე თავის ლაზარეთშია ჩაკეტილი? გაიხსენე, ორესტე, შენ ჩემი ფარის ნაწილი იყავი, ჩემს ქალებში ბალახს ძოვდი ჩემს ცხვრებთან ერთად. შენი თავისუფლება მხოლოდ აქავებულ ქეცია, ის სხვა არაფერია, თუ არა გარიყვა და მოკვეთა.

ორესტე - მართალს ამბობ: გარიყვა და მოკვეთაა.

იუპიტერი - ეს ბოროტება გუშინდელია და ჯერ ისე ღრმად ნასული არ არის. დაგვიბრუნდი. დაბრუნდი. ნახე რა მარტო ხარ, საკუთარმა დამაც მიგატოვა. ფერმკრთალი ხარ და კაეშანმა და-ისადგურა შენს თვალებში. რა, გადარჩენის იმედი გაქვს? შენ არა-ადამიანური ბოროტება გღრღნის, უცხო ჩემი ბუნებისათვის, უცხო შენთვისაც. დაბრუნდი: მე დავინწყება ვარ, მე მოსვენება ვარ.

ორესტე - უცხო რომ ვარ საკუთარი თავისათვის, თავადაც ვიცი. სამყაროს გავნაპირებებ ვარ სრულად და არ ვეპირები მას, არ მაქვს არავითარი გამართლება და არც საყრდენი ჩემი თავის გარდა. მაგრამ შენს კანონებს არ დავუბრუნდები. მე მისჯილი მაქვს მხოლოდ და მხოლოდ საკუთარი კანონი მქონდეს. არ დავუბრუნდები შენს სამყაროს: ათასი გზაა შენკენ მომავალი, მე კი მხოლოდ ჩემს გზას დავადგები. მე ადამიანი ვარ, იუპიტერ და ყოველმა ადამიანმა თავისი გზა უნდა დასახოს. სამყაროს ეჯავრება ადამიანი და შენც, ღმერთების მეუფეო, შენც გეჯავრება იგი.

იუპიტერი - მართალს ამბობ, როცა შენნაირები გამოერევა, მეჯავრება.

ორესტე - გაფრთხილდი! ამით აღიარებ შენს სისუსტეს. ჩემდა თავად კი, იცოდე, არ მძულხარ. ანდა რა გვაქვს ჩვენ საერთო? ჩვენ ერთმანეთს ისე შეუხებლად დავცილდებით, როგორც გემები შორიშორდებიან ხოლმე ზღვაში. შენ ღმერთი ხარ, მე კი თავისუფალი. ერთნაირად მარტონი ვართ და ორთავეს ერთნაირი ძრწოლვა და კაეშანი გვღრღნის. ვინ გითხრა, რომ ამ გრძელ ღამეში სინანული არ მოვიძიე? სინანული. ძილი. მაგრამ ამიერიდან აღარც სინანულია ჩემთვის და აღარც ძილი.

იუპიტერი - ახლა რას აპირებ?

ორესტე - არგოსის მკვიდრნი ჩემი ხალხია. თვალები უნდა ავუხილო მათ.

იუპიტერი – საბრალო ხალხი. შენ მათ მიანიჭებ მარტოობა-სა და სირცხვილს. შემოაცლი ტანისამოსს, რომლითაც ისინი დაფარე, უეცრივ გადაუშლი თვალნინ მთელ მათ არსებობას, ბილწ, უნდილ და უმიზნო არსებობას.

ორესტე – რატომ არ უნდა გავუზიარო ჩემი სასონარკვეთი-ლება, ის ხომ მათი ხვედრიცაა?

იუპიტერი – ნეტავი რაში სჭირდებათ.

ორესტე – რაც უნდათ, ის უქნან. ისინი თავისუფლები არიან და ადამიანური ცხოვრება სასონარკვეთილების მიღმა იწყება.

სიჩუმე.

იუპიტერი – დაე, ასე იყოს. ყველაფერი წინასწარ იყო დასა-ხული. ერთ დღეს ადამიანი უნდა მოსულიყო და განეცხადებინა ჩემთვის: შენი მწუხრი დგებაო. მაშ ეს შენ ყოფილხარ? აბა, ვინ იფიქრებდა ამას გუშინ, შენი ქალწულებრივი სახის შემხედვარე.

ორესტე – განა თვითონ კი ვიფიქრებდი? განა არ ვგრძნობ, რომ ჩემი ბაგეები ვერ უძლებენ ამ ამაღლეზელ სიტყვებს და პირი მეხევა უკვე; ჩემი სიჭაბუკე ვერ უძლებს ზედის ამ სიმძი-მეს და იგი იმსხვრევა.

იუპიტერი – არ მიყვარხარ, მაგრამ მეცოდები.

ორესტე – მეც მეცოდები.

იუპიტერი – მშვიდობით, ორესტე (*რამდენიმე ნაბიჯს გადად-გმას*). შენ კი ელექტრა, მოიფიქრე: ჩემი მეფობა ჯერ არ დამ-თავრებულა. დრო კიდევ მაქვს დარჩენილი და ბრძოლას განვაგ-რძობ. დაფიქრდი, ჩემი მომხრე იქნები თუ მტერი.

ორესტე – მშვიდობით.

იუპიტერი გადის.

სცენა მესამე

ივინივე, იუპიტერის გარდა

ორესტე – სად მიდიხარ?

ელექტრა – თავი დამანებე. აღარაფერი მაქვს შენთან სალა-პარაკო.

ორესტე – მხოლოდ გუშინ გავიცანი, დღეს კი სამუდამოდ გაკარგავ?

ელექტრა – ნეტავ ისე ენებათ ღმერთებს, არასოდეს შეგხ-

ვედროდი.

ორესტე — ელექტრა, ჩემო დაო, ჩემო ძვირფასო ელექტრა! ჩემო ერთადერთო სიყვარულო, ერთადერთო სინაზვე ჩემი სიცოცხლისა, მარტო ნუ დამტოვებ, დარჩი ჩემთან.

ელექტრა — ქურდო, არაფერი მებადა, ერთი ბენო სიმშვიდისა და ერთი-ორი ოცნების გარდა. ყველაფერი წამართვი. მათხოვარი გაქურდე. ჩემი ძმა იყავი, ჩვენი ოჯახის უფროსი; ჩემი მფარველი უნდა ყოფილიყავი. შენ კი სისხლში ამომსვარე, ყელგამოჭრილი ხარივით წითლად შემღებე. ყველა ეს გაუმადლარი ბუზი მე მეკრობა და ჩემი გულიც შესაზარ სკას დამსგავსებია.

ორესტე — ჩემო სიყვარულო, მართალი ხარ, ყველაფერი წაგართვი და საზღაურს ვერაფერს გაძლევ ჩემი დანაშაულის გარდა. ეს რა, დიდი საჩუქარი არ არის? რა გგონია, იგი ჩემს სულს ტყვიასავით არ ანევეს? ჩვენ ძალიან მსუბუქნი ვიყავით. ამიერიდან ჩვენი ფეხები მიწაში ეფლობიან, როგორც ეტლის ბორბლები ნაკვალევში. მოდი, გზას გავუდგეთ, მძიმე ნაბიჯით, ძვირფასი ტვირთით მხრებზე. ხელი მომეცი და წავიდეთ.

ელექტრა — სად?

ორესტე — არ ვიცი. ჩვენი თავისაკენ. მთების და მდინარეების გადაღმა ორესტე და ელექტრა გვიცდიან. მოთმინებით უნდა ვეძიოთ ისინი.

ელექტრა — შენი მოსმენა აღარ მსურს. მხოლოდ უბედურებას და სისაძაგლეს მთავაზობ (სცენაზე წინ გამორბის. ერინიები ნელ-ნელა უახლოვდებიან). მიშველეთ! იუპიტერ, ღმერთებისა და ადამიანების ხელმწიფევ, ჩემო ხელმწიფევ, გულში ჩამიკარ, შენი მონა და ნივთი ვიქნები, ფეხებსა და მუხლებს დაგიკოცნი. დამიცავი ბუზებისაგან, ძმისაგან, ჩემი თავისაგან, მარტო არ დამტოვო. მთელ სიცოცხლეს მონანიებას მოვანდომებ. ვინანიებ, იუპიტერ, ვინანიებ!

გარბის.

სცენა მეოთხე

ორესტე, ერინიები

ერინიებს სურთ ელექტრას გაჰყვნენ. პირველი ერინია ყველას აჩქარებს.

I ერინია - თავი დაანებეთ, ჩემო დებო, ხელიდან გვისხლტება. მაგრამ ეს კი დიდი ხნით დაგვრჩება, მისი პატარა, მტკიცე სული ტანჯვებს ვერ მოიცილებს.

ერინიები ბზუიან და ორესტეს უახლოვდებიან.

ორესტე - სულ მარტო დავრჩი.

I ერინია - ო, არა, მკვლელებს შორის ყველაზე მოხდენილო მკვლელო, მე შენთან ვრჩები. ნახე, რა თამაშები მოგიგონო და როგორ გაგართო.

ორესტე - სიკვდილამდე მარტო ვიქნები. მერე...

I ერინია - გამაგრდით დებო, ორესტეს სისუსტე ეუფლება. შეხედეთ თვალები უფართოვდება. მალე მისი ნერვები ისეთ ბერებს გამოსცემენ, ქნარის სიმები რომ გამოსცემს ხოლმე ძრწოლანარევ არპეჯიოს დორს.

II ერინია - სადაცაა შიმშილი აიძულებს თავშესაფარი დატოვოს. დაღამებამდე ჩვენ მის სისხლს ვიგემებთ.

ორესტე - საბრალო ელექტრავ!

შემოდის პედაგოგი.

სცენა მეხუთე

ორესტე, ერინიები, პედაგოგი

პედაგოგი - სადა ხართ, ბატონო ჩემო! რა სიბნელეა. ცოტა საქმელი მოგიტანეთ. არგოსელებმა ალყა შემოარტყეს ტაძარს და გასულაზე არც იფიქროთ. ამაღამ გაქცევა უნდა ვცადოთ. მანამდე კი მიირთვიეთ. (ერინიები გზაზე ელობებიან). ესენი ვილა არიან? რომ იცოდეთ, როგორ მენატრება ატიკის ტკბილი მხარე, სადაც ჩემს სიმართლეს გასავალი ჰქონდა.

ორესტე - არ მომიახლოვდე. ცოცხლად დაგვლევინ.

პედაგოგი — წყნარად, ჩემო ლამაზმანებო. ოჰ, დაიჭით ხორცის ეს ნაჭრები და ხილი, თუკი ჩემი მსხვერპლთშენირვა დაგანყნარებთ.

ორესტე — რა თქვი? არგოსელები ტაძრის წინ შეკრებილანო?

პედაგოგი — და მერე რამდენი! ვერც კი გეტყვით, ვინ უფრო შმაგი და ალესილია თქვენ წინააღმდეგ, ეს მშვენიერი ქალიშვილები თუ თქვენი საყვარელი ქვეშევრდომები.

ორესტე — კარგი, (პაუზა). გააღე ეს კარი.

პედაგოგი — გაგიჟდით? იარაღასხმული დგანან კარის უკან.

ორესტე — გააკეთე, რასაც გეუბნები.

პედაგოგი — ამჯერად, ნება მომეცით, არ დაგემორჩილოთ. აკი გეუბნებით, ჩაგქოლავენ-მეთქი.

ორესტე — მე შენი ბატონი ვარ, მოხუცო, და გიბრძანებ, ეგ კარი გააღო. (პედაგოგი კარს გამოაღებს).

პედაგოგი — უჰ, უჰ.

ორესტე — მთლიანად გააღე. (პედაგოგი ყურთამდე აღებს კარს. თვითონ ერთ-ერთი საგდულის უკან იმალება. ბრბო ძალით აღებს ორივე საგდულს და შემერთალი ზღურბლზე ჩერდება. დიდი სინათლე).

ს ც ე ნ ა მ ე ე ქ ვ ს ა

ბრბოს ყვირილი — მოჰკალით, მოჰკალით, ჩაქოლეთ, დაგლიჯეთ, მოჰკალით!

ორესტე — (არაფერი ესმის) — მზე!

ბრბო — მკრეხელობაა! მკვლელო, ყასაბო, ხელ-ფეხი და თავი უნდა მოგკვეთოთ, გამდნარ ტყვიას ჩაგასახამთ ჭრილობებში.

ქალი — თვალებს დაგთხრი!

კაცი — ღვიძლს ამოგიჭამ!

ორესტე — (წელში იმართება) — აი თქვენც, ჩემო ერთგულო ქვეშევრდომნო! მე ორესტე ვარ, თქვენი ხელმწიფე, აგამემნონის ვაჟიშვილი და დღევანდელი დღე ჩემი მეფედ კურთხევის დღეა. (დაბნეული ბრბო ხმაურობს). თქვენ აღარ ყვირით? (ბრბო ჩერდება). ვიცი. ჩემი გეშიანით. 15 წლის წინათ, ზუსტად ამავე დღეს, თქვენ წინაშე სხვა მკვლელი წარდგა. ხელთათმანები იდაყვამდე განითლებული ჰქონდა. თქვენ მისი არ შეგშინებიათ, რადგან მის თვალებში ამოიკითხეთ, რომ თქვენიანი იყო და თავის მოქმედე-

ბაზე პასუხისგების ვაჟკაცობა არ გააჩნდა. ხოლო როცა დანაშაულს თვით დამნაშავე ვერ უმკლავდება, ეს ხომ უკვე არავის დანაშაულია. ასე არაა? ეს თითქმის შემთხვევითი ამბავია. თქვენ მეფედ აღიარეთ დამნაშავე და უძველესმა დანაშაულმა ქალაქის კედლებში დაიწყო ხეტიალი და ჩუმად აკვნესდა, როგორც პატრონდაკარგული ძაღლი. თქვენ მე მიყურებთ, არგოსელებო, ეტყობა მიხვდით, რომ ჩემი დანაშაული მე მეკუთვნის. მზის მაღლის შუქმა, ამას მოვითხოვ! ეს არის ჩემი ცხოვრების აზრი და სიამაყე. თქვენ ვერ დამსჯით, ვერც შემიცოდებთ და სწორედ ამიტომ გეშინიათ ჩემი. ჩემო ხალხო, მე თქვენ მიყვარხართ და სისხლი თქვენთვის დავღვარე. მე იმისათვის მოვედი, ჩემი სამეფო მომეთხოვა, თქვენ კი ხელი მკარით, რადგან უცხო ვიყავი თქვენთვის. ამიერიდან თქვენიანი ვარ, ო, ჩემო ქვეშევრდომო. სისხლი გვაკავშირებს და მე ღირსი ვარ თქვენი ხელმწიფე ვიყო. თქვენი შეცდომები და სინანული, თქვენი ღამეული ძრწოლვანი და ეგისტუს დანაშაული – ყველაფერი ჩემია, ყველაფერს ჩემს თავზე ვიღებ. თქვენი მკვდრების ნულა გეშინით, ისინი ჩემი მკვდრები გახდნენ. ხედავთ: თქვენმა ერთგულმა ბუზებმა მიგატოვეს და მე მომყვებიან. მაგრამ ნუ შიშობთ, არგოსელებო: სისხლით მოსვრილი არ დაეჯდება ჩემი მსხვერპლის ტახტზე: ღმერთმა შემომთავაზა, მე კი უარი ვუთხარი. მე ვიქნები უმინანყო და უქვეშევრდომო ხელმწიფე. მშვიდობით, ჩემო ხალხო, ეცადეთ როგორმე იცხოვროთ. აქ ყველაფერი ახალია, ახალი ცხოვრება უნდა დაიწყოთ. ჩემთვისაც ახალი ცხოვრება იწყება! მისმინეთ, კიდევ ერთს გეტყვით: ერთ ზაფხულს, სკიროსი ვირთხებით აივსო. ამ საშინელმა ჭირმა ყველაფერი დაღრღნა. ქალაქის მცხოვრებლები სიკვდილს ელოდნენ. მაგრამ ერთ მშვენიერ დღეს გამოჩნდა ფლეიტაზე დამკვრელი მამაკაცი. ის შუა ქალაქში დადგა. აი ასე (*სწორედ დგება*). მან ააჟღერა ფლეიტა და ყველა ვირთხა მისკენ გაიქცა და გარს შემოერტყა. შემდეგ დიდი ნაბიჯებით გზას გაუდგა, აი ასე (*ჩამოდის კვარცხლბეკზე*) და სკიროსის ხალხს შესძახა: გამეცალეთო. (*ბრბო განზე დგება*). ვირთხებმა, ამ ბუზებით, ყოყმანით ანიეს თავები. შეხედეთ! შეხედეთ ბუზებს! და ფლეიტაზე დამკვრელის კვალს დაედევნენ. ფლეიტაზე დამკვრელი და ვირთხები სამუდამოდ გაუჩინარდნენ. აი, ასე.

გადის. *ვრინიები ბლავილით მისდევენ უკან.*